

中華民國
政府公報分類彙編目錄

●弭亂 懲治盜匪 清鄉 緝捕

- 一 臨時大總統訓令各省都督民政長(嚴查倡言二次革命)
- 一 臨時大總統令(嚴懲鄂省倡亂軍官)
- 二 臨時大總統令(捕究潛謀內亂破壞民國奸人)
- 二 臨時大總統令(諭戒軍警附和二次革命)
- 三 臨時大總統令(擊退攻上海製造局匪徒之嘉獎)
- 四 臨時大總統令(江西都督李烈鈞免官)
- 五 臨時大總統令(通緝擾鄂亂黨)
- 六 臨時大總統令(專辦甘心畔逆之李烈鈞)
- 七 臨時大總統令(痛斥歐陽武煽亂營私之通電)
- 八 臨時大總統令(盪平內亂方鍼)

臨時大總統令(依法律宣告戒嚴)

八

臨時大總統令(告戒地方文武官毋許弁髦官守及甘心助亂)

九

臨時大總統令(嚴飭江蘇都督民政長嚴守要隘迅圖恢復)

九

臨時大總統令(褫奪黃興陳其美柏文蔚榮典軍職)

一〇

臨時大總統令(布告黃興陳其美柏文蔚罪狀)

一〇

臨時大總統令(優卹効忠盡職之江甯各軍官)

一一

臨時大總統令(查拏附和亂黨軍官)

一一

臨時大總統令(宣布廣東都督陳炯明罪狀)

一一

臨時大總統令(犒賞攻克湖口將士)

一二

臨時大總統令(限令國民黨除叛徒黨籍)

一二

臨時大總統令(嚴拿甘心叛逆之護軍使歐陽武)

一三

臨時大總統令(嚴拏暗通叛黨帶兵潛逃之鎮守副使劉世均)

一三

- 臨時大總統令(優卹被害軍官) 一三
- 臨時大總統令(捐款救濟被難平民) 一三
- 臨時大總統令(撫卹上海被難商民) 一四
- 臨時大總統令(江寧安慶福建各省亂黨冒稱都督宣布獨立) 一四
- 臨時大總統令(宣告上海製造局攻守情形) 一四
- 臨時大總統令(賞卹攻克江西亂黨之將士) 一五
- 臨時大總統令(褒賞取消廣東獨立之將士) 一六
- 臨時大總統令(勒令解散破壞統一之江西省議會) 一六
- 臨時大總統令(嚴拿甘心叛逆之蔣翊武) 一七
- 臨時大總統令(褒賞肅清江陵全境) 一七
- 臨時大總統令(查禁擾害煽亂之黨會) 一七
- 臨時大總統令(褒賞克復壽州正陽將士) 一八

- 臨時大總統令(鈞獎收復湖口出力艦長) 一八
- 臨時大總統令(解散甘心効逆之廣東省議會) 一八
- 臨時大總統令(改鄭汝成爲淞滬一帶接戰地域司令官) 一九
- 臨時大總統令(購緝煽惑軍士謀叛民國之軍官) 一九
- 臨時大總統令(革除犯內亂罪之議員名籍) 一九
- 臨時大總統令(優卹遇害軍官) 二〇
- 臨時大總統令(懲辦喪師失械軍官) 二〇
- 臨時大總統令(懲辦附和亂黨軍官) 二〇
- 臨時大總統令(添派施則敬任錫汾辦理戰地救濟事宜) 二一
- 臨時大總統令(克復吳淞南北塘獅子林各礮台) 二一
- 臨時大總統令(解散侵奪國會權限之湖南省議會) 二一
- 臨時大總統令(嘉獎龍濟光平定粵東亂事) 二二

- 臨時大總統令(查禁冒名招募軍隊) 一一一
- 臨時大總統令(揭明岑春煊破壞民國罪狀) 一一三
- 臨時大總統令(嘉獎克復江西省城將士) 一一三
- 臨時大總統令(優卹天保城陣亡軍官) 一一四
- 臨時大總統令(嘉獎克復正藍正白兩蒙旗將士) 一一四
- 臨時大總統令(拏辦背叛共和軍官) 一一四
- 臨時大總統令(褒賞攻克江寧各將士) 一一五
- 臨時大總統令(准免程德全江蘇都督本官) 一一五
- 臨時大總統令(派員辦理江蘇清鄉) 一一六
- 臨時大總統令(告誡士庶勿再信叛徒煽惑) 一一六
- 臨時大總統令(准免應德閔江蘇民政長本官) 一一六
- 臨時大總統令(申誡軍隊殘殺無辜及肆意騷擾地方) 一一七

- 臨時大總統令(嘉獎敗退蒙匪將士) 二七
- 臨時大總統令(撥款賑撫江蘇被難各區商民) 二八
- 臨時大總統令(宣布張煦倡亂鑪城罪狀) 二八
- 臨時大總統令(嚴拿發起冤憤團昌言煽亂各犯) 二八
- 臨時大總統令(嘉獎嚴拒亂黨各商會) 二九
- 臨時大總統令(嘉獎收復重慶各將士) 二九
- 臨時大總統令(優恤不肯附逆慘遭戕害軍官) 二九
- 臨時大總統令(優恤反對獨立慘被戕害軍官) 三〇
- 臨時大總統令(搜查亂黨偽造之軍票) 三〇
- 臨時大總統令(分別嚴禁解散湖南會匪) 三一
- 臨時大總統令(拏捕江西省議會助逆有據之議長議員) 三一
- 臨時大總統令(酌予寬免悔罪輸誠各逆黨) 三二

- 臨時大總統令(予卹拒逆被害將士) 三三一
- 臨時大總統令(優卹被害觀察使) 三三二
- 臨時大總統令(分別剿辦福建土匪) 三三三
- 臨時大總統令(獎叙克復新津等處將士) 三三三
- 臨時大總統令(嘉獎克復柳州各將士) 三三三
- 臨時大總統令(查辦寧波宣布獨立案內官吏) 三四
- 大總統令(購緝助逆議員) 三五
- 大總統令(解散國民黨)(取消國民黨議員) 三五
- 大總統令(宣示國民黨議員通逆助亂證據) 三六
- 大總統令(嘉獎克復經棚將士) 四三
- 大總統令(嘉獎克復昭蘇乃木城將士) 四四
- 大總統令(宣告京師解嚴) 四四

- 大總統令(實行京師保安事件) 四四
- 大總統令(痛闢升允恢復清皇室謬說) 四四
- 大總統令(嘉獎克復大王廟將士) 四六
- 大總統令(正法江陰澄台陸戰隊作亂之軍官) 四六
- 大總統令(宣布大理兵變情形) 四六
- 大總統令(通緝湘亂各犯) 四八
- 大總統令(破獲廣東亂黨) 四九
- 大總統令(嚴禁哥老會匪) 四九
- 大總統令(嚴究陝西亂黨) 五〇
- 大總統令(嚴查新同盟會) 五〇
- 大總統令(湖南亂黨偽造貨幣) 五一
- 大總統令(懲治造謠生事擾亂軍心) 五一

大總統令(防範宜昌匪亂)	五二
大總統令(責成勦匪各軍隊搜捕豫省土匪)	五二
大總統令(嚴辦廣東亂黨)	五三
大總統令(嚴禁邪教匪徒)	五三
大總統令(破獲上海閘北亂黨)	五四
大總統令(查緝亂黨新造偽紙幣)	五四
大總統令(搜勦白狼宋老年餘匪)	五五
大總統申令(防範亂黨)	五六
大總統令(獎賞擊斃白狼)	五六
大總統令(肅清郴縣兵變匪黨)	五七
大總統令(查緝偽造紙幣亂黨)	五七
大總統令(弭亂)	五八

- 大總統令(湖南郴縣桂陽等處亂民潰匪一律肅清) 五八
- 大總統令(防緝亂黨) 五九
- 大總統令(嚴查廣東亂黨) 六〇
- 大總統令(嚴防廣東亂黨) 六〇
- 大總統令(防勦匪盜) 六一
- 大總統令(公布地方保衛團條例) 六二
- 大總統令(地方官與軍隊合力防剿盜賊) 六五
- 大總統令(懲治盜匪法) 六五
- 大總統令(懲治盜匪) 六七
- 大總統令(懲治盜匪施行法) 六八
- 陸軍部致黎副總統電(張振武按軍法懲辦) 六九
- 武昌黎副總統呈大總統暨致國務院等電(懲辦張振武) 六九

武昌黎副總統致大總統暨國務院等電(宣布張振武罪狀)

七〇

豫南總司令官李純呈大總統縷陳混成第四團剿辦郊竇各匪業已

肅清文並批

七二

貴州都督唐繼堯呈大總統報明剿辦威水土目安桂林等詳細情形

文並批

七四

會辦河南軍務統領雷震春呈報備補軍剿匪辦法及汝州大致肅清

各情形文並批

七五

河南河北鎮總兵郭殿邦呈報會剿土匪督催洛南各屬守望社暨抄

毀匪巢匪糧等情形文並批

七七

國務院致武昌黎副總統各省都督民政長電(查拏潛謀內亂以保

商民)

七九

交通部訓令各路郵電局毋爲亂黨利用文

八一

國務院致黎副總統等電(中央對於贛亂之辦法)

八一

黎副總統致國務院等電(報告李烈鈞歐陽武謀亂贛省情形)

八三

交通總長呈請飭鄂贛艦隊援釋江永固陵兩船并代聲明招商局在

滬各船一律聽候政府調遣文

八四

浙江都督呈報平定縣紹匪亂各情形文並批

八四

上海鎮守使鄭汝成呈大總統暨致國務院等電(報告滬亂情形)

八五

海軍總長兼南洋巡閱使劉冠雄呈大總統暨致國務院等電海軍會

攻江甯情形文

八八

川邊經略使兼領川邊都督事尹昌衡呈報張煦前在鑪城肇亂及勸

定情形請飭各省嚴緝以伸國法文並批

八八

河南都督張鎮芳咨呈國務院報明拿獲破壞黨閥子固等審辦各情

形文

九一

署江蘇都督馮國璋呈報海陸軍戰團兵隊在江陰等處變亂審明擬

結各情形文並批

九二

昌武將軍督理江西軍務李純呈江西進賢餘江臨川等處會匪謀亂

業經分別派隊勦辦一律肅清地方安全呈請鈞鑒文並批令

九三

新疆巡按使楊增新呈新疆會匪充斥派隊前往和闐及懲辦匪首情

形文並批令

九八

貴州巡按使戴戡護軍使劉顯世呈報勦辦股匪李雲波並越境追勦

始末情形文並批令

九九

督理江蘇軍務馮國璋江蘇巡按使齊耀林兩淮鹽運使姚煜會呈遞

陸軍少將長江下游總稽查米占元條陳剿辦江蘇土匪辦法乞鑒

核文並批令

一〇四

徐州一帶檢察使蔣雁行呈大總統轉呈參謀劉文翰調查徐州土匪

情形暨善後籌計事宜清摺請鈞鑒文並批(附清摺)

一〇五

四川都督及民政長呈報川省上年十月至年底各屬懲辦匪徒姓名

事實摺要列表文並批

一〇七

湖南都督兼民政長湯薌銘呈報湘省匪徒滋擾及辦理情形文並批

一〇九

奉天巡按使張錫鑾呈省城陸軍擊獲盜犯請免經審判程序交由軍

法課訊辦以期捷便文並批令

一一〇

署察哈爾都統何宗瑛呈擬懸賞購緝口外著名積匪請飭下部處

分別備案文並批令

一一一

山西巡按使金永呈省城警備隊擊獲盜犯擬請免經審判程序交由

警備執法營務處訊辦以期捷便文並批令

一一二

江西巡按使戚揚呈遵奉懲治盜匪條例擬設承審處提犯覆審以昭

慎重文並批令

一一三

督署陝西巡按使鍾傳善呈請設警備執法處專司審理省城擊獲盜

匪亂黨文並批令

一一四

廣東巡按使李國筠呈遵行懲治盜匪條例設立執法處派員審理文

並批令

一一五

署浙江巡按使屈映光呈審理盜匪案件援案設立承審處文並批令

一一五

湖南巡按使劉心源呈聲明擊獲盜匪擬請訊取確供仍准據電辦理

以期迅速文並批令

一一七

京兆尹沈金鑑呈體察地方現辦盜匪情形適用懲治盜匪法施行法

變通辦理文並批令

一一八

河南南陽鎮守使吳慶桐呈擬請各營擊獲盜匪查照現行懲治盜匪

法辦理文並批令

一一九

宣武將軍馮國璋江蘇巡按使齊耀琳呈遵令查明蘇省地方現辦盜

匪情形請明降命令准照懲治盜匪法施行法爲施行區域文並批
令 一一〇

同武將軍閻錫山巡按使金永呈山西地處邊要盜匪橫行請照懲治
盜匪法施行法辦理以資懲罰而保安文並批令 一一一

冀南鎮守使王懷慶呈冀南地方重要依懲治盜匪法應定爲施行法
施行區域文並批令 一一二

黑龍江巡按使朱慶瀾呈遵令體察江省情形擬請作爲懲治盜匪法
施行法施行區域以戢盜風文並批令 一一三

署四川巡按使陳廷傑呈遵奉懲治盜匪條例擬具委員覆審辦法文
並批令 一一四

興武將軍督理浙江軍務朱瑞呈報懲治盜匪事宜已劃歸巡按使署
管理文並批令 一一五

浙江都督朱瑞呈浙省盜案迭出劃定清鄉特別區域酌訂章程及辦

事條例並遴員辦理等情文並批

一一六

浙江都督朱瑞呈報杭嘉湖等處清鄉事宜完畢並撤消督辦公署日

期請指令施行文並批

一二六

內務部呈大總統報明修正江蘇徐淮海清鄉章程文並批(附章程)

一二七

內務總長呈蘇松常各屬清鄉事宜蘇州清鄉公所照章裁撤並懇陳

辦理結束情形據情轉呈文並批令

一三二

內務部呈蘇省通如崇海各屬清鄉事竣撤消公所文並批令

一三五

署理湖北都督段芝貴民政長呂調元呈釐訂湖北清鄉章程繕摺呈

請核示文並批

一三六

順天府府尹張廣建呈擬訂緝捕賞罰章程請鑒核立案飭部遵照文

並批(附章程)

一三九

熱河都統呈明擬定軍警緝捕章程提案支給賞項嚴定功過考成請
鈞示遵行文並批

中華民國 政府公報分類彙編

弭亂 懲治盜匪 清鄉 緝捕

▲臨時大總統訓令各省都督民政長（嚴查倡言二次革命）

自政府成立五族一家薄海人心傾向共和實爲千載一時之會乃有不軌之徒藉端煽惑意在搖動民國擾亂治安以重生靈之禍幸人心厭亂迭經先事破獲不致危及地方本大總統深維國勢之艱難不忍見五族人民罹於塗炭所望共爲良善鞏我邦基若任少數凶徒隱謀蠢動養癰成患本大總統何以對我人民近據廣東都督胡漢民電稱各省立心不正之徒每以二次革命爲口實若不嚴誅一二將何以遏止亂萌請諭知各省現在國本已定如有倡言革命者政府定予嚴辦奸人知所斂迹等語指陳剴切洵爲弭亂要圖著各省都督民政長嚴飭所屬凡有倡言革命敢爲國民公敵者查有實據卽行按法嚴懲以塞匪膽而順民情斷不能徇煦煦之仁以貽民國前途之隱患也此令中華民國元年十一月二十六日國務總理趙秉鈞

▲臨時大總統令（嚴懲鄂省倡亂軍官）

據領湖北都督參謀總長事黎元洪電稱鄂省軍官倡亂危害大局請嚴行懲辦以遏兇鋒等語民國成立繼造艱難豈容再圖破壞乃竟有狂悖之徒陰謀倡亂實爲人民公敵此次湖北匪黨妄託改進團名目徧送傳單煽惑軍隊希圖起事當經偵查破獲地方獲安訊據獲犯管新原等僉供係季雨霖主謀與寶塔洲稅局總辦曾尙武捐助款項交與容景芳等租房製券並與熊炳坤聯絡似此潛謀內亂危害大局殊堪痛恨陸軍中將勳三位季雨霖陸軍少將勳五位熊炳坤步兵中校曾尙武容景芳身爲軍官一併先行褫職歸案查辦季雨霖熊炳坤並褫奪勳位卽由該省組織軍法會審提集一千人證訊明確情呈請分別懲辦以肅法紀而奠邦基此令中華民國二年四月十四日國務總理趙秉鈞陸軍總長段祺瑞

▲臨時大總統令(捕究潛謀內亂破壞民國奸人)

民國肇基伊始推翻帝制締造新邦當義師之興未遑悉加節制途使依草附木者假借名義魚肉良民致羸釋轉於溝壑丁壯膏乎鋒鏑瘡痍滿目海內騷然一年以來秩序雖漸寧謐元氣迄未昭蘇本大總統受國民付託之重不欲張皇武力塗炭生靈遇有陰謀破壞者亦不惜曲予優容冀其悔悟誠以時局岌危至斯已極財力枯竭民不聊生道路怨咨羣情惶惑怯弱者莫不僑寄租界託生命財產於外人甘受取縮視為固然失業貧民所在皆是此等現象言之痛心即使舉國一心日謀生聚安居樂業未卜何時若再囂囂沸騰內訌無已即不啓分割之機亦必使國民重罹兵火之劫是以五夜焦思椎心泣血忍辱負詬委曲求全現在國會開幕行將選舉正式大總統方期繼起之賢艱難弘濟拯生民於水火措全國於乂安本大總統統籌得與四萬萬人民同享幸福區區此心當為天下所共諒乃近聞上海四月二十九日路透電稱有人在滬運動第二次革命諄勸商家助捐籌餉反對中央又英文大陸報稱上海有人運動滬甯鐵路預備運兵赴寧各等語披閱之餘殊堪駭怪雖西報登載風聞不必實有其事而既有此等傳說豈容坐視亂萌用特明切宣示昭告國民須知總統向稱公僕與子孫帝王萬世之業勞逸迥殊但使衆望允孚即能被選何用藉端發難苦我生靈倘如西報所言奸人乘此煽誘釀成暴動則是擾亂和平破壞民國甘冒天下之不韙本大總統一日在任即有捍衛疆土保護人民之責惟有除暴安良執法不貸為此令行各省都督民政長轉令各地方長官遇有不逞之徒潛謀內亂歛財聚衆確有實據者立予逮捕嚴究其有無知愚民或被人誘脅或轉相驚擾者一併婉為開導毋得稍涉株連將此通令知之此令中華民國二年五月三日國務總理陸軍總長段祺瑞內務總長假

▲臨時大總統令(諭戒軍警附和二次革命)

軍人以保衛疆土維持和平為天職萬不可聽信訛言輕為附和致召擾攘之禍近日中外報章載有人在上海運動第二次革命諄勸商家助捐籌餉并運動滬甯鐵路預備載兵赴寧各節未必實有其事業經本大總

統通令各省都督民政長轉飭所屬查究在案茲又據尹督昌衡來電稱國基未固險象環生實由於宵小縱軍令不肅有以致之今雖不能以軍法治國亟應以軍法治軍請特下軍令等語本大總統深惟民出財以養兵兵出力以衛民此古今之通義矧民國主權屬於國民全體各軍警爲民服務卽爲國効忠尤宜深明大義有勇知方前清未造人民苦專制久矣武漢首義各地響應大功於以告成雖賴軍警之協力同心而人民之隱受其害者亦所在皆有痛深創巨寧不疚心本大總統方欲蕩滌瑕穢與天下更始故將戰時責任一律解除各軍警須知共和底定五族一家正宜休戚相關共謀幸福若再猜疑互啓禍亂相尋致令國本動搖生民塗炭匪惟國法所不赦抑亦人道所不容現既風聞有人潛謀內亂難保無煽惑勾串情事在各軍警忠勇性成當不至爲其所惑設有無識之徒盲從其間猝發難端恐內訌未靖外患紛乘必且國種淪胥萬劫不復卽幸而人心厭亂戡定非難彼時首亂之魁尙可席捲重賞連逃海外惟有軍警從惡之羞無從湔濯孰願孰逆何去何從各具天良亟宜自擇本大總統久縮軍符與士卒同甘苦共患難之心初終如一爲此掬忱相告令行各該管將領官弁詳晰開諭嚴加防範遇有藉端煽亂之人應卽按照軍法盡法懲治一面仍隨時剴切勸諭以養其遵守紀律服從命令之資格庶無負本大總統敬愛軍警之本意此令中華民國二年五月七日國務總理陸軍總長段祺瑞內務總長假

▲臨時大總統令(擊退攻上海製造局匪徒之嘉獎)

據江蘇都督程德全二十九日電呈轉據上海警察長穆湘瑤電稱晨兩時五分有匪徒七八十人攻製造局被擊退並捕兩八現均逃散現已嚴加戒備秩序如常等語上海毗連租界爲中外商民薈萃之區不獨地方治安與海疆要塞俱有關係卽各國視線咸集於茲乃有不逞之徒肆爲擾亂匪首徐企文等潛謀佔據製造局拘獲總理於營後空地接濟子彈並有旗號等物爲證似此謀爲不軌直欲搖動大局擾害商民幸程德全布置有方督同師長章駕時團長梁敦焯陳其蔚製造局總理陳榘預爲防範連長陳禮文張紹良冒險偵探

會同警察長穆湘瑤奮力抵禦得以擊退羣匪捕獲數名程德全不動聲色防患未然形深堪嘉獎梁敦焯陳其蔚應即授爲陸軍少將陳禮文張紹良授爲陸軍少校章鶴時給與二等文虎章陳觀給與三等文虎章穆湘瑤給與四等文虎章出力兵匠賞給銀五萬元由陸軍部發給重要逸匪每獲一名賞銀一萬元卽責成該督通飭緝拏務獲嚴究黨羽盡法懲治其餘出力員弁由該督分別查明呈請給獎此令中華民國二年五月三十日國務總理陸軍總長段祺瑞

△臨時大總統令(江西都督李烈鈞免官)

江西都督李烈鈞前經臨時參議院咨送議員郭同等以專制殘毒暫罪惡五端兩次質問又據江西旅京公益會李盛鐸等全省商會羅志清等鐵路股東會朱益藩等旅滬公會陳三立等以違法殃民恣睢暴戾條列十四罪呈請派委鎮撫以拯人民等情嗣因任命汪瑞闓爲江西民政長該省有反對情事當派王芝祥前往併案查辦該督旋又擅自改編師團並調兵派員管理九江礮台迫脅鎮守使戈克安雖濶會據王芝祥電稱迭經責問李督非空言所能警覺懇請派兵赴潯本大總統因不忍地方人民財產重罹鋒鏑屢經開誠詰諭乃數月以來復有調兵連械進逼鄂境之舉商賈停滯居民播遷怨讟繁興亂熒四伏迭准參議院衆議院咨送參議員陳銘鑑等衆議員張大昕等郭同等先後提出質問九江等公會籲訴並經黎副總統查據陸軍少將陳鍾藩與國縣知事暨武穴自治商會先後報告情事昭彰殆已無可諱飾現又據王芝祥將查辦情形呈復前來察閱原呈雖稱各款未能逐件詳查惟反對汪民政長一節卽非李督本意而縱容軍人藐抗已難辭責至調兵逼潯一案則稱因箇人惡感遂冒侵官輕舉之嫌拘拿鐵路協理羅朗山一案則稱辦理不免操切該督於政治上學識經驗均缺年少氣盛閱歷未深事理重輕人情向背皆無體驗等語綜核情形該督李烈鈞措置乖方實屬不稱厥職念其初蒞任時平治會匪尙稱得力仍望其感觸時艱痛傷民瘼以恢復軍人名譽以表本大總統與人爲善之誠乃迭閱人民代表呼籲之詞至再至三不忍卒讀卽王芝祥呈復查辦各節

亦有定評是該督無術維持確係不孚衆望倘仍優容姑息坐視閭閻疾怨商業凋殘何以對贛省厭亂望治之窮咎何以告各省戡暴安良之賢吏李烈鈞應即免江西都督本官即日交卸來京聽候酌用此令中華民國二年六月九日國務總理陸軍總長段祺瑞

▲臨時大總統令(通緝擾鄂亂黨)

據兼領湖北江西都督事黎元洪電陳亂黨擾鄂情形並請通緝各要犯歸案訊辦等語此次該亂黨由滬攜帶鉅資先後赴鄂武漢等處機關四布勾煽軍隊招集無賴約期放火劫獄攻城擄署甚至議在漢陽下游一帶挖掘盤塘淹灌黃廣等七縣不惜拚擲千百萬生命財產以逞亂謀雖使異種相殘無此酷毒經該管都督派員在漢口協同西捕破獲機關搜出賬簿名冊旗幟布告等件並取其各犯供詞證據確鑿無可掩飾查該叛黨屢在鄂省謀亂無不先時偵獲上次改進黨之變未戮一人原冀其革面洗心迷途思返乃竟鬼蜮爲謀豺狼成性以國家爲孤注以人民爲犧牲顛覆邦基滅絕人道實屬神人所共憤國法所不容本大總統忝受付託之重不獲爲生靈謀幸福爲寰宇策安全竟使若輩不逞之徒屢謀擾亂致人民無安居之日商塵無樂業之期興念及此深用引疚萬一該亂黨乘隙復逞戒備偶疏小之遭荼毒之慘大之釀分割之禍將使莊嚴燦爛之民國變爲匪類充斥之亂邦本大總統及我文武同僚將同爲萬古罪人此心其何以自白夷狄其和政體由多數國民代表議定法律由行政官吏依法執行行不合法國民代表得而監督之不忠政治之不良現國會既已成立法律正待進行或仍藉口於政治改良不待國會議定不由國會監督贊鼓邪詞背馳正軌惟務擾亂大局以遂其攘奪之謀陽託改革之名其實絕無愛國與政治思想種種暴亂無非破壞共和凡民國之義人人均爲分子即人人應愛國家似此亂黨實爲全國人民公敵默念同舟覆溺之禍緬維新邦締造之艱若再曲予優容姑息適以養奸寬忍反以長亂勢不至釀成無政府之慘劇不止所有案內各犯除寧瀾元熊越山曾毅楊瑞鹿成希禹周覽已在漢口租界德法各捕房拘留另由外交部辦理外其在逃之夏述

堂王之光季良軒卽季雨霖鍾鼎莊溫楚珩楊子營卽楊王鵬趙鵬飛彭養光詹大悲鄧永成岳泉源張秉文彭臨九張南星劉仲州等犯著各該都督民政長將軍都統護軍使一體懸賞飭屬嚴拏務獲解究以彰國法而杜亂萌此令中華民國二年七月七日國務總理陸軍總長內務總長段祺瑞

▲臨時大總統令(專辦甘心畔逆之李烈鈞)

前據兼領湖北江西都督事黎元洪先後電稱據九江要塞司令陳廷訓電因近日亂黨挾帶鉅資前來九江湖口運動煽惑約期舉事懇請就近酌派軍隊赴潯鎮攝卽經派兵前往嗣據江西護軍使歐陽武電阻已諭令前往軍隊預備撤回各等語茲又據黎兼督暨鎮守使李純先後電陳李烈鈞帶同外國人四名於本月八號晚乘小輪到湖口約會九十兩團團長調去輜重工程兩營勒令各台交出歸其佔領以各營扼紮湖口逼布要隘分兵進逼金雞礮台德安之混成旅並向沙河鎮進駐該鎮南之贛軍隊突於十二日上午八鐘開槍向我軍進攻且以湖口地方宣布獨立等情閱之殊深駭異李烈鈞前在江西擁兵跋扈物議沸騰各界紛紛額訴甚謂李烈鈞一日不去贛民一日不安本大總統酌予免官調京任用所以曲予保全者不爲不至且爲贛省計深恐輿師問罪驚擾良民故中央寧受姑息之名地方冀獲救安之慶不意逆謀叵測輒復潛至湖口佔據礮台稱兵構亂謂非背叛民國破壞共和何說之辭可見陳廷訓電稱運動煽惑約期舉事言皆有據似此不愛國家不愛鄉土不愛身家名譽甘心畔逆爲虎作倀不獨主持人道者所不忍言實爲五大族人民所共棄值此邊方多故應付困難雖全國協力同心猶恐弗及而乃幸災樂禍傾覆國家稍有天良寧不痛憤李烈鈞應卽褫去陸軍中將並上將銜著歐陽護軍及李鎮守使設法拏辦其脅從之徒自願解散概不深究如或抗拒則是有心從逆定當痛予誅鋤並著各省都督民政長剴切曉諭軍民共維秩序嚴加防範本大總統既負捍衛國民之職任斷不容肇亂之輩亡我神州凡我軍民同有拯溺救焚之責其敬聽之此令中華民國二年七月十五日國務總理陸軍總長段祺瑞

▲臨時大總統令(痛斥歐陽武煽亂營私之通電)

共和國以人民爲主體而人民代表以國會爲機關政治不善國會監督之責政府不良國會有彈劾之例大總統由國會選舉與君主時代子孫帝王萬世之業迥不相同今國會早開人民代表咸集都下憲法未定約法尙存非經國會無自發生監督之權更無擅自立法之理豈少數人所能自由起滅亦豈能因少數人權利之爭掩盡天下人民代表之耳目此次派兵赴滬迭經本大總統及副總統一再宣布本末瞭然何得信口雌黃藉爲煽亂營私之具今閱歐陽武通電竟指國軍爲袁軍全無國家觀念純乎部落思想又稱蹂躪淫戮廬墓爲墟等情九江爲中外雜居之地萬目睽睽視察之使絡繹於途何至無所聞見陳廷訓之告急黎兼督之派兵各行其職堂堂正正何謂陰謀孤軍救援何謂三道進兵即歐陽武蒸日通電亦云李烈鈞到湖口武開兩圍往攻等語安有叛徒進踞要塞而中央政府該管都督撤兵藉寇之理豈陳廷訓劉世均近在九江之電不足憑而獨以歐陽武遠在南昌之電爲足信豈贛省三千萬之生命財產獨非中華民國之人民李純所率之兩圍獨非江西兼督之防軍歐陽武以護軍使不足而自爲都督並稱經省會公舉約法具在無此明條似此謬妄欺三尺童子不足而欲欺天下人民誰其信之且與本大總統防亂安民之宗旨與迭次之命令全不相符捏詞誣讒稱兵犯順視政府如仇敵視國會若土苴推翻共和破壞民國全國公敵萬世人獨我無辜之良民則奔走流離不知所屆本大總統心實痛之本大總統年逾五十哀病侵尋以四百兆人民之付託茹苦年餘無非欲我黎民子孫免爲牛馬奴隸此種破壞舉動本大總統在任一日即當犧牲一切救國救民現在正式選舉將舉行雖甚不肖斷不至以兵力爭攘權利况艱辛困苦尤無權利之可言副總統兼浙重任經本大總統委託討逆責有攸歸或乃視爲鄂贛之爭尤非事實仍應責成該兼督速平內亂拯民水火各省都督等同心匡助毋視中華民國爲一人一家之事毋視人民代表爲可有可無之人我五大族之牛靈或不至斷送於亂徒之手歐陽武前日電文詞意誠懇與此電判若兩人難保非僉壬挾持假借名義俟派員

查明再行核辦此令中華民國二年七月十七日國務總理陸軍總長段祺瑞

▲臨時大總統令(盪平內亂方鍼)

湖口徐州等處暴徒倡亂政府爲整肅紀綱維持國本起見不得不以兵力戡定迭經先後布告本大總統躬承國民付託之重值此變出非常盪平內亂責無旁貸耿耿此心當爲我國民所共諒各友邦所悉知惟恐傳聞之異詞或疑方鍼之未定國民以姑息養奸相責備外商以身命財產爲隱憂若不明白宣告使我全國人民咸知順逆從違之所在各外商共悉鎮壓暴亂之有方其何以靖人心而昭大信爲此通令條舉三端一該暴徒等勾煽叛兵僭竊土地擅行宣布獨立破壞民國之統一擾害地方之治安此等行爲實係亂黨政府不得不係照國家法律以兵備警戒是用兵定亂爲行使約法上之統治權民國政府當然有此責任二各國商民之通商傳教載在條約凡有亂警地方該地司令官均應照約實力保護務使各外國人之身命財產不致因亂事稍受危險嗣後各該地方之外國人所有身命財產如因鎮壓變亂而直接受有損失者民國政府必完全負其責任三亂黨到處勾結如有本國人或外國人與之訂立一切契約而影響可以及於國家或一地者無論用何種方法及何種名義民國政府絕不承認以上三端自本令發布以後應由各該地司令官通行布告仍著外交總長行文駐京各國公使查照以慰友邦熱誠贊助之雅懷而示本大總統除暴安良之至意此令中華民國二年七月二十一日國務總理陸軍總長段祺瑞外交總長陸徵祥

▲臨時大總統令(依法律宣告戒嚴)

查約法第三十六條載大總統得依法律宣告戒嚴又戒嚴法第一條載遇有非常事變對於全國或一地方須用兵備警戒時大總統得依本法宣告戒嚴或使宣告之各等語現在江西湖口及江蘇徐州等處地方亂黨暴動情形實與戒嚴法所稱非常事變相符須用兵備警戒迭據各該地司令官呈請前來本大總統特依約法暨戒嚴法宣告戒嚴自宣告之日起所有湖口徐州等處地方凡應攻守各地域均按照戒嚴法接戰地

域之規定辦理其餘地方地并准由各該出征司令官依法臨時宣告戒嚴至北京爲民國政府根本之地現雖民商安堵屢市無驚第五方雜處良莠不齊恐不免有奸人匪徒混迹其中希圖擾亂自應同時依嚴法警備地域之規定酌量辦理以保治安而鞏國本所有各界人等仍各照常安業無庸誤會驚惶此外各省地方如有應行警備各地域由各該地司令官隨時就請本大總統依法宣告若時機迫切須臨機處分者准應行法臨時宣告戒嚴以期弭患於無形共維秩序此令中華民國二年七月二十一日國務總理陸軍總長段祺瑞

▲臨時大總統令(告戒地方文武官毋許弁髦官守及甘心助亂)

自湖口倡亂以來暴徒勾結亂軍散布訛言詭稱獨立所在地方文武官吏盡忠職守貞固不搖者固不乏人而二三不職之徒或藉口保全輕離職守或隨聲附和甘受脅從似此瀆職曠官既失國家設官治事之初心卽爲今日風俗人心之大患若不嚴加振刷何以維秩序而肅紀綱自令以後凡京外奉職人員如有弁髦官守任意潛逃或假藉名義甘心助亂者一經拿獲定必從嚴懲處決不姑容風紀所關不得不預爲告誡百職有司其敬聽之此令中華民國二年七月二十一日國務總理陸軍總長段祺瑞

▲臨時大總統令(嚴飭江蘇都督民政長嚴守要隘迅圖恢復)

據國務院轉呈江蘇都督程德全十七日電稱十五日駐寧第八師等各軍官要求宣布獨立德全舊病劇發刻難措拄本日來滬調治又應德閔電稱率同各司長移交都督府等語該都督有治軍守土之責似此稱病棄職何以對江蘇人民姑念該都督從前保全地方輿情尙多感戴此次雖未力拒逆匪而事起倉猝與甘心附逆者迴不相侔應德閔因事先期在滬情亦可原該逆匪等破壞性成人民切齒現在江西山東兩路攻剿擒斬叛徒甚多湖口指日盪平張勳前隊已抵徐州著程德全應德閔卽在就近地方暫組軍政民政各機關行署並著程德全督飭師長章鴻時等選擇得力軍警嚴守要隘迅圖恢復一面分飭各屬軍警暨商團民團

防範土匪保護良民該都督民政長職守攸關務當維繫人心毋負本大總統除暴安良之本旨一俟大兵雲集即當救民水火統一國家該都督民政長尙有天良其各體念時艱勉期晚蓋此令中華民國二年七月二十日國務總理陸軍總長段祺瑞

▲臨時大總統令(褫奪黃興陳其美柏文蔚榮典軍職)

黃興陳其美柏文蔚逆跡已著所有從前所頒榮典軍職一律褫奪其附逆之徒該部查明一律辦理此令中華民國二年七月二十二日國務總理陸軍總長段祺瑞

▲臨時大總統令(布告黃興陳其美柏文蔚罪狀)

前南京留守黃興自辭卸漢粵川督辦後回滬就醫本月十二日從赴南京第八師部煽惑軍隊迫脅江蘇都督程德全同謀作亂程德全雖寧赴滬黃興捏用江蘇都督名義出示叛立自稱討袁軍總司令其與湖口李逆烈鈞電有江蘇宣布獨立足爲公處聲援之語又迭派叛軍攻擊韓莊防營遣其死黨柏文蔚盜兵臨淮陳其美圖佔上海唆使吳淞叛兵礮擊飛鷹兵艦在寧戕殺要塞總司令吳紹璘講武堂副長蒲鑑要塞掩護團教練官程鳳章等多人並在滬聲言外人干涉亦所不恤必欲破壞民國糜爛生民而後快逆跡昭著豺虎之所不食有吳之所不容查黃興亡命鼓吹本以改良政治爲名乃凶狡性成竟於已經統一之國家甘心分裂自南京留守取消以後屢遣叛徒至武漢起事不成又遣暗殺黨至京行刺被獲侵蝕南京政府公款以糾合暴徒私匿公債票數百派人運動各軍隊政府雖查獲證據未經宣布冀其良心未死或有悔悟遷善之一日乃政府徒蒙容忍之名地方已遭蹂躪之禍該黃興陳其美柏文蔚等明目張膽倒行逆施各處商民怨恨切骨函電紛紛要求討賊比聞金陵城內焚戮無辜又竊佔交通機關敲詐商人財物草菅人命因一己之權利毒無限之生靈播徙流離本大總統惻然心痛凡我軍民怒目裂眦著馮國璋張勳迅行剿辦叛兵一面懸賞緝拏逆首其脅從之徒有擒斬黃興等以自贖者亦予賞金自拔來歸者勿究前罪本大總統但問順逆不問

黨類布告遠邇咸使聞知此令中華民國二年七月二十二日國務總理陸軍總長段祺瑞

▲臨時大總統令(優卹効忠盡職之江甯各軍官)

保衛國家全恃軍人靈急公奉上之忱勵矢死弗渝之守乃能消除禍亂擁護治安南京四路要塞司令官陸軍中將吳紹璘講武堂副長少將銜蒲鑑要塞掩護第二團教練官陸軍中校程鳳章皆夙進兵學深明大義每于匪徒煽惑逆謀潛搆皆堅爲排拒力圖消弭結怨羣邪已非一日輸忠爲國公爾忘身此次事變將起復擬逕電政府先爲舉發竟觸叛黨之忌同罹不測之殃凶耗驟聞爲之淚下各處軍人皆知該司令等効忠盡職之死靡他則逆亂何自而生人民何由受禍與言及此矜憫殊深吳紹璘蒲鑑程鳳章均各先給治喪銀五千元吳紹璘追授陸軍上將蒲鑑追授陸軍中將程鳳章追授陸軍少將均各從優給卹該員家屬亦宜垂恤卽由該省都督等派員存問於公款內優致贍資作正開銷以昭特獎忠烈之典爾軍人當知該上將等助順拒逆雖死猶榮其各矢同仇殄彼有罪以遏亂焰而慰忠魂此令中華民國二年七月二十五日國務總理陸軍總長段祺瑞

▲臨時大總統令(查拏附和亂黨軍官)

代理福建陸軍第十四師師長陸軍中將許崇智附和亂黨背叛共和復敢私致代理國務總理陸軍總長段祺瑞電文據該總理呈閱原電語多狂悖實屬大干軍紀罪無可逭許崇智應卽褫革軍官軍職並嚴行查拏按法懲辦以爲甘心從逆者戒此令中華民國二年七月二十五日國務總理陸軍總長段祺瑞

▲臨時大總統令(宣布廣東都督陳炯明罪狀)

迭據新嘉坡檳榔嶼僑商廣州總商會香港澳門各政黨各行業商民人等屢電稱本月十八日都督陳炯明在議會拔刀威逼議員宣告獨立乞派兵挽救速討逆賊等語情形迫切衆口一詞廣東經兵燹之餘瘡痍未復迭飭各師旅長等嚴守秩序保衛地方不意陳炯明狼子野心背國叛立粵人水深火熱泣血椎心破閱電

文不忍卒讀各該商民深明大義任俠可風陳炯明禍國禍鄉竟敢通電各省措詞狂悖罪不容誅應即褫去廣東都督職官並撤銷陸軍中將暨上將銜著龍濟光督飭各師旅長派兵聲討懸賞擊辦其被脅之徒但能立功自拔概勿深究此令中華民國二年七月二十六日國務總理陸軍總長段祺瑞

▲臨時大總統令(犒賞攻克湖口將士)

據江西宣撫使段芝貴左司令李純右司令王占元海軍次長湯壽銘等電稱湖口作戰旅長馬繼塔率隊由新港一帶進攻連奪要隘佔領灰山於二十五日奪取湖口西礮台旅長鮑貴卿由官牌夾渡兵至湖口東岸與匪激戰乘勝進據鍾山亦於二十五日奪取湖口東礮台當於是日午後六時海陸軍會攻克復湖口各等情查湖口爲長江要害該逆李烈鈞等窺覷該處地險台堅足扼江防往來之路首據其地以爲肇亂之資並聯合各處叛軍遙爲聲應且於其地僭設各種機關意在藉此彈丸爲號召黨徒之用乃甫經海軍前次一擊李烈鈞遂畏死潛逃陸軍此次籌畫進兵數日之間各台均已規復湖口一經肅清固由天不佑逆亦實我軍將士忠勇奮發之所致也所有各軍營出力人員除俟將戰狀臚陳從優給獎以昭激勸外特先發犒賞銀十萬元交該宣撫使等量功頒賚用勵軍心傷亡軍士併著查明彙報以憑撫卹滅了逃匪匪首李烈鈞仰卽懸賞購緝務獲以伸法紀其餘被股軍人並非甘心作亂但有自拔來歸及迎降反正者一切免究如能討賊自效更當優予獎勵該處商民被匪蹂躪生命財產損失不知凡幾言念及此不禁泣然仰該宣撫使等迅速設法妥撫以副救民水火之本旨勿忽此令中華民國二年七月二十八日國務總理陸軍總長段祺瑞

▲臨時大總統令(限令國民黨除叛徒黨籍)

政黨行動首重法律近來贛鄂滬寧凶徒構亂逆首黃興陳其美李烈鈞陳炯明柏文蔚皆係國民黨重要之人其餘從逆者亦多國民黨員究竟該黨是否通謀抑僅黃李等私人行動態度未明人言藉藉現值戒嚴時代著警備地域總司令傳詢該黨幹部人員如果不預逆謀應限令三日內自行宣布並將隸籍該黨叛徒

一律除名政府自當照舊保護若其聲言助亂或藉詞搪塞則是以政黨名義爲內亂機關法律具在決不能爲該黨假借也此令中華民國二年七月三十一日國務總理段祺瑞

▲臨時大總統令(嚴拿甘心叛逆之護軍使歐陽武)

前據九江鎮守使李純電呈擒獲叛軍營長李穆供稱叛軍對官軍先行開槍轟擊係屬歐陽武電令並予賞洋五千元兼調第二旅接應等語當核與歐陽武迭次來電前後情節不符正飭詳查核辦復查明歐陽武通電各省竟有自稱江西都督昌言北伐情事是該叛軍營長所供確鑿有據實屬甘心叛逆罪不容誅歐陽武著即撤銷護軍使褫去陸軍中將並上將銜應由段宣撫使李鎮守使嚴行拿辦以伸國法而肅軍紀此令
中華民國二年七月三十一日國務總理陸軍總長段祺瑞

▲臨時大總統令(嚴拏暗通叛黨帶兵潛逃之鎮守副使劉世均)

據江西宣撫使段芝貴電稱九江鎮守副使劉世均暗通叛黨帶兵潛逃請褫革拏辦等語劉世均著即撤銷九江鎮守副使褫去陸軍中將並著段芝貴李純湯鄉銘等分別督飭海陸軍隊一體嚴拏務獲懲辦以肅軍紀此令中華民國二年七月三十一日國務總理陸軍總長段祺瑞

▲臨時大總統令(優卹被害軍官)

據江西宣撫使段芝貴等電稱陸軍少將余大鴻參謀湯則賢奉公至贛道經湖口爲逆匪李烈鈞羈留我軍進攻湖口時逆匪何子奇將余大鴻湯則賢同時殺害棄尸江流各等情查湖口叛軍蠢動之初恐其或有誤會曾派余少將前往查辦申示大義冀其悔悟息兵乃該逆等怙惡不悛始將該少將羈禁繼復慘殺投江并湯參謀一併遇禍實屬慘無人理該少將等爲國捐軀大節凜然由陸軍部從優議卹以彰忠烈而慰幽魂此令中華民國二年八月一日國務總理陸軍總長段祺瑞

▲臨時大總統令(捐款救濟被難平民)

自贛准用兵以來匪軍節節敗逃傷亡枕藉每聞戰耗盡焉心傷其在戰綫接近之區無辜平民橫罹鋒鏑尤堪憫惻茲本大總統特捐銀二萬元飭財政部匯交上海中國紅十字會免收分撥江西徐州兩處作為該會捐款即由該會趕派醫隊救護隊分別前往戰地妥為救濟以恤生命而重人道該會經費支絀並由該會正副會長設法勸募藉廣仁施此令中華民國二年八月三日國務總理陸軍總長段祺瑞

▲臨時大總統令(撫卹上海被難商民)

上海為商務薈萃之區自亂黨襲攻製造局商民紛紛遷避損害已多乃連日開仗以來附近居民多遭殃及叛兵於節次敗退後又復肆意搶掠小民何辜遭茲慘劫每一念及惻然心傷着江蘇都督程德全民政長應德閔上海鎮守使鄭汝成會商上海中國紅十字會速將戰地傷亡兵士救護掩埋并督同商會將被難商民妥籌撫卹一面由財政部迅速籌款接濟以資保聚而免流離此令中華民國二年八月三日國務總理陸軍總長段祺瑞內務總長財政總長工商總長假

▲臨時大總統令(江寧安慶福建各省亂黨冒稱都督宣布獨立)

前聞福建有獨立之謠當即飭員確切查明茲據覆稱都督孫道仁素明大義傾向中央惟師長許崇智糾合亂黨冒孫道仁之名妄稱獨立等情查江寧亂黨冒稱程德全之名安慶亂黨冒稱孫多森之名均通電宣告獨立其實程德全孫多森並未與聞與閩省事同一轍似此奸徒竊冒眩惑觀聽擾害治安實屬罪不容誅著孫道仁督飭所部迅平亂事重懸賞格將許崇智及其餘黨嚴拿懲辦以申法紀仍責成該都督維持地方秩序勿稍疏忽此令中華民國二年八月三日國務總理陸軍總長段祺瑞

▲臨時大總統令(宣告上海製造局攻守情形)

上海為東亞巨埠中外商民雜居鱗次又為長江外海帆船雲集之區環球注目關係綦重五月二十九日匪首徐企文等受人指使突攻製造局經守局防兵擊退捕獲多名迭經電飭江蘇都督程德全搜查防範嗣經

該局督理陳棍電稱匪徒竊謀再犯恐有疎虞特派海軍中將鄭汝成團長臧致平率警衛隊一千三百餘名於七月初三日抵局協同海軍總司令李鼎新共圖保衛乃十五日黃興等倡亂南京電迫該團退出製造局賴我軍忠勇性成一可當百匪首陳其美鈕永建等盤據上海擅行要脅喉使六十一團三營松軍三營三十一旅步兵三營福字三營滬軍四營砲隊一營岑春煊衛隊二營及新招無賴千餘人環攻數晝夜官軍極力抵禦暴徒就殲過半該匪首縱兵焚掠殃及無辜中外商人言之鑿鑿該匪等死不足惜吾民何罪罹此鞠凶現在海陸各軍絡繹南下上海城廂業已完全恢復自應論功討罪昭告四方海軍中將李鼎新鄭汝成授以勳三位陸軍少將臧致平授以勳四位其在事艦長營長由該中將等查明銜名呈請叙勳隨同出征之水陸軍官均升一階日兵賞號均按前次電令分別發給受傷者從優賞卹鈕永建劉福彪黃鄂沈慕義着褫職交江蘇都督民政長上海鎮使擊辦其餘附逆各官長分別懲治有能殺賊自贖勿究前罪用示彰善瘴惡之大公此令中華民國二年八月四日國務總理陸軍總長段祺瑞海軍總長劉冠雄

▲臨時大總統令(賞卹攻克江西亂黨之將士)

據江西宣撫使段芝貴護軍使李純電呈該軍在德安迤北黃老門附近與匪軍接仗獲勝情形並瑞昌業已克復另行詳報等語此次該護軍使督飭旅長吳金彪石振聲吳鴻昌蕭安國張敬堯等在黃老門附近開仗匪兵一萬餘名憑險負隅佔據地勢官軍步步仰攻形成包圍各將士竟能奮勇攀登分頭猛撲或直衝匪陣或側擊旁抄匪勢不支紛紛潰退官軍乘勝追擊耿子鋪馬迴嶺蔡莊等處以次占領計陣斃匪軍營長蘇姓一名匪軍三百餘名受傷匪軍七百餘名擒獲匪軍營長一名匪兵三十名奪獲機關槍及快槍多件餘匪向德安奔逃經此大創德安南昌計可指日收復各該將士冒暑激戰屢獲大捷實屬猛奮異常吳金彪石振聲應均加陸軍中將銜吳鴻昌蕭安國張敬堯應均加陸軍少將銜出力兵士賞銀十萬元用示鼓勵其餘出力員弁著該使等查明分別請獎傷亡員兵分別從優給卹仍督飭各軍隊分路追剿剋日盪平以救生靈而除

暴亂此令中華民國二年八月四日國務總理陸軍總長段祺瑞

▲臨時大總統令(褒賞取消廣東獨立之將士)

前因陳炯明背國叛立當經下令褫去職官分飭抄辦並任命龍濟光爲廣東都督迭據龍濟光電稱已抵肇慶分路督軍赴粵又迭據廣東各界電稱廣東陸軍以陳炯明背叛民國全體反對師長鍾鼎基辭職離營炮隊營首先舉兵驅逐陳炯明潛逃無蹤師長蘇慎初維持地方漸就安謐茲據蘇慎初八月四日電稱廣東即日取消獨立陳炯明已去鍾鼎基辭職明爲地方治安計力任保持現象各等情查改革以來廣東人民久茹痛苦胡漢民陳炯明等外託共和之美名內行殘暴之專制粵省來京商民陳訴酷狀聲淚俱下迭經誠飭胡漢民陳炯明等加意撫輯冀復創夷乃陽奉陰違迄不悔悟言念南服愀然傷懷不意此次陳炯明附和亂黨稱兵抗命益陷人民於水深火熱之中本大總統素知該省軍民深明大流決不甘心從逆當飭陸軍部電令廣東師長旅長等聲罪致罰不使該逆得據粵省荼毒商民現據蘇慎初電陳各節具見効順拒逆嘉慰良深蘇慎初義勇奮發不畏強禦此次効忠民國力靖妖氛功績尤著著加陸軍上將銜并給勳三位張我權任命爲第一師師長兵丁賞銀十萬元所有出力將弁著龍濟光查明從優請獎其從逆文武各員亦由龍濟光查明按軍法從嚴懲辦以肅法紀鍾鼎基不肯附逆先請解職聽候另行擢用以爲能明順逆者勸粵省人民迭經蹂躪凋敝益深著龍濟光迅速設法分別撫卹并籌辦一切善後事宜務蘇重困以惠子道此令中華民國二年八月六月國務總理陸軍總長段祺瑞

▲臨時大總統令(勒令解散破壞統一之江西省議會)

省議會爲地方人民代表機關一切舉動首當根據法律契合民意乃查江西省議會於七月十四日通電各省譴舉都督並宣言與中央脫離關係顯係大違輿論破壞統一此等背叛行爲實非法律所能保護本大總統行使約法統治權應卽責成宣撫使段芝貴護軍使李純勒令解散一俟軍事稍定另行依法選舉以期符

合民意其各省用兵地方如省議會正在開會期中者亦准由各該行政長官或司令等官酌量情形暫行停止該議會開會此令中華民國二年八月六日國務總理內務總長段祺瑞

▲臨時大總統令(嚴拿甘心叛逆之蔣翊武)

近日查獲亂黨蔣翊武布告語多狂悖并有刊用偽印自稱鄂豫招撫使情事實屬甘心叛逆蔣翊武著褫去上將銜陸軍中將劄奪勳位應由湖北湖南河南各部督嚴行拿辦併著各省都督一體飭屬通緝務獲懲治以肅法紀此令中華民國二年八月六日國務總理陸軍總長段祺瑞

▲臨時大總統令(褒賞肅清江陵全境)

據領湖北都督事黎元洪電稱荊州鎮守使丁槐先後電稱沙洋匪黨數千分東北兩路來犯我軍晝夜苦戰迭將匪股擊退斬獲甚衆於本月二日直抵匪巢緝獲偽司令印一顆槍械多件并據所獲叛兵供稱匪首劉鐵已逃現在江陵全境肅清各等情此次沙洋亂匪突犯荆城該鎮守使撲滅迅速俾地方不致糜爛關係鄂省全局匪淺荊州鎮守使丁槐著加給陸軍上將銜其餘出力將弁應由該都督轉飭查明呈請獎叙以資鼓勵此令中華民國二年八月七日國務總理陸軍總長段祺瑞

▲臨時大總統令(查禁擾害煽亂之黨會)

查近日匪徒每藉政黨名義迫脅官吏魚肉鄉愚殊足以妨礙政務擾害治安甚且蓄意煽亂潛謀不軌全國人士無不疾首蹙額深以為病茲據京師天津等處呈報破壞社會黨秘密機關搜出種種犯內亂罪證據并查有勾通外國虛無黨妨礙國際和平情事顯係倡亂行動迥非文明各邦所稱社會黨研究學理者可比若不從嚴禁陳必至釀成巨患破壞大局著各省都督民政長及各軍司令官將所有社會黨本部支部一律嚴行查禁此外一切黨會如有擾害煽亂與該黨相類似者亦准由各該都督民政長及司令官勒令解散分別懲治以維秩序而保安此令中華民國二年八月七日國務總理陸軍總長內務總長段祺瑞

▲臨時大總統令(褒賞克復壽州正陽將士)

據安徽都督倪嗣冲電呈該軍在八公山四頂山與匪接仗乘勝直下克復壽州正陽等語查此次匪軍佔據山麓憑險負隅該督督飭各營分爲左右翼統領馬聯甲自率馬礮隊機關槍隊居中策應各軍士奮勇血戰步步仰攻八公山四頂山同時并下及匪軍向壽逃竄復有大股悍匪於半途邀擊該軍直衝側擊匪徒紛紛潰退壽州正陽遂以克復計陣斃匪軍四百餘名奪獲礮槍子彈無算深賴該督調度有方各將士奮不顧身爲國自效迅奏膚功實屬異常出力倪嗣冲給予一等文虎章馬聯甲特授以勳五位所有出力官長著迅速查明呈候核獎以示鼓勵其傷亡員兵應查明分別呈請從優給卹仍著該督轉飭各營隊分路進剿尅日盪平以靖地方而維大局此令中華民國二年八月八日國務總理陸軍總長段祺瑞

▲臨時大總統令(敘獎收復湖口出力艦長)

據領湖北江西都督事黎元洪電稱海軍次長湯薌銘請將海軍收復湖口尤爲出力各艦長分別獎叙各等情查該艦隊等於作戰之始首先夾護攻台陸軍冒險登岸繼復迅駛前敵仰攻湖口東西各礮台於將曙激戰至午後匪勢不支窮蹙乞降將各台一律收復洵屬奮勇可嘉海軍中校朱天森李國堂郁邦彥均著授爲海軍上校海軍少校陳世英著授爲海軍中校海軍上校溫朝詒留願濤防兼資策應並著加給海軍少將銜以昭鼓勵此令中華民國二年八月八日國務總理段祺瑞海軍總長劉冠雄

▲臨時大總統令(解散甘心効逆之廣東省議會)

查此次陳逆炯明倡亂粵省會由該省議會於七月十八日頒銜通電迭據各埠商民暨廣州總商會來電誓不承認顯見該省會甘心効逆實有大違民意之處現在粵事雖就收平惟續據粵商林材等電稱粵省會簽名贊助叛亂全粵痛恨請迅提究等語應即援照江西辦法著都督兼民政長龍濟光立將該省議會解散一俟善後事宜辦理粗有頭緒迅速依法另行選舉以期代表民意其簽名助逆各議員犯有內亂罪名應卽一

併確切查明按律究辦此令中華民國二年八月八日國務總理陸軍總長內務總長段祺瑞

▲臨時大總統令(改鄭汝成爲淞滬一帶接戰地域司令官)

前經任命鄭汝成爲上海警備地域司令官原爲上海叛兵迭經擊退當不至再有接戰情事乃吳淞寶山一帶尙有叛兵抗拒與上海相距不遠該處要塞軍港均關重要應按戒嚴法接戰地域辦法以符名實鄭汝成着改爲淞滬一帶接戰地域司令官此令中華民國二年八月九日國務總理陸軍總長段祺瑞

▲臨時大總統令(購緝煽惑軍士謀叛民國之軍官)

湘省自裁兵以來地方頗稱安謐乃該省軍事處長程潛與陳強程子楷唐蟒等暗受黃興指使擅增軍隊迭次秘密開會煽惑軍士謀叛民國軍士中稍知順逆者均不附從近乘贛皖未靖之時逆謀愈亟與長江巡閱使譚人鳳勾結土匪誘脅軍人迫懸白旗妄稱與中央斷絕關係似此甘心叛逆非徒軍界之蠹賊實爲民國之罪人程潛陳強程子楷唐蟒等應卽褫奪軍職譚人鳳著撤去長江巡閱使併交湖南都督譚延闓及素明大義諸將領各飭所部重懸賞格將該叛黨等嚴拏懲辦併著各省都督民政長飭屬一體嚴緝務獲以申法紀此令中華民國二年八月十日國務總理陸軍總長內務總長段祺瑞

▲臨時大總統令(革除犯內亂罪之議員名籍)

據副總統領湖北都督事黎元洪電稱有參議院議員居正胡秉柯衆議院議員楊時傑田桐白逾桓劉英等私通匪徒本年三月六日季雨霖詹大悲等倡亂武漢居正楊時傑田桐白逾桓均涉嫌疑胡秉柯與詹逆同寓漢口租界搜獲紅旗來函索取事後查明該員係來辦交涉維時因逆謀未成姑予免究此次南京叛立該員等私往上海南京等處分任兵職公然叛亂其劉英一犯別號丹書前獲拿犯調元證據內有丹書派人赴荆運動軍隊支洋二千元等語上月天門潛江兵變探有劉英爲都督劉鐵爲師長之祕謀近日沙洋叛變劉鐵通電寧湘自稱鄂西總司令劉鐵乃劉英胞弟勢難姑容請將居正胡秉柯楊時傑田桐白逾桓劉英按照

內亂罪狃咨院革除議員名籍其得有勳位軍職者一律褫奪按律拿辦等語查議員職司立法代表人民乃居正等勾串匪徒謀爲內亂逆跡昭著實屬罪無可逭議員等得有勳位軍職者應由陸軍部分別查明呈請辦理並著各省都督民政長及各司令官一律嚴拏務獲懲辦以伸國憲此令中華民國二年八月十日國務總理陸軍總長內務總長段祺瑞

▲臨時大總統令(優卹遇害軍官)

海軍次長湯壽銘等電稱前經遴派團長張有禹親往馬台勸說反正並密函湖口總台官高樹棠率屬內應交由前九江鎮守府副官熊燮奎齎送前往詎張有禹熊燮奎中途爲叛軍查獲先後遇害並將高樹棠槍擊斃命請從優給卹等語該員等或奮身任事不避艱險或心懷效順密謀反正此次慘遭戕害閭閻電實深惋惜張有禹前經授爲陸軍步兵上校應從優照陸軍校少將陣亡例給卹熊燮奎前據請補陸軍步兵上尉應卹從優照陸軍少校陣亡例給卹以彰崇報而慰幽魂此令中華民國二年八月十一日國務總理陸軍總長段祺瑞

▲臨時總統大令(懲辦喪師失械軍官)

此次大王廟一役該駐守將領等喪失要害委棄軍械糧餉盡以齎寇若不從嚴懲辦何以肅軍紀而儆效尤該團長張鳳鳴遇敵先退致兵丁譁散匪佔山險喪師失械厥咎尤重應先行褫職著陸軍部拏辦治罪少將于有富上校沈廣聚應一併革去軍官責令戴罪立功此項軍隊甚不得力應責成王鎮守使懷慶切實整頓裁汰以收實用而免虛糜此令中華民國二年八月十一日國務總理陸軍總長段祺瑞

▲臨時大總統令(懲辦附和亂黨軍官)

四川第三師師長熊克武向駐重慶素乏紀律前此所部譁變幾致糜爛地方茲據川省報告該師長附和亂黨圖謀背叛擾害公安殊堪痛恨熊克武著即褫革軍官軍職責成四川都督胡景伊督飭所部嚴拏懲辦該

第三師旅團各長多明大義斷不致甘心附逆應由胡景伊迅行傳諭該旅團長儻能擒賊立功定予不次之賞并著領湖北都督事黎元洪陝西都督張鳳翽雲南都督蔡鍔貴州都督唐繼堯酌撥勁旅會合兜剿迅速逆氛勿任蔓延以免生靈塗炭之苦此令中華民國二年八月十二日國務總理陸軍總長段祺瑞

▲臨時大總統令(添派施則敬任錫汾辦理戰地救濟事宜)

此次亂事肇生政府不得已用兵戡定重念軍士瘡痍滿目人民蕩析離居傳播情形深為感喟前經飭由紅十字會妥辦救濟事宜現在戰地較廣籌備或恐難周應再添派施則敬任錫汾辦理救濟事宜該員等義聞素昭夙為各界推許務即悉心籌辦並聯絡各省義士廣為勸募以資極濟而重民生此令中華民國二年八月十六日國務總理段祺瑞

▲臨時大總統令(克復吳淞南北塘獅子林各礮台)

據海軍總長劉冠雄江蘇都督程德全等電稱吳淞礮台為匪徒占據經冠雄督率艦隊排日攻擊復由旅長李厚基率陸隊由江灣前進本月十日十一日兩次迎擊攻勦水陸進逼匪均潰退匪首陳其美居正鈕永建等先後棄台竄逸十三日晨八時遂將吳淞南北塘獅子林各礮台全行克復各等情查吳淞踞江海衝要該匪等占據礮台憑藉險階斷絕交通設謀甚狡經海陸各軍節節圍困匪勢窮蹙吳淞各台一律收復皆由海陸軍將士忠勇奮發冒暑進攻用能迅奏膚功深堪嘉獎所有在事出力人員應由該總長等查明呈請從優給獎以昭激勸所有傷亡軍士並著查報撫卹其投誠軍人亦應分別收撫遣散在逃陳其美居正鈕永建等著即懸賞拿辦以伸法紀此令中華民國二年八月十六日國務總理陸軍總長段祺瑞海軍總長劉冠雄

▲臨時大總統令(解散侵奪國會權限之湖南省議會)

據漢口電報局截留呈報湖南省議會七月二十九日致參議院衆議院及各省議會通電有由各省通電取消參乘兩院等語詞旨悖謬顯係侵奪國會權限違背約法著湖南都督譚延闓立飭該省議會即時解散一

俟軍事平定與已經解散議會各省分一同依法另行選舉以期實行代表民意此令中華民國二年八月十六日國務總理內務總長段祺瑞

▲臨時大總統令(嘉獎龍濟光平定粵東亂事)

據廣東都督龍濟光迭電稱督兵入粵剿撫互施現在省城亂軍全數擊散商民照常開市人心大定各等情查粵省自陳炯明倡亂以來軍心浮動蘇慎初張我權等乘軍隊驅逐陳炯明之後各爭權利互開弊端前以龍濟光遠在肇慶省垣秩序亟待維持曾授蘇慎初以陸軍上將銜并給勳三位任張我權為第一師師長冀其激發天良保持粵民勿使再罹塗炭乃競爭愈烈益陷全粵於水深火熱之中龍濟光兵力本單因粵民呼籲迫切不得不懸軍深入直達省城是時蘇慎初張我權先後潛逃亂軍四掠無人約束龍濟光於八月十一日督隊入城亂兵據觀音山開槍攻擊激戰一晝夜亂軍敗退肆行焚劫龍濟光一面派兵剿辦一面遣員慰撫後於十三日辰刻激戰至午後亂軍潰退省城一律肅清其城外及西關一帶繁盛之區均先派兵保護未被蹂躪龍濟光調度有方軍士等忠勇奮發且於戰鬪激烈之時即預為保護人民之計尤屬克盡軍人天職嘉慰實深仰即傳諭一體嘉獎龍濟光於粵省利病素能周知此次粵民茹痛已深一切善後事宜務即迅速妥為籌辦使子遺得慶復蘇以副本大總統登民衽席之至意其在逃之第二師師長蘇慎初第一師師長張我權併著褫革軍官軍職及所得榮典交龍濟光認真查辦以儆效尤此令中華民國二年八月十八日國務總理陸軍總長段祺瑞

▲臨時大總統令(查禁冒名招募軍隊)

現在廣東亂事已平該省現有兵力保持治安無虞不足際此財政支絀各督軍隊正須酌量裁減以輕國民擔負乃聞該省近日竟有人冒稱奉政府命令招募軍隊實屬不法應由廣東都督龍濟光查明嚴行禁阻已招者勒令解散嗣後無論何項人員倘有未奉命令擅行招募軍隊者即是亂徒該都督務即隨時拏辦以安

人心而肅軍紀此令中華民國二年八月二十日國務總理陸軍總長段祺瑞

▲臨時大總統令(揭明岑春煊破壞民國罪狀)

前漢粵川鐵路督辦岑春煊辭職赴滬養病六月間忽有異圖電致廣西都督陸榮廷護軍副使龍濟光囑令脅合湘粵贛各省反抗中央圖謀不軌居心叵測陸榮廷龍濟光素明大義均嚴詞拒絕且勸其毋再執迷詎岑春煊屢申謬說信使往來陸榮廷龍濟光始終嚴拒本大總統以岑春煊久負虛望或由暴徒挾持諒非本意是以未經宣布俾可轉圜乃黃興陳其美及優伶潘月樵等倡亂寧滬竟有委岑春煊爲大元帥之事方謂陳春煊上年來書自請練兵兩鎮以討不庭而忽與亂黨結合反覆無常深堪詫異嗣聞其乘輪赴港登報聲明不復與聞政治本大總統隱惡揚善原欲始終成全但使悔悟自新何必窮追既往不料其又由廣東電致龍濟光夏文炳等嗾其出兵助逆破壞民國荒謬塗變詐百出其傾覆大局視黃興等有何區別若不揭明罪狀何以別黑白而明是非岑春煊著交沿邊各都督民政長一體拏辦此令中華民國二年八月二十一日國務總理陸軍總長內務總長段祺瑞

▲臨時大總統令(嘉獎克復江西省城將士)

據江西宣撫使段芝貴護軍使李純電稱南昌業已克復餘匪潰逃人心安謐各等語此次南昌一役匪軍約近萬人分踞聶家窰羅口等處憑險固守經旅長馬繼增團長張敬堯等分率支隊水陸進攻第二十三混成團疾馳援應節節進逼智勇兼施卒能擊退多匪於本月十八日克復省城計共截獲匪輪七艘快鎗五千餘桿山礮多尊斃匪七百餘名城內匪兵四營有餘並許其繳械投誠以顧全城內生命財產現在餘匪潰逃士民歡迎商舖已一律開市良慰廬系溯自李逆烈鉤倡亂湖口中中央不得已而用兵尙冀尅日驅除免致地方塗炭詎歐陽武通同助逆豺虎爲羣幾至全贛生靈同遭浩劫猶幸人心厭亂湖口攻克以後瑞昌德安南康建昌南昌等處相繼戡定甫逾匝月全省救平各將士冒暑露營奮勇激戰洵屬勞苦功高段芝貴應給予一

等嘉禾章李純晉授勳二位馬繼增晉授勳三位張敬堯晉授勳四位其餘出力員弁著段芝貴等查明請獎至傷亡官兵分別從優給卹所有被難商民人等並著段芝貴等加意恩撫妥籌賑卹李烈鈞歐陽武等仍著嚴密查拏務獲懲治仍督飭各營隊追剿逃匪以清餘燭而靖地方此令中華民國二年八月二十二日國務總理陸軍總長段祺瑞

▲臨時大總統令(優卹天保城陣亡軍官)

江北鎮撫使張勳電呈稱查明天保城一役陣亡軍官請予優卹等語此次陣亡團長陸軍步兵上校趙振東管帶記名總兵張士良均照陸軍中將例給卹連長王建德應照陸軍中校例給卹用崇報而慰忠魂此令中華民國二年八月二十二日國務總理陸軍總長段祺瑞

▲臨時大總統令(嘉獎克復正藍紅白兩蒙旗將士)

據多倫鎮守使王懷慶電稱派隊剿辦蒙匪迭獲勝仗擒斬甚多將正藍正白兩旗地方完全克復等語此次蒙匪竄擾察境勢頗猖獗該軍冒雨血戰至三日兩夜之久用能克復邊境大振軍威深堪嘉尚該鎮守使調度有方應給予二等文虎章出力兵士賞銀一萬元所有在事軍官除李際春授為陸軍中將甄文齡高青雲鳳武譚慶林趙浮山李錦芝授為陸軍步兵上校外胡有謨黃德桂受傷較重業經授為陸軍步兵中校應再各給銀五百元以資醫治此外出力及陣亡官兵并由該鎮守使查明分別請予獎卹用昭激勸此令中華民國二年八月二十六日國務總長熊希齡

▲臨時大總統令(拏辦背叛共和軍官)

據江西宣撫使段芝貴呈稱黃鉞自長沙來緘詞旨悖謬妄以軍隊為國宣勸指為以固君位並欲煽惑各軍隊頓兵不動以遂叛黨割裂之謀似此背叛共和實為民國公敵黃鉞著即褫去陸軍中將交湖南都督譚延闓嚴拏懲辦並著各省都督民政長飭屬通緝務獲究辦以伸法紀此令中華民國二年八月二十七日國務

總理熊希齡內務總長陸軍總長段祺瑞

▲臨時大總統令(褒賞攻克江寧各將士)

據江北鎮撫使張勳江淮宣撫使馮國璋長江巡閱使劉冠雄副使雷震春電陳攻克江寧情形並督飭軍隊搜捕除匪等語前因亂黨黃興等潛赴金陵煽誘軍隊迫脅獨立當飭張勳馮國璋分路督兵南下會合進攻迨大軍進克徐州黃興聞風潛逃叛軍反正本大總統因不忍地方人民慘罹鋒鏑特飭程德全從寬收撫免煩兵力貽禍生靈旋據程德全電稱八月八日亂黨何海鳴赴寧再謀獨立業經擊退乃第一八兩師復被煽惑團長李浚被戕何海鳴爲僞總司令又因第三十一團不肯附逆互相激戰秩序大亂請飭張勳馮國璋兩軍速進並派兵艦赴寧各等情隨飭張勳督率所部會合第四師進討該叛兵憑險抗拒復先敢開礮轟擊各軍連日血戰紫金山天保城諸要隘次第占領八月二十五日攻入朝陽門匪軍囊沙壘壘阻礙進行相持數日柏逆文蔚後率大股匪軍助守隨由馮國璋劉冠雄督飭陸海軍隊分投進攻雷震春率兵援擊三十一日各軍約會前進越日張勳督隊首先架梯登城會合第四師分克朝陽洪武通濟等門第三師支隊由太平門攻入進克獅子山占領下關等處第五師支隊攻克神策門混成第十九二十團相繼入城分佔富貴駱駝等山進據北極閣雷震春督隊會合第四師占領雨花臺由南門攻入匪勢不支紛紛潰潰逃擒斬無算遂於九月一號克復江寧該使等調度有方各將士踴躍用命旬餘之內克拔堅城良堪嘉獎張勳晉授勳一位馮國璋給予一等文虎章劉冠雄特授以勳二位雷震春特授以勳三位陸軍中將施從濱晉授勳三位用彰勞勩其餘出力人員由該使等查明請獎傷亡官兵分別優卹被難商民妥籌安撫一面嚴捕亂黨各首要務獲懲治仍督飭各軍隊查剿潰匪肅清餘孽以靖地方此令中華民國二年九月三日國務總理熊希齡陸軍總長段

祺瑞

▲臨時大總統令(准免程德全江蘇都督本官)

明 電

江蘇都督程德全前年光復江蘇厥功甚著嗣後接收南京留守府暨滬軍都督府裁兵節餉爲人所難支持經年保全甚大屢次忠告黃興卒不見聽逆首等因其素性長厚迫脅獨立但觀過知仁其前勞未容盡沒該督迭請免官養病引咎責躬詞甚懇切程德全應卽免去江蘇都督本官此令中華民國二年九月三日國務總理態希齡陸軍總長段祺瑞

▲臨時大總統令(派員辦理江蘇清鄉)

任命盧世儀督辦蘇省長江一帶清鄉事宜宗能述會辦蘇松常清鄉事宜張督會辦通如崇海清鄉事宜此令中華民國二年九月三日國務總理內務總長熊希齡

▲臨時大總統令(告誡士庶勿再信叛徒煽惑)

江寧本東南重鎮北與齊魯遙相控制逆首黃興假託名義在寧謀叛經程德全通電取消逆黨何海鳴等屢次煽動一再獨立人民身命財產喪失無窮困苦顛連達於極點該逆等寡人之妻孤人之子致生者播散流離死者斷吭絕脰不知該逆等與吾民何怨何仇必置之死地而後快與念及此殊堪痛憤現在金陵雖已收復而民間流離失所慘不忍言善後事宜次第籌辦業飭鄭汝成采辦米石迅速前往分別散賑一面招商集款接濟民食並由該省長官遴選愛民良吏加意撫綏仍遵疊次頒令剴切誥誡軍人使知以保衛人民爲天職庶可輿情融洽感召天和凡我士庶亦各父詔兄勉勿再信叛徒煽惑人人長長親親使數千年人道之大防不至墜地否則紀綱廢弛暴亂相尋君子犯義小人犯刑卽亡國滅種之禍本當此痛深創鉅宜以恐懼修省爲懷治亂之機在此一線嗟爾有衆其敬聽之此令中華民國二年九月五日國務總理熊希齡

▲臨時大總統令(准免應德閣江蘇民政長本官)

江蘇民政長應德閣於前年革命時力謀江蘇反正保全甚大嗣任民政長辦事認真庶政畢舉此次江蘇獨立該民政長甫經由京回任未及先事預防其心迹實堪共諒及派令會辦軍務亦能殫心擘理規畫周詳准

迭據引咎辭職詞甚懇切應德閔應即免去江蘇民政長本官此令中華民國二年九月六日國務總理內務總長熊希齡

▲臨時大總統令(申誠軍隊殘殺無辜及肆意騷擾地方)

自贛寧倡亂以來中央除暴救民不得不派兵征討惟是行軍首重紀律所有各路軍隊經過及駐紮處所無論中外商民生命財產均須一律保護其已被匪擾地方目擊瘡痍至可慘痛尤應加意保衛以重人道而肅軍規倘有殘殺無辜及肆意騷擾情事不特敗壞軍人名譽且大背本大總統救民水火之苦心軍律森嚴斷難寬貸著各統兵大員嚴申誠令認真稽查如敢違犯立按軍法從事並將約束不嚴之該管官弁分別參辦毋稍徇縱此令中華民國二年九月七日國務總理熊希齡陸軍總長段祺瑞

▲臨時大總統令(嘉獎敗退蒙匪將士)

據王鎮守使懷慶電稱蒙匪偽二將軍烈拉瑪及偽先鋒忙乃巴圖兩股為著名巨逆上月三十號我軍行至藍旗屬力不胡圖格地方該匪來襲我軍抵禦匪退三十一號整隊行至哈噶錫拉地方遇該匪大股約五千餘名均分踞山頭當由淮軍總隊司令李際春等帶隊與椿思榮及陸軍騎兵總隊司令陳文運同時力戰更番抄襲至午後二鐘時匪住各廟火起自焚糧秣輜重時已天黑風雹交加匪軍乘勢猛擊李際春等親冒彈雨揮兵力圍匪勢挫退我軍連搶山頭數十坐追剿三十餘里至藍旗印上猴頭廟匪軍傷亡過半餘匪往大王廟地方逃竄我軍獲勝後整隊旋回於本月一號宿營於奎素地方二號早七鐘逼抄我軍後路悍匪約八百名匪首兇悍我軍併力痛攻匪勢敗退我軍追四十里將悍匪等殲斃殆盡等語該軍與蒙匪在哈噶錫拉及奎地方接仗均獲大捷殄滅極多各將士涉歷山險零苦戰晝夜不倦實屬勞勇異常殊堪嘉念該鎮守使王懷慶到防未久迭獲勝捷調度有方謀勇兼備應特授勳五位以獎殊勳兵士應賞給銀二萬元傷亡官兵從優給卹其所請出力之司令李際春以次各員均從優給獎仰候另令用勵邊勞此令中華民國二年九

月十日國務總理熊希齡陸軍總長段祺瑞

▲臨時大總統令(撥款賑撫江蘇被難各區商民)

江寧經此次匪徒擾亂蹂躪地方各商民流離顛沛呼籲無從迭據江蘇都督張勳電陳糜爛情形曷勝憫惻本大總統自維德薄未能感化凶頑致陷該省於水深火熱之中深用引咎災黎載道軫念殊深前已電飭上海鎮守使鄭汝成購米五万石運寧接濟並經任命馮煦魏家驊籌辦賑撫以專責成著財政部先撥銀二十萬元剋日匯交馮煦等會商江蘇都督民政長查明被難各區迅將賑撫事宜切實籌辦加意撫綏毋負本大總統伐罪弔民之意此令中華民國二年九月十三日國務總理財政總長內務總長熊希齡

▲臨時大總統令(宣布張煦倡亂鑪城罪狀)

前因川邊鑪城逆首張煦倡亂潛逃業經飭各省通緝茲復據川邊經略使尹昌衡電續陳該逆詳情尤堪痛恨該逆歷受薦拔充當要職竟敢不顧大局公然背叛響應逆克武捏令回鑪私稱獨立攻撲觀察使署擊散衛兵劫質該經路父母家屬迫之爲逆搶劫商民逼迫文武帶匪在鑪定橋攔截攻擊使非該經路單騎馳入勸導官兵去逆效順則邊局何堪設想張煦應將所得陸軍上校少將銜四等文虎章一律褫革各省務飭速緝無論在何處拿獲即訊明就地懲辦該經路定亂俄頃殊堪嘉尙所請嚴議之處仍予寬免該處地方陡遭劫害唵念商民怒焉如擣務望綏輯循循毋令失所用副禁暴安民之意此令中華民國二年九月十五日國務總理熊希齡陸軍總長段祺瑞

▲臨時大總統令(嚴拏發起冤憤團昌言煽亂各犯)

據貴州都督兼民政長唐繼堯呈稱黔人方策等在京發起冤憤團散布宣言書昌言煽亂請通飭各處一體拿辦並懇飭將蔡奎詳等三犯拿獲交黔歸案懲辦等語方策蔡奎詳簡書許嘉謨甘心附逆證據顯然實屬罪無可逭著各省都督民政長一體飭屬嚴拿務獲解交黔省按律懲辦以彰國紀而絕亂萌此令中華民國

二年九月十六日國務總理熊希齡總內務總長朱啟鈞陸軍總長段祺瑞

▲臨時大總統令(嘉獎嚴拒亂黨各商會)

此次叛徒倡亂蘊孽甚深蓄謀已久自贛事發生以後牽動至六七省耗損至數千萬本大總統德薄能鮮誠信未孚致令人民慘罹凶殃地方橫遭蹂躪痛定思痛負疚實深猶幸各都督維護有方諸將士踴躍用命兩月之內次第救平具徵順存逆亡至理不爽厥亂悔禍人心皆同而抵拒邪謀倡提正論則尤得各省商會維持之力查該亂黨競爭權利潛謀起事陽託於鞏固共和爲欺人之標幟迨一經估據城鎮搜括財帛恣所欲爲屠戮善良慘無人道兵至則驅民以殉居心毒如虎狼事敗則捲資以逃行徑甚於盜賊各商界燭其奸邪絕其資助遂使逆謀無由大逞亂事得以速平曲突徙薪功匪淺鮮前因上海商會嚴拒亂黨會經電令前江蘇民政長應德閔傳令嘉獎並查明在事出力之人呈請獎勵在案現在亂象漸定大局粗安推究始終端資羣力各省商會同心拒逆實多深明大義之人應由各該都督民政長確切查明分別呈請獎勵給勳章匾額以爲愛國保民者勸此令中華民國二年九月十七日國務總理熊希齡

▲臨時大總統令(嘉獎收復重慶各將士)

據貴州援川軍混成旅長黃毓成電稱重慶克復等情殊爲嘉慰此次熊逆克武倡亂招誘匪徒四出攻掠蹂躪慘虐殆無人理該旅長督率所部自入川境以來與逆匪力戰先復綦江進取熊家坪諸要隘直抵重慶匪徒驚潰熊逆潛逃地方收復實屬謀勇兼優勞動卓著黃毓成應特授勳五位此外出力員弁一律優請獎叙務即安撫商民維持秩序將地方善後事宜商承四川都督胡景伊妥爲辦理期使兵燹遺黎咸歌得所帥干所至無犯秋毫用副伐罪弭民之意此令中華民國二年九月十七日國務總理熊希齡陸軍總長段祺瑞

▲臨時大總統令(優恤不肯附逆慘遭戕害軍官)

據陸軍部轉呈中將朱先志少將張斯慶電稱查明陸軍中將陳懋修於七月間被叛黨章梓派員在小營殺

死解分屍體拋棄河溝慘殺陳懋修時并有少將周應時上校傅鑫吳藻華等從中附和等情查陳懋修不肯附逆遂遭戕害其死事情形尤為慘烈忠良淪喪痛悼殊深陸軍中將陳懋修應照上將例從優議恤以為効忠民國者勸所有附逆慘殺該中將之周應時傅鑫吳藻華三名應即褫去軍職著江蘇都督張勳嚴拿懲辦并著各省都督民政長一體通飭緝拿母任俸逃法網此令中華民國二年九月十九日國務總理熊希齡陸軍總長段祺瑞

▲臨時大總統令(優恤反對獨立慘被戕害軍官)

據廣東都督龍濟光電稱前陸軍第一師一等參謀陳鍾英二等參謀汪兆明副官長梁鑾坡被害慘烈請予優卹等語陳鍾英等當粵省變叛之時反對獨立死不從亂致被陳逆炯明慘加戕害實屬忠烈可風陳鍾英汪兆明梁鑾坡均追贈陸軍少將照少將陣亡例從優議卹以彰忠蓋此令中華民國二年九月十九日國務總理熊希齡陸軍總長段祺瑞

▲臨時大總統令(搜查亂黨偽造之軍票)

查此次叛徒倡亂蹂躪地方敲詐商民公私損失不可勝計本大總統念國勢之岌危嗟民生之疾苦徬徨終夜引咎未遑現值亂事救定所有各商民有形之損失各地方官固應切實調查加意安撫至該亂黨貽人民以無形之負擔亦應明白宣告免受欺朦茲據各處呈報破獲亂黨機關發見逼勒之紙幣盜匿之公債票往往盈箱累篋并聞近有偽造中華銀行軍用鈔票五千萬元分百圓五十圓十圓五圓一圓五種上有國軍兩旗暨各種記號派遣黨羽分運內地以為勾結煽惑之資等情似此騙詐行動恐難免挾其濫行不換紙幣之故智散布各處擾亂金融無辜商民何堪重遭此劫奪之慘禍總之此項偽造鈔票層出不窮既無承受之機關即無行使之効力倘竟被欺收受無從兌換現金一經混入市塵尤易淆人觀聽亟宜豫為防範以遏亂萌著財政部迅將倡亂各省分以前暫行軍用公債各票分別清理一面由稅務處分飭各關務將偽造軍票嚴

搜行查立即銷燬隨時呈報并著各省都督民政長通飭各屬一體查燬仍將此令曉諭軍民人等咸使聞知此令中華民國二年九月二十六日國務總理財政總長熊希齡

▲臨時大總統令(分別嚴禁解散湖南會黨)

湘省會匪素多自叛黨譚人鳳設立社團改進黨招集無賴分布黨羽潛爲謀亂機關於是案積如鱗之巨匪皆各明目張膽借集會自由之名行開堂放票之實以致劫案迭出民不聊生貽害地方何堪設想其餘併有自由黨人道會環球大同民黨諸名目同時發生舉動均多謬妄著湖南都督一律查明分別嚴禁解散以保安至此等情形尙不止湖南一處並著各省都督民政長一體查禁須知人民集會結社本有依法限制之條如有句結匪類蕩蕩軼範圍情事尤爲法律所不容切勿姑息養奸致貽隱患此令中華民國二年十月三日國務總理熊希齡內務總長朱啓鈞

▲臨時大總統令(拏捕江西省議會助逆有據之議長議員)

江西省議會前因助逆有據業經命令解散並飭該省長查明各員逆跡分別呈請核辦在案茲據署都督李純民政長汪瑞闈遵飭查明電呈前來所有副議長顏丙臨歐陽莘議員量用中吳鴻鈞魏調元李儒修巢廣源邱漢宗陳鴻藻羅銓杜鳳縷楊廣笙汪徵源曹和濟胡廷鑾鄧炎尹士珍等十七名或提倡宣布獨立或主張傾覆中央或充間諜偵探軍情或臨戰地與聞亂事逆跡昭著情節最重即交該署都督等嚴密查拏按法懲辦議長任壽議員王光祖涂樹霖潘震甲王鎮寰陳肇志張家澍蕭炳章楊中流蔡吉士鄧維賢鍾士林燕世經胡廷校尹綸羅士傑李政準等十七名或妄逞謬說或附和逆謀或發起公債票以籌助軍需或代表聯合會以攪亂大局均屬於亂事有密切關係又議員葉含芳吳肇荊劉樹森賴天球吳祖植黃頤波陶植陳炳圖吳爵壬黃甲李嘉詔鄒樹炳等十二名於該會集議倡亂之時同在會場投票選舉僞都督司令等亦屬甘心從逆應併由該署都督等一律拿捕分別情罪輕重訊明究辦以懲叛亂而彰法權此令中華民國二年十

月十三日國務總理熊希齡內務總長朱啓鈴陸軍總長段祺瑞

▲臨時大總統令(酌予寬免悔罪輸誠各逆黨)

此次黨逆圖謀內亂擾害商民東南各省幾至蔓延不可收拾所有倡亂首逆實爲破壞民國之罪人本大總統爲除暴安良起見斷難姑息養奸貽禍地方業經先後通令嚴緝究辦惟各處附逆之徒或以無識而盲從或因脅迫而勉附原心略迹尙可曲原論罪處刑宜從寬典現在正式政府業經成立首宜修明內治咸予自新深願此種頑梗之民盪垢滌瑕取勉爲良善同享共和之幸福共維閭里之乂安著各省都督民政長分別查明哀矜勿喜除兇亂首逆及甘心附和謀亂者應遵照前令嚴行拏辦外其餘悔罪輸誠束身自首并涉及內亂嫌疑者審度情形酌予寬免自此大通令之後如敢恃爲護符再爲陰謀不軌一經發覺證據確實者仍按法懲治毋稍寬假此令中華民國二年十月十六日國務總理熊希齡內務總長朱啓鈴

▲臨時大總統令(予卹拒逆被害將士)

據四川都督胡景伊電稱吳成禮拒逆被害請予卹等語四川第一師團長陸軍上校吳成禮率所部進討熊逆迭次獲捷乃爲逆黨梁渡等誑誘該團長單騎到營偈令附逆抵死不從遽遭慘害茲閱所呈慷慨就義情形深堪矜憫應卹照陸軍中將例予卹並給銀三千元治喪以示民國褒獎忠烈之意此令中華民國二年十月十六日國務總理熊希齡陸軍總長段祺瑞

▲臨時大總統令(優卹被害觀察使)

據內務總長朱啓鈴呈據四川都督胡景伊電呈川東觀察使趙一德前因勸阻熊逆致被挾入僞營迫脅服從毫不爲動竟遭戕害懇予優卹等語該觀察使臨危不屈大節凜然深堪憫惜應准比照陸軍中將陣亡例給卹并於死事地方建祠立碑用昭崇報此令中華民國二年十月十八日國務總理熊希齡內務總長朱啓鈴陸軍總長段祺瑞

▲臨時大總統令(分別勦辦福建土匪)

福建仙遊德化等處土匪擾亂業已經年初因抗拒拔煙嗣遂尋仇鬧教甚至搶掠婦孺致人民遷徙流離不遑寧處雖據該都督呈報曾經痛勦斃匪多人惟匪勢蔓延仍未能盡行撲滅並聞有著名積匪尙未嚴懲當地士紳動多煽惑茲復據護理民政長劉次源電稱德化匪徒旋撲旋起九月二十九日該縣林知事會電稱戕殺平民多人并焚燬民房等語當即商孫督黃護軍使迅速撥隊會勦十月二日又據該知事報稱蓮山鄉新舊教堂各一座被焚已催孫督添隊勦辦一面嚴飭該知事設法防禦等情是皆地方有司辦事不力無術戡亂之所致本大總統對於一般人民無論信仰何教均屬一視同仁惟知除暴安良不使養癰貽患現已派員馳往切實調查仍責令該都督民政長會同妥籌辦理分別良莠勦撫兼施所有著名首要各犯迅飭嚴緝重懲其他脅從之徒審度情形一概勒令解散並查明暗中鼓惑之紳士辦理延玩之文武各官予以懲處以儆將來務使地方尅日肅清民教均各輯睦以靖內亂而重邦交此令中華民國二年十月十九日國務總理熊希齡外交總長孫寶琦內務總長朱啓鈴陸軍總長段祺瑞

▲臨時大總統令(獎叙克復新津等處將士)

據四川都督胡景伊電稱克復新津等處案內出力人員請予獎勵等語此次能逆克武倡亂重慶蔓延川南北各處經川軍第四師分隊攻剿克復新津資州內江隆昌榮昌永川自流井等處實屬卓著勤勞自應分別獎敘游德崇杜文泳方斌郭燦劉柏心均給予三等文虎章鄧錫侯陳禮門李世澤劉光瑜藍世鉅劉禮權洪樹籠閻鴻圖曾鵬程袁昌峻萬成羅雨帆張宗文吳榮本夏坤培均給予四等文虎章田頌堯顏孔源王享特李輝沅劉聲槐喬毅邱昂青劉防舒榮衢王立本王續緒均給予五等文虎章陸柔給予六等文虎章以示鼓勵此令中華民國二年十月二十二日國務總理熊希齡陸軍總長段祺瑞

▲臨時大總統令(嘉獎克復柳州各將士)

據廣西都督陸榮廷電陳克復柳州勦辦亂兵情形並將出力人員請予獎勵等語該省九月中旬柳州之變係由原充巡防營統領劉古香通逆勾匪屢謀變叛復被其幫統劉震寰要脅獨立輒敢撲署劫獄奪械踞城設立北伐偽司令招編匪營計圖分擾來遷潯桂等處由邕北犯幸該督事前准備聞警飛調平桂營隊並囑龍各軍星夜赴柳沿途截堵駐柳稅務局長黃肇熙團長沈鴻英密約殺賊並先與管帶李天民營長會超廷等分占東南北各門迨援軍既到沈鴻英激厲各軍奮勇巷戰匪兵死傷無算由西門竄逃全城克復同時桂防管帶黎肇基督隊馳至迎擊對河馬鞍山匪兵團長黃克昭黃培柱曾廣義劉炳宇先後趕到合力攻剿斬獲甚多餘匪復由團長陸裕光等分路追擊逃散殆盡五日之內亂事立平各將士迅赴事機異常猛奮洵堪嘉獎團長沈鴻英黃克昭黃培柱曾廣義劉炳宇陸裕光均授為陸軍步兵上校並加少將銜黃肇黎黎肇基會超廷李天民均授為陸軍步兵中校以示鼓勵其餘出力人員查明彙案請獎傷亡弁兵分別優卹所有倡亂各犯除首逆劉古香與偽統帶劉成甫劉麻六劉六八劉仁龍偽監電員劉念祖均已伏法外仍著督飭各營懸賞購綫一體嚴拿在逃之劉震寰等務獲懲辦以彰法紀而保治安此令中華民國二年十月二十四日國務總理熊希齡陸軍總長段祺瑞

▲臨時大總統令(查辦寧波宣布獨立案內官吏)

據浙江都督朱瑞電稱查復顧乃斌沈祖綿范賢方等此次寧波宣布獨立一案始末情形等語顧乃斌身為旅長當叛徒肇亂之際應如何鎮靜自持力維大局乃竟被脅獨立殊虧職守姑念其前年光復時曾著勞動自奉令取消獨立後於地方秩序尚能切實維持既經褫職應准從寬免予置議至沈祖綿范賢方同為現任職官竟敢電勸紹興台州等處獨立均屬大干法紀惟既據查明係范賢方主謀並曾設獨立公署致電陳逆其美叛迹較著前鄞縣知事沈祖綿應即褫職交地方官嚴加管束范賢方前因擅離職守業經先行褫職在案現已遠颺顯係情虛長罪應由國務院電飭各省都督民政長一體嚴拿解案究辦用彰國紀此令中華民國

國二年十月二十七日國務總理熊希齡內務總長朱啓鈴陸軍總長段祺瑞

▲大總統令(購緝助逆議員)

據署江西都督李純江西民政長汪瑞閻電稱江西候補參議院議員黃緝熙彭廷楨徐黨鄧觀濤等四名逆迹昭彰行爲悖謬黃緝熙與李逆狼狽爲奸侵蝕鹽款數逾百萬情節尤重懇通令緝拿懲治等語黃緝熙等助逆有據自難稍事姑容著各省都督民政長分別移行一體懸賞緝拿務獲懲辦此令中華民國二年十月二十八日國務總理財政總長熊希齡內務總長朱啓鈴陸軍總長段祺瑞

▲大總統令(解散國民黨)(取消國民黨議員)

據警備司令官彙呈查獲亂黨首魁李烈鈞等與亂黨議員徐秀鈞等往來穆密鴻密各電數十件本大總統逐加披閱震駭殊深此次內亂該國民黨本部與該國民黨國會議員潛相搆煽李烈鈞黃興等乃敢於據地稱兵蹂躪及於東南各省我國民身命財產橫遭屠掠種種慘酷情形事後追思猶覺心悸而推原禍始實屬罪有所歸綜該逆等往來密電最爲我國民所痛心疾首者厥有數端一該各電內稱李逆烈鈞謂聯合七省攻守同盟之議是顯以民國政府爲敵國二中央派兵駐鄂純爲保衛地方起見乃該各電內稱國民黨本部對於此舉極爲注意已派員與黃興接洽並電李烈鈞速防要塞以備對待是顯以民國國軍爲敵兵三該各電既促李逆烈鈞以先發制人機不可失並稱黃聯甯皖孫聯桂粵寧爲根據速立政府是顯欲破壞民國之統一而不恤四該各電既謂內訌迭起外人出而調停南北分據指日可定是顯欲引起列強之干涉而後決凡此亂謀該逆電內均有與該黨本部接洽及該黨議員一致進行並意見相同各等語勾結既固於是李逸烈鈞先後接濟該黨本部鉅款動輒數萬復特別津貼該黨國會議員以厚資是該黨黨員及該黨議員但知搆亂以便其私早已置國家危亡國民痛苦於度外亂國殘民於斯爲極本大總統受國民付託之重既據發現該國民黨本部與該黨議員勾結爲亂各重情爲挽救國家之危亡減輕國民之痛苦計應飭北京警備地

域司令長官迅將該國民黨京師本部立予解散散通行各戒嚴地域司令官各都督民政長轉飭各該地方警察廳長及該管地方官凡國民黨所設機關不拘仍爲支分部交通部及其他名稱凡現未解散者限令到三日內一律勒令解散嗣後再有以國民黨名義發布印刷物品公開演說秘密集會者均屬亂黨應即一體拿辦毋稍寬縱至該國民黨國會議員既受李逆烈鈞等特別津貼之款爲數甚多原電又有與李逆烈鈞一致進行之約似此陽竊建設國家之高位陰預傾覆國家之亂謀實已自行取消其國會組織法上所稱之議員資格若聽其長此假藉名義誠恐生心好亂者有觸即發共和前途之危險寧可勝言况若輩早不以法律上之合格議員自居國家亦何能強以法律上之合格議員相待應飭該警備司令官督飭京師警察廳查明自江西湖口地方倡亂之日起凡國會議員之隸籍該國民黨者一律追繳議員證書徽章一面由內務總長從速行令各該選舉總監督暨選舉監督分別查取本屆合法之參議院衆議院議員候補當選人如額遞補務使我莊嚴神聖之國會不再爲助長內亂者所挾持以期鞏固真正之共和宣達真正之民意該黨以外之議員熱誠愛國者素不乏人當知去害羣即所以扶持正氣決不致懷疑誤會藉端附和以自蹈曲庇亂黨之嫌該國民黨議員等回籍以後但能澈除自新不與亂黨爲緣則參政之日月仍屬甚長共和之幸福不難共享也除將據呈查獲亂黨各證據另行布告外仰該管各官吏一體遵照此令中華民國二年十一月四日國務總理熊希齡內務總長朱啓鈞

▲大總統布告(宣示國民黨議員通逆助亂證據)

本年七月江西湖口江蘇徐州等處首由逆魁李烈鈞黃興等勾結叛兵煽亂旬日之間皖粵湘閩等省少數暴民互相煽惑事變猝發海內騷然國家危亡幾在且夕本大總統其時方在臨時大總統任內爲救國救民起見不得已而依照國家法律用兵定亂國軍所至甫四十餘日能內亂蕩平國家雖幸而未至於亡然每念及用兵省分被亂地方十室九空流亡載道商泣於市農號於野綜計吾國四萬萬哀哀無告之同胞所有身

命之被亂兵屠戮戕害者當在數萬以上財產之被亂兵敲詐焚掠者當在數萬萬以上我國民自上年革命以來滿目瘡痍元氣未復所望忍痛須臾以購共和之幸福乃不意謬託二次革命者之爲禍更酷於往時也追原禍始誰實厲階我國民痛定思痛其亦知使我國民之顛沛流離於槍林彈雨之中者爲國民黨黨員及國民黨議員乎查國民黨係由前同盟會於上年併合其他團體改組而成當該黨出現之日本大總統方以爲既已一變其從來祕密結社之性質自當力循正軌與各政黨共圖國家政治之進行同受國家法律之保障詎料該黨黨魁黃興等竟借此號召黨徒潛謀破壞一年以來各省之擁兵跋扈形同割據藉端斂財有著盜賊以致國家不能統一地方愈遭糜爛莫不出於該國民黨黨員然猶以或係個人行爲無關黨義政府對於該黨一意以國利民福相期雖有時委曲遷就亦所不恤本年七月十三日據臨時副總統兼領湖北江西都督事黎元洪電稱近日亂黨多借某黨名義勾結軍隊散給黨證作爲票布迭次破壞機關拿獲罪犯有某黨黨證收儲甚夥等語本大總統發布命令時明知副總統來電所稱某黨即係指該國民黨無疑然爲保全該國民黨名譽起見故雖明嚴詰誠之詞猶復默示包容之意一概未加深究原冀其翻然悔悟漸被自新或可共濟艱難勉維大局及李烈鈞等僭竊湖口首倡內亂黃興在寧陳炯明在粵陳其美在滬柏文蔚在皖許崇智在閩程潛等在湘次第響應此外展轉附和稱兵擄亂各地方其匪首及改設各該偽職亦無一非國民黨黨員本大總統猶以涇渭未必同源良莠不可無別雖黃興陳其美李烈鈞陳炯明柏文蔚皆係國民黨重要之人究竟該黨是否通謀現值戒嚴時期應即查明以憑按法辦理特於七月卅一日令行北京警備地域總司令傳詢該黨幹部人員如果不預逆謀應限令三日自行宣布并將隸籍該黨叛徒一律除名政府自當照常保護若其聲言助亂或藉詞搪塞則是以政黨名義爲內亂機關法律具在決不能爲該黨假借等因據該總司令呈稱據國民黨先後呈覆到案初稱黃興等除名一節仍須決之大會方能發生完全效力幹部職員未便專行等語其迴護逆首之心昭然若揭旋於八月三日復稱黃興陳其美李烈鈞陳炯明柏文蔚除

名一事理應由大會公決惟期限切迫一時不能召集大會今由幹部決定遵令除名等語而於黃興以外籍籍該黨之叛徒如作亂於江蘇地方之鈕永建李書城黃鄂沈懋昭章梓冷通洪承點何成沈葆義何海鳴詹大悲戴天仇汪碩王逸居正田桐白逾桓張光曦王憲章趙正平何嘉祿等作亂於江西地方之俞應麓賀國昌林虎方聲濤蔡銳雲彭程萬劉世均等作亂於湖南地方之譚人鳳仇驚程潛程子楷蔣翌武陳強唐蟒周震麟等作亂於安徽地方之范光啓龔振鵬祁耿寰胡萬泰等作亂於福建廣東浙江地方之許崇智胡漢民范寶方等作亂於四川地方之熊克武楊庶堪等並各地方之以國民黨黨員名義驅迫長官乘亂獨立迭據各該都督司令電呈有案凡姓名事實昭在人耳目者均未據一律宣布除名至於前在武昌等處以黨證作爲票布所招致之各方匪類應如何迅速淘汰驅逐之處迄今延宕三個月之久更無一語涉及不識該黨幹部人員是何居心既於該司令限令呈覆時先後呈稱各節竟至若此矛盾閃爍則其始以黃興等五人除名諉諸大會公決及至三日限滿忽稱由幹部決定登報遵令除名此外則猶熟視無睹顯係有狡獪之徒隱爲挾持操縱於其間即未聲言助亂似此藉詞搪塞絕不足爲該黨非內亂機關及不及預逆謀之證惟本大總統始終以保全該黨名譽爲心一再隱忍至於今日以爲苟屬法有可貸情有可原即躬蒙姑息之名亦不妨曲留該黨自新之地乃月前查獲逆首李烈鈞與國民黨議員徐秀鈞等往來鴻密穆密各電始悉此次內亂之蔓延純出於該國民黨員與國民黨議員所計畫種種逆言之令人不寒而栗如李逆烈鈞致徐逆秀鈞等江電內稱現值選舉告竣吾黨現占優勝如憲法問題總統問題擬不日派員赴滬與克強純初溥泉諸公商議一切總統如屬之項城則鄙見以爲須聯邦制等語又州電稱本黨議員多已北上重要事件仍可到京再商爲善速與本部接洽分電一致進行等語又宥電內稱王查辦使兼管鎮守使事務雖云暫局王使即無他志然窺中央用意顯欲於揚子江重要口岸拒我兵權布其勢力請即赴本黨本部趕速設法來電催王赴京俾免鎮守機關長留中央得以利用等語又德電內稱國會成立本黨議員一致進行烈鈞不敏當

魁隨驥尾挽此狂瀾等語又篠電內稱本部需款甚急再撥四萬元接濟等語又電稱本黨議員每員特別津貼洋五元希查照撥送等語此李烈鈞與國民黨本部及國民黨國會議員勾結之鐵證也至於國會議員徐秀鈞等致李逆烈鈞各電尤爲亂事起原如議員徐秀鈞王有蘭等致李逆烈鈞青電內稱七省聯合對付袁氏袁氏利用機會飭李純兵隊移駐武漢扼長江之要區布北兵之勢力此事全誤於黎氏之請兵故李氏乘間而入本黨對於此舉極爲注意昨已派員赴申與克強接洽等語又議員朱念祖致李逆烈鈞號電內稱黎氏悍然請兵中央近調李軍扼武漢矣我公聯合七省先發制人機不可失謹遵來示秘密進行等語又徐秀鈞致李逆烈鈞簡電內稱黎藉鄂亂急電請兵聞已派六師先發二師繼之明爲鎮鄂恐侵及贛望速防要塞以備對待等語又江電內稱孫黃二先生大計已定公宜速圖籌洋五十萬元屆期接濟等語又文電內稱公偕七省聯合攻守同盟同人悉心研究皖浙尤關緊要皖贛唇齒贛若以全力攻鄂皖必出師豫魯攻其必救又滬上英士力薄必得浙助可策萬全常恆芳凌毅等十二人公電柏公得覆如約椿輔成等十人曾致電杭垣浙之同志來電云朱督模稜兩可恐敗吾事並聞其密告袁氏必不得已以猛烈除之母人負我等語又冬電內稱近來內訌迭起作速進行機不可失黃聯寧皖孫聯桂粵寧爲根據速立政府外人一出調停南北分據指日可定等語又魚電內稱事已萬急無可再俟歐陽等三君誰最可靠務宜及早密商某與有蘭侃羣密商意見相同乞早決定是要等語又蒸電內稱我公聯合七省攻守同盟中央或有意外舉動應預防再本部用項支絀粵督已允接濟十萬河否酌撥二三萬元議員補助費已借發等語又效電內稱本黨議員特別津貼已由本部支發粵已寄本部十萬元公助款尚餘二萬元張繼囑緩送等語又皓電內稱本黨現處於極險地位省會聯合會望督促進行若得人指揮或可矯正一二等語此國民黨員暨國民黨國會議員與李逆烈鈞並黃興等勾結之鐵證也綜以上各電情詞而論李逆既迭電接濟該黨本部巨款復特別津貼該黨國會議員推李逆等之處心積慮一則以爲國會議員選舉該黨既占優勝必欲於憲法等問題貌襲聯邦各制

以遂其破壞統一之狡謀一則以爲長江重要口岸該黨應占勢力必欲於駐兵等問題聯合攻守同盟以快其傾覆國家之毒計若非該黨議員內外一氣何以徐秀鈞等密致李逆各電一則曰先發制人再則曰以備對待而黎副總統請兵移駐武漢一層在政府純爲保衛地方起見乃電稱該黨對於此舉極爲注意並派員與逆首黃興接洽查核各該逆電係發於四五月之交是該黨亂謀醞蓄最久卽未至僭竊湖口獨立而司馬心跡業已路人皆知其最爲狠毒者則莫如該逆徐秀鈞文電所謂全力攻鄂出師豫魯以爲攻其必救之謀冬電所謂速立政府外人調停可定南北分據之局凡此諸端皆欲恃武力以蹂躪地方挾外力以動搖國本設或不幸言中恐亡國滅種之慘劇早演之於數月以前我國民之困苦顛連至今又不知其景象何若也夫國會爲最高立法機關議員又自稱國民代表該黨議員與李逆烈鈞等既已密電接洽爲本部一致之進行遂乃假借職權行挾制政府之詭計當李烈鈞等逆跡漸露之日正該議員等助長內亂之時擁兵者既跋扈以自恣擅權者復驕縱而加厲刁猾者潛赴南方躬預亂事陰險者盤踞國會力爲後援方本大總統下令免李逆烈鈞之本官也天下稱快該黨獨不謂然於是隸籍國民黨之議員聯翩質問無一非與民國政府爲難明知任免職員統率軍隊爲本大總統約法上之特權而悍然不顧約法之如何規定但苟有可以迴護亂黨者莫不侈然而爲種種之託詞當李逆烈鈞尙未免官時代如衆議院議員邱冠霖徐秀鈞王恆澆鉞王有藩歐陽沂梁系登王侃李積芳鄧元賀贊元等質問關於政府調兵聚集武穴案內則稱贛督既無獨立之確證中央何來進攻之傳聞謠譚續紛易淆觀聽等語又議員蔡突靈蕭輝錦盧式楷黎尙雯田永正童杭時劉濂周震麟朱念祖符鼎升燕善達等質問中央調遣軍隊集中武穴案內則稱贛督李烈鈞熱心愛國政府蔽於秀說動生意見因滋猜忌據贛省議會刪電聲明獨立之說絕無影響究竟中央何事至有進兵武穴江西驟舉等語我國民試思該黨議員等語對於江西獨立固明力辨其誣中央調兵尤悻悻力指其謬願何以湖口首亂以所謂熱心愛國之贛督竟一變而爲稱兵構禍之暴徒國民卽不責言該議員等恐亦無詞自解

然此猶可諉之曰亂象未萌非局外人所能逆料也乃自李逆烈鈞免去江西都督本官而後於是該黨議員
龔政馬如飛劉峯一蒙經石瑛張耀會黃攻素吳壽田那克莊詹調元溫世霖張子潯林文英王葆真丁超五
彭學凌徐秀鈞賀贊元王有蘭彭允彝羅永治歐陽振聲褚輔成王永錫董耕雲樂山張樹桐黃寶銘等則以
李烈鈞免職政府種種舉動殊屬曖昧等語相質問矣議員鄧元文周篤歐陽沂王有蘭盧元弼程鐸黃格鷗
林文英林英鍾凌鉞張瑞王定國陳時銓詹調元邵瑞彭羅永治曾幹楨陳九韶李積芳高旭辛際唐邵慶麟
覃超秦廣禮等則以李烈鈞受事年餘輿論翕然大總統下免贛督之令倒行逆施之隱實爲欲蓋彌彰等語
相質問矣議員文羣辛際唐盧元弼王侃歐陽振聲黃格鷗王有蘭曾幹楨丁惟汾陳策陳鴻鈞賀贊元等則
以贛督已撤胡督繼去柏譚兩督撤易之消息且喧傳矣而聯名阿附政府之各省都督自若也此種政策將
何以告國民等語相質問矣議員燕善達王觀銘劉濂蔡突靈謝樹瓊盧式楷蕭輝錦朱念祖田永正鄒樹聲
湯漪黎尙雯符鼎升則以李烈鈞免官對於此項命令深文周内或者別有用心等語皆質問矣此外議員饒
芙蓉李楷榮褚輔成羅永慶羅永治盧元弼辛際唐王傑李根源趙藩屠寬張士才邵慶麟馬文煥張大義周
之翰陳九韶黃汝瀛張國浚寸品升李燮陽郭寶慈楊夢弼湯松年丁惟汾張治祥杜凱元高旭詹調元丁洪
超張秉文蘇祐慈盧鍾嶽司徒穎陳時銓易宗鑾徐傅霖等則以關於黎副總統電告政府破獲機關有某黨
黨證一案而有質問議員高旭周珏林文英胡兆沂凌鉞路繼漢盧元弼葉夏聲茅祖權文羣林玉麒俞鳳韶
邵瑞彭汪建剛陳子斌傅夢豪杭辛齋覃超王有蘭戚嘉謀馬如飛歐陽沂張秉文孫潤宇等則以政府派兵
南下擾亂地方爲詞而有質問議員賀贊元羅永治鄧元陳子斌辛際唐黃格鷗邱冠棻彭學凌盧元弼林文
英王定國李爲綸俞鳳韶梁仲則戴書雲汪建剛歐陽沂鄒魯劉峯一林英鍾杜凱元曾幹楨王有蘭路繼漢
文羣王侃葉夏聲張樹桐梁昌誥凌鉞等則又以政府不撤赴潯北軍爲詞而有質問以上原質問書之內容
無一不以助亂爲張本本大總統當時以戡定內亂爲急尊重國會爲心雖迭據報告該黨議員助亂情形而

深維國家多故議院未可動搖故每遇質問之來仍飭國務院依法答復耿耿此心其所以委曲求全者可謂無微不至諒爲我國民所悉知乃該黨議員既利用其議員格以曲庇作亂之逆黨復利用其同院資格以曲庇助亂之議員前次該黨議員張耀會谷鍾秀除有議等保障法之提議原員僅止三條而其扶助亂黨破壞約法之詭謀昭然若揭充該黨議員張耀會谷鍾秀等之用心不過欲假國會提案之職權陰行其助長內亂之毒計該項議案與其謂之爲議員保障法毋寧謂之爲後亂外患犯保障法則證以李逆烈鈞等往來密電此次南方亂事係出於該黨議員鼓吹一致進行於內而該議黨黨員乃能主張七省聯合於外實爲確鑿無疑天津警察於十月六日搜得人力車上皮包內何海鳴與其黨鼎公函中有假托賊政府軍隊聲靈英俄使外人從而干涉之等語意在挑戰強鄰激成分裂其設心尤爲兇狡查該國民黨暴烈分子羣趨於競爭選舉一途或以利誘或以威嚇甚且以手槍炸彈爲脅迫選舉之武器迭據各省選民電呈該黨種種犯法舞弊情形幾至數百起故本屆選舉如粵如贛如皖如湘等省以及凡有國民黨支部各地方無不爲該黨勢力所左右非由國民公意而來無惑乎當選以後不知有國家只知有本黨不知有團體只知有個人即如該黨議員張繼王正廷勾結孫文黃興百計破壞五國銀行借款使國家陷破產之禍該黨有煽亂之資中俄協約已有成議該黨議員極力反對使外交困難坐失較好之機會推其用心非該黨自爲政府須斷送國家此種莊嚴神聖之立法機關竟爲殘民以逞者所據即未公然助亂而常會四閱月一法未經議決僅有一關係議員一人五千元歲費之議決議院法亦遲遲至於九月月終施行議決吾國民日處水深火熱中延頸企踵以求一保護身命財產之法律出現而竟不可必得共和國之議員如此尙復何言况乎公然與逆黨結一致進行之密約受逆黨特別津貼之報酬謂非喪心病狂在夫何至於此極也現在亂事已平議院明達之士諒不乏人對於該黨議員會無一提議除名以謝我肝腦塗地之同胞者豈遂避排除異黨之嫌而故爲互相容隱之計乎殊不知民國議會應由合法之議員組織不應聽令不合法之亂黨加入組織比月以來大亂雖平八

心未靜該黨議員等既於亂事方生飄然能去復於亂事將已突如其來亂前結七省攻守之同盟亂後又爲一致進行之監督以國會爲護符以政黨爲利器如此亂徒汚我議員辱我國會若政府不爲拔本塞源之計我國民將永無安居樂業之日本大總統始終以救國救民爲旨該國民黨黨員及該國民黨員作亂及助亂情形證據既確未便一再姑容除令飭將該國民黨立予解散并酌追繳該國民黨會議員證書徽章并飭查取本屆合法候補當選人如額遞補議員以遏亂萌而重國會外特布告我國民須知中華民國者我漢滿蒙回藏五大民族公共之國家也該國民黨及該黨國會議員既對於國家而爲內亂其聯合七省倡攻守之同盟也則該黨已視七省以內之人民若魚肉七省以外之人民若寇仇矣其利用外人謀南北之分據也則該黨已視南方爲彼輩割據之勢力圍北方爲彼輩蹂躪之戰爭地矣此種亂謀是惟恐我國家之可以幸存而力速其亡我國民之可以幸生而力速其死若非及早發覺前途豆剖瓜分之危險我父老昆季尙何能有旦夕之安此本大總統雖欲曲爲之諱而原電證據具在我國民當亦引爲公敵而不欲與之同中國者也自經解散該黨會及追繳該黨議員證書徽章後凡會入該黨黨籍者苟無另案作亂情事絕不准法外株連望我最親愛之四萬萬同胞各以國家爲前提父勉其子兄勉其弟農工商賈各安其業毋輕信煽惑之詞毋再爲擾亂之舉庶幾國家治安可以維持地方秩序可以恢復本大總統誓當恪依就任之宣言刷新共和之政治俾我國民咸享幸福特此布告中華民國二年十一月四日國務總理熊希齡內務總長朱啓鈴

▲大總統令(嘉獎克復經棚將士)

據姜桂題米振標等電呈克復經棚等語我軍於上月二十八號自林西分路進攻經棚該司令督率各軍隊在大壺梁哈達山口新廟各地方節節進剿獲勝於二十九號下午完全克復經棚斃匪首及匪多名商民安堵無恙深堪嘉慰米振標董督將士首先進復張殿如奮勇攻剿迅奏膚功米振標晉授勳三位張殿如晉授勳四位石得山遠道赴援出奇制勝應補授陸軍少將並給二等文虎章以獎殊勳兵士賞銀五萬元出力官

并查明呈請優獎此令中華民國二年十一月七日國務總理熊希齡陸軍總長段祺瑞

▲大總統令(嘉獎克復昭蘇乃木城將士)

據王汝賢王懷慶電呈克復昭蘇乃木城等語該匪自竄入察境後盤踞昭蘇乃木一帶時出滋擾經該師長等派何鋒鈺等督隊進剿於本月三號克復昭蘇乃木城又於城北擊敗該匪擒斬甚多該將士等冒雪力戰克復要區殊堪嘉慰陳文運給予二等嘉禾章何鋒鈺給予三等嘉禾章李際春給予三等文虎章兵士賞銀一萬元以昭激勵出力官弁查明請獎傷亡兵士優卹此令中華民國二年十一月十二日國務總理財政總長熊希齡陸軍總長段祺瑞

▲大總統令(宣告京師解嚴)

現在亂事救平京師地方亦甚安謐所有北京警備地域內戒嚴情事業已終止應宣告解嚴此令中華民國二年十一月二十三日國務總理熊希齡內務總長朱啓鈴陸軍總長段祺瑞

▲大總統令(實行京師保安事件)

現在事變救平本大總統業經依法爲解嚴之宣告惟京師爲民國政府根本重地五方雜處良莠不齊地方之安寧秩序亟應加意維持著該管軍警各長官督飭所屬於保安事件務須遵照現行法令實力奉行如有不軌之徒敢於涸跡京師潛謀破壞者即行設法查拿盡法懲辦該管軍警各有地方之責所冀激發忠誠使地方居民之身命財產得所保障上以消國家之隱患下以致閭閻之康寧本大總統有厚望焉此令中華民國二十三日國務總理熊希齡內務總長朱啓鈴陸軍總長段祺瑞

▲大總統令(痛關升允恢復清皇室謬說)

據新疆都督兼民政長楊增新呈送升允自庫倫發寄信函一件檄文一冊本大總統逐加披閱殊堪駭詫殆共和肇興國體更變當武漢倡義之後各省響應庫倫等處亦稱獨立全國騷動皆以種族爲詞滿族之危查

與言喻南方軍人既主張於前北方軍人又相和於後以致遼海擾攘與灤州駐隊生變京城炸彈屢發當時親貴及顯宦多已避匿卽升允以疆帥重寄用兵三月亦無大效

大清孝定景皇后臨朝涕泣悲慘萬狀本大總統對於外恐釀瓜分之釁對於內恐重血澤之禍對於清皇室又慮無安全之策焦灼之極幾不欲生百計圖維保安上下幸荷

孝定景皇后外觀大勢內審輿情不以一姓之尊榮致貽羣生之痛苦近追法美遠紹唐虞於宣統三年十二月二十七日特頒改建共和立憲國由本大總統以全權組織臨時政府之旨維時邦本震搖不絕若縷本大總統於新舊代替之際謀統治繼續之方一髮千鈞本不欲遽膺艱鉅只以

孝定景皇后之付托全國人民之交推不得已勉任其難困苦艱險非人所堪方冀克奠新基仍歸故里時勢率迫倥傯至今然回溯

孝定景皇后改革初心無非應天順人勉維大局凡所以籌挽救卽所以保和平深識閭諷神人共諒舊日臣工自應仰體與民休息之仁俾臻天下大公之盛不意升允罔知大體徒快私謀潛踪往庫安稱恢復殊不知庫倫非獨立於民國成立之後乃獨立於皇室未讓以前其獨立宣布之文嘗滿清不遺餘力升允豈無聞見而乃云附庫以圖恢復何啻認仇爲父眞所謂大惑不解者甚且妄傳軍檄淆惑聽聞其檄文內並謂優待皇室條件之皇室經費現將停給德宗陵寢迄未開工尤屬異常荒謬不知此項經費均由部陸續照支其崇陵未竣工程亦已如制妥修卽日奉安如禮清皇室內務府曾有宣告何得妄加揣測橫肆詆誣假託忠義轉滋兵禍萬一煽惑成變漢滿復增惡感其危害皇室何堪設想不徒爲民國之公敵抑且爲滿族之罪人前次迭據探報升允意圖破壞本應飭查立予究懲姑念其從前居官有年雖剛愎性成尙非昧妄者可比或一時心疾妄發不難悔罪自新乃竟宣布書札圖謀內亂始終執迷不悟顯係有意破壞民國用特宣示京外文武各官及漢滿蒙回藏人等所有接到升允文字各地方務各同保父安毋被搖煽倘升允痛自悛改本大總統亦

必曲予優容如仍怙惡不悛即飭下各地方官嚴行拿辦以彰國憲而奠邦基此令中華民國二年十一月二十七日國務總理熊希齡內務總長朱啓鈴陸軍總長段祺瑞

▲大總統令(嘉獎克復大王廟將士)

據姜桂題電呈接吳俊陞米振標等捷報進攻邊匪獲勝克復大王廟等語該匪自占踞大王廟後糾黨四出滋擾頗為邊境之患該旅長等此次督率軍隊分別進攻先復駱駝廟晝夜苦戰奪獲賊卡多處斃匪多名於十九號克復大王廟各該將士協力攻剿大挫匪氛深堪嘉慰吳俊陞米振標連克要地謀勇兼優吳俊陞晉授勳三位米振標給一等文虎章此外出力各員另核給獎兵士賞銀二萬元傷亡官兵優卹所有該處被匪擾害之漢蒙人民務即妥為撫卹仍將善後事宜分別籌辦以副保邊安民之意此令中華民國二年十一月二十九日國務總理熊希齡陸軍總長段祺瑞

▲大總統令(正法江陰澄台陸戰隊作亂之軍官)

前經迭飭各軍隊服從命令遵守紀律以保民為天職嚴防亂黨煽惑不啻三令五申凡任軍隊官長者宜如何嚴約所部效忠去惡安良除暴以副設兵衛民之旨乃上月據報駐江陰澄台之陸戰隊竟受亂黨搖惑作亂焚燬街市劫掠商民情事殊堪髮指當飭宜撫使馮國璋查明嚴辦茲據呈稱郭以廉約束不嚴張壽榮濫通亂黨已查拿監禁等語此次縱兵滋事之團長陸軍步兵上校郭以廉副官陸軍步兵中校張壽榮釀成鉅變荼毒商民實屬罪無可逭應飭軍官職卽行正法其縱容之官長及附同焚劫之兵丁均應一併正法附近兵官軍隊彈壓不力應飭革解散用昭炯戒所有拒亂被戕之官長等查明優卹以示激勸該商民等何辜遭此蹂躪每一念及殊深矜憫飭馮國璋妥為撫恤俾資救濟失物查獲者分別給領各該軍官等其申明軍紀消弭亂萌以此案為前鑒慎勿以身試法也凜之此令二年十二月一日國務總理熊希齡陸軍總長段祺瑞

▲大總統令(宣布大理兵變情形)

前據署雲南都督唐繼堯署民政長李鴻祥迤西鎮守使謝汝翼電陳大理兵變情形當經飭令分路派兵剿辦並由謝汝翼督兵馳剿茲據唐繼堯等以大理業已收復亂黨分竄秩序如常等情電呈前來查此次大理兵變迭據該署督等陳報係被會匪楊春魁亂黨李根源張文光等勾煽於本月八日變叛戕官踞城劫掠餉械分擾鄧川洱源賓川漾濞蒙化彌渡雲趙等縣勢頗猖獗又經查獲大理叛軍電致永昌騰越軍隊有云接孫文黃興通電蒙自臨安省城均舉義旗暨楊春魁張貼偽示有孫文黃興李烈鈞自海外來電各省均二次革命省城臨安騰越永昌均獨立各等語希圖煽惑全省軍隊同時響應旋該叛軍知係被紛紛逃逸或率隊馳歸致各匪亦無固志該署都督復密飭前雲南提督李福興連長栗飛鵬稅員張一鯤等陰爲戒備先經駐永陸軍規復漾濞以扼榆城之背匪首張文光並經圍附施繼伯截獲旅長韓鳳樓率兵分兩路進剿定西嶺趙縣等處匪兵望風迎降李福興栗飛鵬張一鯤等在大理協謀內應約合袁績臣賴瀛洲各隊率兵直入猛攻偽司令部匪黨紛紛奔竄遂於二十三日克復大理全城該督等調度有方各將士奮勇出力就地紳民亦復深明大義旬日之間立復重鎮洵堪嘉獎謝汝翼李福興均給予二等文虎章韓鳳樓給予三等文虎章施繼伯著升授陸軍步兵中校栗飛鵬張一鯤均著補授陸軍步兵少校並加中校銜袁績臣賴瀛洲均著補授陸軍步兵少校以彰勞動其餘得力人員由該署督查明請獎出力兵士加賞銀二萬元由財政部發給被擾地方著該署督民政長分飭文武妥爲安撫並嚴拿在逃匪首暨追捕各路潰匪以清餘孽而靖地方至該叛兵被孫文黃興李烈鈞等誘騙殊堪痛恨孫文等係侈言共和主持民意之人豈不知共和精神人民真意務在結大衆之團體謀公共之安寧本年南方未亂之先孫文倡言北伐首謀作亂竟謂不能戰勝北方亦可成爲聯邦簧鼓邪詞力謀破裂與共和民意背道而馳迨贛寧事起雖幸盪平迅速而人民之死喪者以數萬計地方財產之損失者以數千萬計痛定思痛人人切齒苟非異類豈無絲毫愛國保種之心乃竟梟獍性成仍爲破壞大局殘害生命之舉實爲國法所不容共和之巨蠹近來各省軍隊多能深明順逆洞燭奸邪而被

其蠢惑者仍在所不免著各省都督民政長護軍鎮守各使傳諭所屬一體遵照須知孫文等一再煽亂借軍隊爲傀儡以人民爲犧牲事敗則捐款先逃棲蹤海外本係國賊行爲惟此無識盲從之軍警一經附逆或登時擒治或事後駢誅殃及身家辱及全體罪無倖免死無可矜其各借鑒前車勿聽亂黨煽誘之言致貽後悔此令中華民國二年二月二十七日國務總理財政總長熊希齡內務總長朱啓鈴陸軍總長周自齊

▲大統總令(通緝湘亂各犯)

據署湖南都督湯銘電稱湘省連歲紛亂暴徒林立蒞事兩月爲獲要犯處以極刑民間冤氣乍伸歡聲雷動唯重犯雖漸殲除而首惡仍多漏網查有主張叛立之周震鱗勒索捐款威逼人命前商會總理龍璋主借外債供給亂黨前警察廳長林支宇叛立時擅出悖逆文告奉亂黨命令抄沒民財搗毀各黨會報館前營長林修梅黃岱於叛立時自請身當前敵并擬慘殺黎副總統及伍鎮守使特派員陳猶龍當叛立時充西路安邊使統兵進窺川黔賀寅午以私藏槍械助叛自請宣慰黔滇劉錦文於叛立時任稽查長濫刑虐民劉重充炸彈隊長十月間尙在該犯宅內搜出炸彈多枚余道南身任團長主張叛立周果一黃培燮身任軍職附和亂謀王樸林德軒郭慶蕃皆以現役軍人任僞招撫使蔣翊武參謀長副官長諸職前宜章縣知事劉運鴻醴陵縣知事維彥芳附逆文告語多狂悖前臨湘縣知事劉煥然新化縣知事李振蕙祖護亂黨甘心從逆柳聘農周人龍陳家鼎傅君劍田鳳丹劉欽實荆嗣祐周懋伯高龐黃慶瀾周鰲山李龍劍陸詠儀王春初文電鼓吹主張獨立前教育司長劉承烈衆議院議員鄭人康密與逆謀袁澤民馮燭寰成亞龍劉成職衆議院議員李執中陳宏齋於歡迎蔣翊武時演說狂悖省議會議員維良幹於叛立時承買軍械見事敗逃逸陸軍少將張孝準主張叛立捲逃巨款以上四十三犯均先期畏罪遠颺核其情節罪在不赦應請通飭各省一體拿獲務即究辦再湘省亂首如譚人鳳人斐程潛程子楷唐麟陳強黃鉞等前經疊奉明令通緝應請併案通飭查拿以免漏網等語查湘省疊次釋騷生靈塗炭皆由該逆黨等蓄謀倡亂以致地方糜爛實屬罪不容誅除亂

震譚人鳳業令通令緝拿外所有周首麟等四十三犯應通令各省都督民政長暨各地方長官轉飭所屬一體嚴拿務獲究辦毋任漏網以肅法紀此令中華民國二年十二月二十九日國務卿熊希齡內務總長朱啓鈐陸軍總長周自齊

▲大總統令(破獲廣東亂黨)

據廣東都督龍濟光電稱統領陳均義在陽春破獲亂黨機關一起搜出天命一黨粵支部委任狀鐵印大旗令旗簿據等件又獲僑總司令兼參謀陸金波一名供稱已入統一黨改名鎮漢利用該黨名義組織天命一黨又有兵練在百濟附近擊斃亂黨多名搜出亂黨通函多件中有總機關來信南軍亟欲舉事孫文黃興近日即到廣東要各路英雄約集軍隊合攻省城之語又靈山土匪爲亂黨煽助勢頗猖獗經軍隊分投搜剿匪始潰散化縣土匪亦被亂黨勾通約期舉事經軍隊協剿連日鏖戰斃匪多名奪獲槍械甚夥副營長李友恭奮勇擊賊中彈陣亡等語該逆黨假借黨會煽土匪蓄意破壞擾亂治安實堪痛恨該統領等破獲迅速剿辦得力良用嘉獎所有在事出力人員著該督查明呈請獎叙李友恭擊匪殞命殊深惋惜應交陸軍部從優議卹以示褒憫該督仍即督飭所屬查緝亂黨嚴剿土匪悉力懲治務絕根株用副禁暴安良之意此令中華民國三年一月五日內務總長朱啓鈐陸軍總長周自齊

▲大總統令(嚴禁哥老會匪)

我國哥老會發見於數十年前之臺灣延至十餘省之廣往往糾集死黨欺壓良民無論大邑通都窮鄉僻壤靡不有若輩踪跡其甚者則勾結土匪擾害治安或要挾地方官於各屬設立碼頭以及開山立堂等事明目張膽毫無顧忌小之貽社會之憂大之爲國家之患若不嚴行禁阻何以弭隱禍而靖人心嗣後各省如再有哥老會設立碼頭暨開山立堂或另立共進改進等項名目應由該省都督民政長嚴拿懲辦並通飭所屬一律嚴爲厲禁其已經設立各處亦宜設法迅速解散以杜亂萌是爲至要此令中華民國三年一月九日國務總

運熊希齡內務總長朱啓鈴

▲大總統令(嚴究陝西亂黨)

現在亂機甫定時局粗寧防患未然責難稍懈所有各省地方長吏自應隨時隨事嚴加查察俾免重召亂障乃近聞有不逞奸徒思欲於南中奔潰之餘爲西下釋騷之計據查陝西境內亂黨有變更名姓紛至沓來蜚語沸騰人心惶駭值茲建設之始詎能任該亂黨等從中煽惑致擾地方應責成該省都督張鳳翽查明如有造謠生事之人卽行通飭所屬一體嚴拿究治凡屬徒羽黨一經訊實并准就地懲辦以昭炯戒而遏亂萌該都督身膺疆寄有維持秩序保衛人民之責務當以地方爲重慎毋稍示寬容致滋隱患也此令中華民國三年一月十日國務總理熊希齡內務總長朱啓鈴陸軍總長周自齊

▲大總統令(嚴查新同盟會)

前因雲南大理之變查獲亂黨文電係由孫文黃興李烈燧等主謀當經通令詰誠茲復據雲南迤西鎮守使謝汝翼電稱去年八月間先有亂黨郭嘉賓潛往大理捏稱沿江沿海諸省定於某月日同時舉事現奉孫文黃興命令前來聯絡榆民及駐榆軍隊屆時響應並攜帶新同盟會金牌數十付祕密散布會匪楊春魁獲有金牌遂勾結榆團戕官叛變佔有榆城分擾鄧川洱源喬後劍川漾永化求平賓川鹽豐等處遠近鄰邑瓔沃千里相繼失陷幸各軍分途進剿忠勇奮發次第收復逆首楊春魁張文光莫春榮劉嘉賓田克勤董華山等均經擒獲正法惟目擊戰後情形瘡痍遍野公私損失約百餘萬該逆等毒痛四境殘虐以逞普天率土罔不裂皆現在滇亂已平懇請布告國人咸使聞知等語孫文黃興李烈鈞等前在贛寧作亂事敗潛逃公私損害不知凡幾迄今思之人人痛恨迺復遣派黨羽潛赴滇邊散布新同盟會牌記勾結煽亂以會匪之行徑肆鬼賊之陰謀荼毒生靈蹂躪城邑處心積慮不恤爲虎作倀顛覆邦國以逞其攫奪權利之私種種哄騙行爲聞有地方無賴與夫青年無識之軍警爲其所欺究之順逆昭彰禍福指顧在倡亂者寧由自作罪無可矜而附

變之徒一墮敵中乃亦不惜性命不顧身家可爲歎惜矧夫匪蹤所至陵踐無遺商民何辜同遭慘劫顛連困苦尤可痛心追維造禍之原宜懷前車之戒訪聞該亂黨在上海等處有暗設新同盟會機關恐其秘密勾煽不止滇省一處著各省都督民政長護軍使鎮守使通飭所屬嚴行偵緝如有亂黨私立新同盟會名目散布牌記一經擊獲立即就地嚴懲軍民人等收受亂黨牌記一併按照軍法懲辦以肅法紀而遏亂萌此令中華民國三年二月四日國務總理熊希齡內務總長朱啓鈴陸軍總長周自齊

▲大總統令(湖南亂黨偽造貨幣)

偽造貨幣律有專條亂黨假借偽幣驅誘軍民圖謀作亂尤爲罪不容誅茲據湖南都督湯薌銘電稱該省先經拿獲偽造紙幣匪犯周宗台訊供有大批偽幣運赴湘潭旋又在湘潭拿獲偽造銀銅幣匪犯朱禮臣等並標運偽幣暨手壓機器等件訊據朱禮臣供稱去年九月間楊榮暢等告知接孫文黃興來信囑赴雲南貴州煽動軍隊邀令同往楊榮暢爲湘省僞正糧台該犯爲僞副糧台并派人攜帶孫文黃興牌單前往寶慶運動此項偽幣係供給費用等情呈請究懲前來該亂黨等屢謀內亂變詐百出茲復僞造貨幣以爲哄騙煽誘之資既陷軍人於叛逆又貽商民以無窮之害實屬罪大惡極著湯薌銘即提獲犯周宗台朱禮臣等覆訊明確按照軍法從事仍飭拿該黨楊榮暢等務獲究辦並著各省都督民政長護軍使鎮守使飭屬一體嚴查如有亂黨僞幣發覺凡僞造及行使之人一經拿獲即行訊明盡法懲治不貸此令中華民國三年一月二十日國務總理財政總長熊希齡內務總長朱啓鈴陸軍總長周自齊

▲大總統令(懲治造謠生事擾亂軍心)

據署步軍統領江朝宗等呈稱查明步軍校南連印造謠生事擾亂軍心一案已撤隊官步軍校南連印係正藍旗漢軍副都統福壽之姪此次造謠煽惑確係福壽主使并查得技勇兵連桂在福壽家教讀與南連印同惡相濟迭經研鞫其爲造言生事確鑿無疑旋據左翼各隊全體呈具切結僉謂福壽等造意害人擾動全局

懇請各予嚴懲以肅軍紀等語并據開具調查禍事實節略呈請一併嚴辦前來查京師人心甫定秩序粗寧該副都統身充要職應如何整飭僚屬維持公安乃竟主使南連印等造意陷人藉端滋事希圖糜爛大局變亂軍心實屬狂悖已極若不嚴予懲辦將何以肅軍紀而儆效尤正藍旗漢軍副都統福壽及步軍校南連印等著即一併褫革交陸軍部嚴行拿問盡法懲治以彰法紀此令中華民國三年三月九日國務總理孫寶琦陸軍總長周自齊

▲大總統令(防範宜昌匪亂)

前據鄂湖北都督段芝貴電呈轉據鄂西觀察使宜昌縣知事電稱本月六日夜半突有匪徒多人闖入警備隊司令部殺傷衛兵搶奪槍械經該司令調隊奮擊匪始敗竄地方遂安等情當飭嚴拿懲辦茲復據該署督電稱訊據獲匪蘇龍光供稱係逃犯熊灌香派張伯衡約同來宜熊張二犯係孫文黃與李烈鈞遣派來宜勾結白狼運動起事其規約係服從命令謹守密約實力進行犧牲性命四大端滬漢各設籌備總處各要埠及宜昌設籌備分處或數日一遷或一日數遷等供呈請通令查緝前來亂黨遣派黨羽潛赴內地各埠分布機關勾結悍匪蹂躪地方實屬窮凶極惡着各省都督民政長護軍使鎮守使通飭所屬一體嚴密查拏認真防範遏以亂萌此令中華民國三年三月十三日國務總理孫寶琦內務總長朱啓鈐陸軍總長周自齊

▲大總統令(責成勸匪各軍隊搜捕豫省土匪)

豫省南陽一帶山麓素稱盜藪改革以來游勇散兵嘯聚尤衆迭經軍隊剿捕而地當豫鄂秦三省毗連此輩彼輩迄未盡除近據豫鄂各都督等報稱查有海外通匪分遣黨徒凌鉞劉天猛劉承烈熊灌香等勾結煽動搜白狼等以司令都督各名目并由孫文作書與該匪所派代表竄憲民等介紹私購軍械分投接濟以致匪徒驟張殘毒愈甚在皖豫鄂邊界襲掠城邑殺人如芥婦孺不免所過爲墟慘無人理該亂黨等侈言共和口陳幸福而暗結悍匪傷殘人道處心破壞竟至於此迭次經軍隊追剿潰散而隨處糾合聚散無常避實襲虛

踪跡生靈前在六安我傷教士極堪痛惜昨據署湖北都督段芝貴電稱匪窟河口防營單弱突入焚掠我營那威國人費醫士并傷及沙教士兇悍情形殊堪髮指該教士等導人從善遭此慘毒惻悼尤深其在河口口口絕不力之文武各員著段芝貴查明從嚴參辦以儆疏玩所有受傷之沙教士善爲救治其被害人一律妥爲撫卹至匪蹤飄忽旋撲旋逃應由河南湖北陝西各都督責成剿匪各軍隊協力搜捕務期盡絕根株以安地方并飭該管軍官暨地方官凡屬各國教士一律妥爲保護毋任稍有驚擾此令中華民國三年三月十三日國務總理孫寶琦內務總長朱啓鈴陸軍總長周自齊

▲大總統令(嚴辦廣東亂黨)

據廣東都督龍濟光電呈亂黨乘黃岡兵變之後即在高州惠州陽江等處分途謀亂幸該督偵悉飭各路將領分投剿辦密派軍隊扼要防守該黨因剿辦高惠陽江之軍均獲勝仗匿不敢動專以重金勾誘弁兵煽亂連日破獲逆黨搜出僞大元帥孫文委任狀蓋有大元帥僞印及布告賞格蓋有糾正軍團僞印並鎗械炸彈多件逆犯劉海山鄧憲明陳理華伍銀韓冠南王有亮羅良臣等聽從亂黨朱執信洪兆麟陸常等唆使各以巨賞運動軍隊被各該軍官擒獲送案訊認前情不諱已將各犯正法等語廣東自陳炯明謀叛該黨徒竊取庫款席捲遁逃以致市面空虛人民困苦該逆黨天良喪盡即以盜之於粵者還害粵民賴龍濟光調度有方部下各軍官深明大義殄除醜類屢破機關龍濟光戡亂迅速深堪嘉獎所有擒獲逆犯之各軍官著龍濟光查明從優呈請給獎逸犯朱執信等一體嚴拿以伸國法此令中華民國三年三月二十五日國務總理孫寶琦陸軍總長周自齊

▲大總統令(嚴禁邪教匪徒)

據江北護軍使蔣雁行電稱睢宿泗縣一帶三元會匪聚衆起事該會係榮華會彌陀會白蓮教各會匪所併合節經派兵痛剿拿獲首要并搜出黃表符咒等件現仍分飭搜捕務清餘孽等語匪徒創設邪教例禁恭嚴

况世界大勢日趨大同，自宜首以闡明真理，開導人民，知識為主，豈尙容此等邪教阻礙文化擾亂治安從前川楚教匪順直拳匪皆因涓涓不塞釀成大患，可爲殷鑒。江北地方各會匪既經嚴予剿辦，此等匪徒黨羽多難保不分布各省，希圖煽惑，著各都督巡按使暨各統兵長官轉飭所屬一體嚴行查禁，以遏亂萌。此令。中華民國三年六月十五日國務卿徐世昌。

▲大總統令(破獲上海閩北亂黨)

據上海鎮守使鄭汝成呈稱五月三十夜閩北巡警李獲亂黨陳喬蔭王錦三二名，搜出僞兵隊名單行兵軍圖筆記等件，並破獲小沙渡機關先後捕獲僞黨起出孫文僞示炸彈槍械旗鼓僞印軍用各物暨毀壞鐵路器共多件。訊據陳喬蔭供稱由廖轟即廖醒魂介紹認識蔣介石即蔣子卿，此次謀僞係蔣介石代表孫文主持一切，僞示地圖及款項均由蔣介石受孫文僞令給付，並派該犯爲第一部隊長擔任毀壞鐵路電線，渡梵王渡一帶，陳榮廷爲第二部隊長擔任真茹一帶攻劫警署，何元龍爲第三部隊長擔任毀壞鐵路電線，搶劫火車運軍銀款，約定是夜十一時放火起事，襲攻寶山海門，又訊據王錦三供認擔任第一部隊長各等供不諱。鈔錄供詞檢同證據呈請核示。前來去年七月滬寧之亂，首逆孫文等分遣黨羽招集無賴，誘軍隊約期舉事，迫聞敗耗，首先遁逃，忍使地方慘遭浩劫，中外商民莫不痛憤。茲復遣派死黨暗設機關，糾約匪徒分設僞隊長名目，希圖攔劫銀款，奪掠軍械，毀壞路電，佔據地方，似此盜賊行爲，實爲全國人民所共棄。陳喬蔭王錦三二犯甘心從逆，罪不容誅，著卽一併就地正法。其餘獲犯，訊明分別擬辦。蔣介石廖轟陳榮廷何元龍等現均在逃，著各省都督巡按使及各統兵長官飭屬一體嚴拿，務獲究辦，以伸國法。此令。中華民國三年六月十五日國務卿徐世昌。

▲大總統令(查緝亂黨新造僞紙幣)

亂黨孫文等自遁逃海外以來，專以詐騙金錢秩序爲目的，種種鬼域，久爲中外所共知，乃近據上海警廳查

獲並各處報告該黨新造偽紙幣多種一係孫文刊發之限期偽國債票一係刊印黃興陳其美等照像及簽名之軍用票一係仿造粵省紙幣及中外各銀行鈔票分批運往內地以爲哄誘軍隊圖謀內地之需各該軍隊倘爲所惑必至誤羅法網且使商民受害無窮言之曷勝痛憤著各省將軍巡按使及各統兵長官一體飭屬嚴行查緝倘有亂黨散放銷售偽國債軍票及各種偽造紙幣一經查獲立即正法兵丁人等如敢知情收受一併按法嚴懲毋得寬縱此令中華民國三年七月十四日國務卿徐世昌

▲大總統令(搜勦白狼宋老年餘匪)

據河南護軍使趙倜電稱白匪迭次受創已無大股白狼宋老年各率零匪潛匿山麓現正督隊搜捕等語溯自白匪肆擾海外亂黨匪與勾結并遣其黨羽投入匪內爲之主謀專以擾亂地方爲目的的一年以來乘虛竄掠遇兵輒逃東突西奔寢成流寇蹂躪城邑荼毒生靈言之曷勝痛憤本年一月匪竄皖豫交界經第二師師長王占元等督隊痛剿遁回老巢祇因山路崎嶇地面遼闊竟被突圍竄逸當由趙倜督飭追捕匪乘秦境無備竄擾多縣節經秦省軍隊於醴泉等處截剿匪復乘虛匪至甘境趙倜等越省窮追隴縣馬營兩役匪衆大受懲創遂遁岷洮圍犯蜀境復於寧遠伏羌西固等處經甘省軍隊及各路援軍迭次擊退勢窮力絀匪路東竄趙倜更追襲於郿縣旅長張敬堯復截攻於寶雞將軍陸建章又在子午峪一帶派隊夾擊所餘股匪雖經沿路竄逸奔回河南而匪勢業已大蹙嗣復經趙倜等追至富水關與鎮嵩軍統領劉鎮華巡防營統領田作霖等會剿暨第八師支隊河南陸軍支隊於襄葉方召臨汝等處協力誅捕殄匪多名迭據各統兵長官呈報在案該匪竄越數省擾亂經年稔惡已久經各路軍隊節節追剿渠魁李鴻賓白瞎子等多已殲除現在餘匪無多窮蹙待斃著田文烈飛飭各該統兵長官趁此兵力速將零星股匪搜剿淨盡勿任遺孽復萌並將匪首白狼宋老年等懸立重賞嚴拿務獲立正典刑以快人心而伸國法一面督飭地方文武迅速舉辦清鄉務絕匪源以除民患其匪蹤所至人民橫被擾害殊堪惻憫著各該巡按使派員確查妥爲安撫藉奠民生此令

華民國三年七月十七日國務卿徐世昌

▲大總統申令(防範亂黨)

據秦武將軍督理山東軍務靳雲鵬電陳七月八日匪徒突入黃縣擄鄉富戶軍隊馳剿擒斬殆盡訊據獲匪李午亭王鑑三等供稱孫文黃興黨羽在大連潛設機關專謀劫掠此次張夢九王魁九王雅堂劉德三等受孫文黃興指使僞稱司令統領諸名目率衆潛赴黃縣意在勾結土棍入城焚掠因城中戒備改計向鄉間擄贖在張家溝搶鄉張姓逼索巨款突被軍隊聞知搜剿本股黨徒均被擒戮所餘無幾其他股同時由大連出發者尙有小鐵子一股約百餘人史紀福一股約數十人其邱不振邱伯言金鼎山等一股約三百餘人陸續乘風船進發等語復據直隸巡按使朱家寶電陳十五日昌黎蒲河口有大股海匪登岸徑趨留守營劫掠商民綁票勒款經軍隊馳擊奪回所綁商民追至東沙子匪登海船逃逸等語並迭據各處報告匪舟出沒桑島黑山島一帶乘間劫畝及突擾北戴河擄去漁人各等情該亂黨等巢窟海隅伺隙焚掠兼行綁票勒贖殘酷無復人理良民何辜遭此荼毒著各將軍各巡按使督飭沿海各軍隊及附近駐泊各軍艦認真防範隨時梭巡勿令匪蹤乘間登岸肆擾其在逃及潛匿各匪犯應一體嚴密協緝務獲懲治以肅法紀此令中華民國三年七月三十日國務卿徐世昌

▲大總統令(獎賞擊斃白狼)

據河南護軍使趙倜電陳白狼匪股業經各軍痛剿潰散遵奉迭令責成嚴緝渠魁肅清地面茲據鎮嵩軍統領劉鎮華等報稱本月五日探悉白狼匪伏大營北二十里石莊地方當經分統張治功副官斬新民隊官王景元等馳往掩捕立將匪首白狼擊斃並請巡按使田文烈派員查驗等語旋據河南巡按使田文烈電陳已驗明屬實各等情查白狼本係伏莽小醜專以搶掠爲事經孫文黃興等誘以僞職遣黨主謀暗濟軍械並爲鼓吹煽誘因而嘯聚悍匪衆至逾萬焚劫屠殺備極慘毒當派軍隊跟蹤剿捕該匪等狡譎異常遇兵輒逃愈

追愈遠鼠竄狼奔奔及陝甘邊界迭經各軍分段截堵痛加懲創匪股紛散竄回豫境仍藏深山希圖漏網茲經趙個等督飭軍隊嚴密布撤分路搜捕已將匪首白狼擊斃該匪貫盈就戮實足大快人心軍人以衛民爲天職此次冒暑搜剿殄匪擒渠爲民除害尤堪嘉尚劉鎮華著開復原官授爲陸軍中將並給勳位張治功授爲陸軍少將並給三等文虎章靳新民王景元著趙個查明現官從優請獎以示激勵現在匪首就誅零星潰匪亟應剿除淨盡仍著田文烈趙個等督飭地方文武認真辦理善後事宜期使閭閻永安生業此令中華民國三年八月九日國務卿徐世昌

▲大總統令(肅清郴縣兵變匪黨)

據靖武將軍督理湖南軍務湯鄰銘電據長岳鎮守使伍祥楨電稱接駐桂趙團長電新田現已安靜郴桂各屬已無股匪潰匪由大河竄邊入粵境經官軍追剿擒斬匪衆奪獲牲畜甚夥僞參謀陳懋即叔海亦經擊獲正法現仍向粵界搜剿務絕根株等語此次郴縣之變本係亂黨煽惑遣散之兵結合土匪致擾地方現在大股業已肅清餘黨紛潰逃竄經各該軍隊跟蹤追剿不難即日聚殲該將軍調度有方各軍士馳驅効命爲民除害嘉慰良深除仍飭由該鎮守使力督軍隊嚴加搜剿外應責成各縣知事認真清理并籌辦善後事宜務期共遏亂萌毋滋餘孽此令中華民國三年八月十三日國務卿徐世昌

▲大總統令(查緝僞造紙幣亂黨)

據開武將軍督理雲南軍務唐繼堯電稱探報亂黨蘇文陳其美現於東京僞造紙幣五十萬元軍用票五十萬元派朱超鄧文暉韓恢龔鎮鵬季雨霖劉瑛攜往上海分赴江甯鎮江安徽江西湖北等處運動軍隊圖謀不軌請通令查緝等語前因上海等處查獲該亂黨造紙幣多種業經通令緝拿茲又遣派死黨攜帶僞票分赴內地哄誘軍人希圖擾亂大局實屬怙惡不悛著各將軍巡按使都統及各統兵長官一體飭屬嚴行查緝並嚴拏亂黨朱超鄧文暉韓恢龔鎮鵬季雨霖劉瑛等務獲懲辦以肅法紀此令中華民國三年八月十二日

國務卿徐世昌

▲大總統令(弭亂)

各省自改革以後暴徒踵興摧殘元氣敲剝擾奪良懦吞聲我商民切齒痛心引為大戚上年贛寧肇亂本大總統弔民伐罪命將出師天牖其衷五旬底定我商民亦以飽經痛苦憬然於託詞黨亂之首無非盜賊行為是用萬衆一心拒逆效順乃亂黨遁逃海外仇視宗邦凡可以擾害治安者無所不至甚至煽誘狼匪奉為謀主暗濟軍械密遞音書俾狼匪藉其兵端荼毒及於數省滅絕人道慘害生靈嗟我黎庶何以堪此現在白狼股匪業經各軍痛剿潰散殆盡匪首白狼亦已斃命除嚴飭各軍搜捕餘匪以靖閭閻外著各將軍巡按使都統曉諭商民共籌保衛原有民團商團各省亟應認真辦理以備緩急遇有亂黨勾引痞棍暗設機關立即報官破獲免致釀成鉅患貽害地方至邪說流行青年易為所惑應由父兄平時誥誡毋受愚弄致犯罪章來軫方逾前軍可鑒當創鉅痛深之後為有備無患之圖協力同心保全鄉里期使安居樂業鞏固國基本大總統有厚望焉此令中華民國三年八月十四日國務卿徐世昌

▲大總統令(湖南郴縣桂陽等處亂民潰匪一律肅清)

據靖武將軍督理湖南軍務湯薌銘電陳剿辦郴縣桂陽等處亂兵潰匪一律肅清並請嚴予議處等語上月湖南郴縣之亂係因湘南鎮守使趙春廷所部守備隊良莠混雜先被亂黨會紀光即周同張子南等煽惑適值遣散駐郴隊伍遂乘機起事突竄耒陽永興圍犯衡陽勢頗猖獗匪首陳校經雷瀛等復勾煽就地土匪同時滋擾幸該將軍事前準備已調營長賈凱張福來王維城張慶雲等各率所部分駐衡陽衡山新化常德等處立飭賈凱趙春廷暨鎮守使伍祥楨團長趙錫齡王承斌望雲亭等扼要嚴防分路進剿其時郴縣亂兵土匪順流而下經賈凱截獲竄衡匪船多艘擒斬亂兵多名立即規復耒陽等縣亂黨紛紛逃匿遂於七月二十八日巡抵郴縣其竄擾宜章之匪亦經該縣知事方樹棠擒斬略盡臨武桂陽兩處股匪聞風逃散營長羅先

聞收復嘉禾趙錫齡復派隊搜緝直抵粵界道江永新藍各縣土匪由王承斌望雲亭等督隊剿辦梯桂潰逃餘匪復經寧遠知事張立德藍山知事張雲等截擊誅鋤甚衆綜計先後擒斬亂兵潰匪約及千人匪首曾紀光卽周同張子甫陳校經雷瀛雷龍海等均經擒獲正法所失槍枝亦經陸續收回現在東中西三路業已一律肅清匝月之間平亂迅速該將軍調度有方應免予議處所有在事出力人員著卽查明擇尤請獎用示鼓勵被戕營長吳萬春連長周建勛由陸軍部分別從優議卹仍督飭各該地方文武搜捕逸匪籌辦善後以清餘孽而奠民生此令中華民國三年九月一日國務卿徐世昌

▲大總統令(防緝亂黨)

自歐洲不幸播兵我國宣告中立維持地方秩序保守東亞和平凡在國民咸喻此意不圖海外亂黨竟有遣派黨羽潛赴內地乘機謀亂傾覆國家情事據振武上將軍龍濟光電陳在虎門拿獲偽總司令陶鑄倫及黃漢中劉漢民等并起獲偽委任狀銀票等件訊供孫文因歐戰方殷亟謀破壞中國黨徒先集澳門圖窺兩粵兼與外國浪人訂約借款助械等情不諱又據興武將軍朱瑞浙江巡按使屈映光電陳在省城拿獲偽營長王文揚李友儀偽連長謝熊飛等并起獲偽委任狀志願書炸藥等多件訊供孫文授夏之麒夏爾嶼都督總司令等偽職約期赴杭起事並託外人代攜炸彈等情不諱先後復據四川廣西上海等處呈報獲犯供詞多有孫文主謀構亂遺黨勾匪情節且有暗戕外人破裂邦交之狡謀陰險狠毒至堪痛恨除已將各該犯正法外溯自辛亥武昌事起各省響應孫文因聞改革將成急遽返國詭稱帶有兵艦及大宗餉械遂以千數私黨之推擁設障時政府於江甯舉措乖戾綱紀蕩然既無經國之能又乏治軍之力甚至謬解共和偽託平等實則敗壞法度殄滅倫理倒行逆施上尤下效使我二千年來聲明文物之邦幾一舉而陷於盜賊禽獸之域言念及此可爲浩歎孫文自知衆望不協顛覆卽在目前遂假避位以藏其拙本大總統爲救國救民計不得不力任鉅艱猶幸正式政府成立以來暴徒漸就斂跡人民稍資安輯從此徐謀治理當可日起有功乃歐事發

生全球震動我新造之邦家風雨漂搖方亟謀自保之不暇孫文等原爲中國人民即無國家思想其祖宗鄰里寧不繫懷竟欲乘此時機百計煽亂以競爭一己權利之故甘心亡國而不悔性成梟獍豈復尙有天良圖知鬼蜮陰謀理無倖逞惟念其遁逃海外久以詐騙爲慣技訛索他人錢財以恣其揮霍陷害同胞生命以供其犧牲而青年無識之人一時失足誤入迷途生爲人民公敵死爲國家罪人思之實堪痛惜各省將軍巡按使等亟宜剴切曉諭使知亂黨賣國實爲國賊勿爲邪說所搖致罹法網並飭所屬一體嚴密防緝勿使逆跡涸跡以靖內患而保公安此令中華民國三年十月三十一日國務卿徐世昌

▲大總統令(嚴查廣東亂黨)

據振武上將軍龍濟光先後電稱亂黨在省城外東堤施放炸彈傷斃路人三十餘名又省城鎮守使署牆外炸彈燃發傷斃男女小孩二十餘名口各等語該亂黨匪跡外國驅誘青年內渡作亂迭飭各省嚴密防緝旬月之內先後破獲機關多處無由施其逆謀乃竟任意逞兇施放炸彈慘斃無辜之平民無知之婦孺居心險毒無異蝮蛇該亂黨如果稍知人道主義及確有改革政治思想試問於地方何仇於人民何罪豈容有殘暴慘酷滅絕天理之行爲即謂該亂黨不知愛鄉不知愛國雖顛覆宗邦而不恤然試問苟無國家究於該亂黨有何利益况該亂黨自倡言暗殺以來因試驗炸藥及攜帶炸彈而自行斃命者不知凡幾作孽自貽萬無倖理惟此良民慘遭傷害思之殊堪痛憫著該管將軍巡按使查明妥爲撫卹仍分飭所屬一體嚴行查緝如有亂黨攜帶危險物品立按軍法從事並查究知情容留之人一併拏案嚴辦以肅國法而保治安此令中華民國三年十一月十七日國務卿徐世昌

▲大總統令(嚴防廣東亂黨)

據振武上將軍督理廣東軍務龍濟光電稱緝獲亂黨布子靜李昌漢等訊據布子靜供稱被孫文派爲敢死隊僑統領設立炸彈總機關製造炸藥迭在省城正南街雙槐洞長隄酒樓等處投擲炸彈傷斃男婦多名又

據李昌漢供稱被鄧鏗派爲炸彈隊長由港領銀潛赴內地招集黨羽分匿商店潛用酒罈裝置火油預備同時放火起事餘犯供亦相同業經按法懲辦等情亂黨潛赴該省擲放炸彈經該將軍督飭緝拿先後捕獲製造人犯多名搜出危險物品多件業已全數破獲茲據訊供係被孫文鄧鏗等派遣此等殘忍酷毒行爲既使無辜平民慘遭傷害而各犯迷途誤入亦復同罹刑誅言之曷勝痛憤仍著該將軍巡按使申戒軍警嚴密防緝勿使亂徒匿跡伺隙思逞致擾治安此令中華民國三年十二月十七日國務卿徐世昌

▲大總統令(防勦匪盜)

近來各省地方盜風未靖匪警時聞小之焚劫市鄉大之攻陷城邑每閱文電癡饋難安究厥原因固由軍隊布置未周防剿不力而地方官吏亦屬咎無可辭大抵匪徒竊發之初本無成羣大股該管知事果能嚴密偵查立時拏辦不難銷患無形乃或畏意無能或玩縱不治養癰貽患職爲亂階迨至匪餓日張重煩兵力即使救平迅速而地方慘遭蹂躪痛苦已不可名言夫設官本以保民知事爲親民之官對於地方誼若一家對於人民情同骨肉職司保障撫字未能坐令寇盜披猖生靈塗炭撫躬自問殃民者匪官實縱之民雖死於匪而實死於官上之何以對國家下之何以對黎庶且各官吏來自田間皆有室家倘受匪害情何以堪易地以思能無惻怛特剴切申誡各該知事既膺民牧當念閭閻疾苦莫甚於盜賊橫行稍具天良應如何引爲己疚痛若切膚萬勿姑息以養奸尤勿因循以釀亂匪務獲有犯必懲庶幾宵小無所容身良善得以安枕其在匪盜充斥處所惟在該民政長遴選明幹人員遵照前令酌撥警隊嚴立功過責令督率調遣併力治匪務以盜患民安爲盡職語曰得良吏一勝於強兵十萬三復斯言可爲玩味總之地方有警調遣軍隊係屬一時之計必地方官平時認真緝捕方可以遏亂源卽不幸亂事發生而戡定之餘非得賢有司清理善後勤求治本斷無以消餘孽而保久安理亂攸關責無旁貸尤望各民政長官破除情面慎選賢能各部督護軍使督飭各營認真防剿上下一德文武一心於以殄滅匪蹤奠安衆庶用副本大總統除暴綏良之意此令中華民國三年

一月二十七日國務總理熊希齡內務總長朱啓鈴陸軍總長周自齊

▲大總統令(公布地方保衛團條例)

第一章 總則

第一條 凡縣屬未設警察地方因人民之請求及縣知事認為需要時得報明本省長官設立保衛團

第二條 凡縣屬地方原設之鄉團保甲應由縣知事切實整理得按本條例呈明本省長官核准辦理

第三條 各省得就本條例所定大綱參合各該地方情形擬具施行細則呈報內務部備案

第二章 編制

第四條 各地方保衛事宜以縣知事為總監督遴委地方公正紳商協籌辦理

第五條 各縣辦理保衛事宜得參照各該地方習慣劃分區團

第六條 各團得按戶指定一人編入保衛團名冊但有左列之一者不在此限

一 未成年者

二 家無次丁者

三 老弱或殘廢者

四 因事故不能服務者

第四項情事發生時須經團總報明得總監督之允許

第七條 保衛團依本團戶數編列十戶為一牌置牌長一人十牌為一甲置甲長一人五甲為一保置保董

一人

第八條 每團置團總一人由總監督遴委其他應置之保董甲長牌長按各團戶數支配不設定額由團總

遴選呈由總監督委充之

第九條 各團辦公地點卽就各該地方舊有之寺觀公所設置

第十條 各團辦理文牘得由總監督刊發木質圖記但非關於保衛事務不得以私人名義鈐用

第三章 職務

第十一條 各團戶口由保董督同甲長牌長按戶清查列表交由團總繕具清冊其外來寄居及無業游民尤須特別注意隨時查察另行列表註冊報告正冊呈縣轉報省長副冊存團備查（表冊程式由總監督核定頒布之）

第十二條 各團戶口清查終了時遇有死亡遷移外出及生殖寄居等事須隨時查明列表修正之

第十三條 團內住戶有藏留盜賊或安頓賊吻時團總等得隨時確查指獲送由總監督懲辦

第十四條 各團有匪警時團總得臨時召集團丁圍捕除匪徒拒捕應有正當防禦外於捕獲後送由總監督訊辦不得違法私訊

第十五條 各團壯丁由保董督率教練（農時停止）其一團教練時期由團總定之各團合練時期由總監督定之

第十六條 各團戶原有槍械須報由總監督驗明烙印編號因事實發生必須添置時須由總監督呈明省長核准

第十七條 各團所在地有已設警察區者得協同警察助理之

第四章 獎罰

第十八條 各團辦理保衛事宜具有左列情事之一者得由總監督核給獎勵

一 檢獲著名或懸賞緝拿之巨匪訊明懲辦者

二 盜賊搶劫登時捕獲者

三團內無盜賊土匪蹤迹者

四協同他團捕獲盜匪省

五因捕拿盜匪被傷或斃命者

第十九條 具第一項至第四項情事得由總監督酌量情形給獎但認為成績優美者並得由總監督呈明省長核獎

第二十條 具第五項情事得由總監督呈明省長照警察卹賞章程辦理

第二十一條 總監督辦理保衛事宜經各該省長考察認為成效卓著者得臚舉事實呈請內務部核獎

第二十二條 各團辦理保衛事宜具有左列情事之一者得由總監督量予懲罰

一容匿盜匪者

二團內發生搶劫重案未能登時捕獲者

三探訪未確誤行逮捕或有意誣及良善者

四偷惰不能得力者

第二十三條 以上各項得由總監督酌量情節輕重量予懲罰或撤革之如情罪重大時得呈明省長嚴辦

第五章 經費

第二十四條 團總保董甲長牌長皆係名譽職員不支薪金

第二十五條 保衛團經費由各該處就地籌款呈請各該總監督核定並轉呈省長查核報部

第二十六條 保衛團經費由各團總將每月收支各款造具表冊報由各該總監督核明轉報各省長查核

第六章 附則

第二十七條 本條例自公布日施行

▲大總統令(地方官與軍隊合力防勦盜賊)

各縣知事身任地方遇有盜劫案件緝捕本其專責惟念改革以來盜匪充斥動輒結夥持械嘯聚成羣小之爲害鄉閭大之釀亂邦國實非專恃地方官警之力所能制止政府爲保衛民人計飭令各軍政長官酌派軍隊分路駐紮使之合力防緝藉弭匪患而遏亂萌各該軍隊既經奉調赴防卽有捕盜治匪之責然仍須地方官警事前認真防範事後切實清查使匪盜無可容身方爲正本清源之道尤必須與軍隊聯合一氣遇事方免貽誤毋得因文武共同負責轉萌玩泄之心著各將軍通飭分防軍隊地方遇有盜匪務須嚴拿懲治如該管辦事緝捕不力縱盜殃民准由各該將軍臚列事實分別彈劾呈候核辦其未駐將軍省分由該管護軍使行其職權藉資糾察此令中華民國三年七月二十日國務卿徐世昌

▲大總統令(懲治盜匪法)

第一條 本法於強盜及匪徒犯本法所定之罪者適用之

稱強盜者依暫行刑律所定稱匪徒者謂有第四條各款情形之人

第二條 強盜犯刑律第三百七十三條之罪者得處死刑

第三條 強盜犯左列各款之罪者處死刑

一 刑律第三百七十四條之罪

二 刑律第三百七十六條之罪

三 刑律第一百八十六條及第一百八十七條之罪

四 刑律第一百七十七條第二項之罪

五 刑律第三百七十三條之俱發罪或累犯

第四條 匪徒犯左列各款之罪者處死刑

一 意圖擾害公安而製造收藏或攜席爆裂物者

二 聚衆掠奪公署之兵器彈藥船艦錢糧及其他軍需品或公然佔據都市城寨及其他軍用之地者

三 擄人勒贖者

第五條 犯第二條至第四條之罪者由該管審判廳或兼理司法事務之縣知事審實後附具全案報由高等審判廳廳長或司法籌備處處長轉報巡按使核辦俟得覆准後執行其由兼理司法事務之縣知事審判者並應報告該管道尹備案

京兆地方由京師地方審判廳審判者附具全案由京師高等檢察廳檢察長轉報司法部核辦其由兼理司法事務之縣知事審判者附具全案分別報告京兆尹及京師高等檢察廳檢察長轉報司法部核辦俟得覆准後執行

熱河察哈爾綏遠等地方由兼理司法事務之縣知事審判者附具全案報由審判處處長轉報該管都統核辦俟得覆准後執行並報告該管道尹備案

高等審判廳廳長或司法籌備處處長或審判處處長對於所屬審判廳或兼理司法事務之縣知事審判之案認爲有疑誤者得於轉報時附具意見書

第六條 死刑得用槍斃

第七條 有高級軍官統率之軍隊於其駐在地查獲第二條至第四條之罪犯時以具備左列各款情形者爲限得由該高級軍官審判之

一 駐在地與審判廳或兼理司法事務之縣知事之所在地相距百里外而交通不便者

二 事機緊迫恐釀重大變亂或有劫囚及脫逃之虞者

第八條 前條之審判應附具全案報由直轄該軍隊之最高級長官核辦俟得覆准後執行

第九條 司法部巡按使都統對於審判廳或兼理司法事務之縣知事之報告認爲有疑誤時得飭令再審或派員會審或提交高等審判廳司法籌備處審判處覆審

直轄行審判之軍隊之最高級長官對於該軍隊之報告認爲有疑誤時得飭令再審或飭令移送該管審判廳或兼理司法事務之縣知事覆審

第十條 執行死刑人犯之姓名及年月日時並犯罪事實應由高等審判廳廳長或籌備處處長或審判處

處長於每月末日彙報司法部並報明巡按使或都統其由軍隊審判執行者應由直轄該軍隊最高級長官於每月末日報由陸軍部轉報司法部並報明該管巡按使或都統

第十一條 本法自公布日施行

本法施行期爲五年中華民國三年十一月二十七日公布

▲大總統令(懲治盜匪)

前據參政院議決懲治盜匪法業經公布施行旋即提出懲治盜匪法施行法復經參政院議決咨由本大總統公布在案前頒懲治盜匪法所以示立法之準現頒懲治盜匪法施行法所以濟立法之窮張弛異宜經權互用此因時立制之道也慨自改革以來盜匪充斥民不聊生將欲除暴安良非峻法不足以資懲艾故刑亂不嫌用重縱惡適以長奸設當事機緊迫之時亦復拘執成規迂迴程序將盜匪以轉轉而久稽顯戮官吏以推諉而罔顧考成大之賄誤地方小之爲害黎庶安危治亂關係非輕該管文武詎能辭咎然使誤會恣濫用職權枉殺無辜玩視人命斷者不可復續死者不可復生上下天和下遠人道怨氣所積釀爲亂階在法律本有治罪之條卽上官亦有失察之咎設被言路糾彈或由人民告發一經查實定卽重懲本大總統本鋤惡務盡之懷寓視民如傷之隱寬嚴不容稍假輕重務得其平茲該文武長官其各善體此意至此項施行法公布以後所有施行區域原以地方情形爲銜除京師及特別要塞地方關係重要應責成軍政執法長官依法

辦理外所有各省各地方應否按照懲治盜匪法施行法施行於該管區域之處應責成各該將軍巡按使都統京兆尹暨各該高級軍官體察現辦盜匪情形迅速切實呈報聽候命令遵行此令中華民國三年十二月六日國務卿徐世昌

▲大總統令(懲治盜匪施行法)

第一條 依懲治盜匪法第五條審實之案件該管審判廳或兼理司法事務之縣知事認爲案關重要或於該管區域內安寧秩序有危害之虞及有其他必要情形時得先行摘敘犯罪事實由電巡報巡按使或都統核准立即執行執行後仍附具全案分別報請備案

京兆地方兼理司法事務之縣知事審實之案件除適用前項規定外由電巡報京兆尹立轉司法部核准執行

第二條 依懲治盜匪法第七條查獲之罪犯該高級軍官認爲於該軍隊駐在地方之鎮壓匪亂公維持安有重大關係或有其他必要情形時得由該高級軍官逕行審判之

前項審判之案件該高級軍官得先行摘敘犯罪事實由電報請直轄該軍隊之最高級長官核准立即執行執行後仍附具全案報請備案其直轄軍隊之最高級長官自行審判者於審實後立即執行執行後仍依懲治盜匪法第十條之規定報由陸軍部轉報司法部并報明該管巡按使或都統

第三條 在京師及特別要塞地方犯懲治盜匪法第四條第一第二款之罪者由特派之軍政執法長官審判之

第四條 遇有成股盜匪猝發或盜匪持械拒捕除由防剿之軍警各隊臨陣格殺者外其當場擊獲盜匪各犯由防剿之軍警各隊首領長官立即審判執行得不適用第二條報請核准之程序仍於執行後分別報請備案

第五條 本法自公布日施行

本法施行前依懲治盜法審實之案件或查獲之罪犯均得適用本法所定之施行程序行之

本法施行之區域由 大總統酌量地方情形以命令定之三年十二月六日

▲陸軍部致黎副總統電（張振武按軍法懲辦）

武昌黎副總統領鄂都督鑒軍密奉 大總統令真電悉張振武起義有功固當曲予優容寬其小管乃復蠢惑軍士勾結土匪破壞共和倡謀不軌實屬擾亂大局爲國民之公敵躊躇再四未便加以寬典留此元惡贓害地方已飭步軍統領軍政執法處將張振武並同惡共濟之方維查拿即按軍法懲辦此外隨從諸人已籌酌給川賞俾歸鄉里以免株連副總統爲保全治安起見自有萬不得已之苦衷杜漸防微爲民除害足以昭示天下所請處分應無庸議等因相應奉達陸軍部（八月十八日）

▲武昌黎副總統呈大總統暨致國務院等電（懲辦張振武）

大總統國務院參議院各省都督轉各團體各報館均鑒竊民國初奠共和肇基我神聖軍人應如何保護治安顧全名譽矧武漢首義之區視綫所注豈可重事破壞爲全國致蹈敗亡乃有張振武等蠢惑軍士勾結土匪破壞共和昌謀不軌鄂中幾次風潮伊等均爲主動元洪念起義有功曲事保全會電 大總統薦充顧問並擬任東屯壘使優給薪金隆以禮遇所以酬答前勞無微不至詎伊等潛返鄂垣多方煽亂不時索糜數數十鉅萬竭萬民之脂膏供滬上之揮霍猶復密布黨羽分設機關藉京漢鐵軌之交通假改革政治爲煽惑每一往返則風鶴頻驚欲事羈○則虎狼成性神人共憤婦孺皆知此次電促赴京實望革心向善豈期顯露逆謀圖翻全局尙再爲隱忍糜爛何堪萬不獲已祇得電請 大總統將張振武並同惡共濟之方雜嚴飭拿按軍法懲辦以維大局而保治安元洪夙昧知人之明復渺維持之法應得處分實無可寬其盲從諸人概免株連惟溯自起義以來相從軍旅情誼難忘並將其家屬從優給恤以示法外施恩之至意揮淚慙陳俾咸

附知元洪銑印(八月十九日)

▲武昌黎副總統致大總統暨國務院等電(宣布張振武罪狀)

袁大總統國務院參議院國維報亞細亞報並轉各政黨各團體各報館各省都督議會上海民聲報並轉各報館公鑒銑電諒達連日函電紛馳詰難羣起前電倉卒尚未詳盡報告政府書復未實到誠恐違道不察真象用敢重述梗概爲諸公報顏陳之張振武初充軍務司副長漢陽失敗託詞購槍留函運去當命參議丁復迨至上海配定式樣只限購銀二十萬乃橫撥賈銅元銀四十萬僅購廢槍四千枝子彈四百萬機關槍三十六枝子彈二百萬槍械腐蝕機件殘缺有物可查設有戰事貽害何堪設想且除買械二十六萬餘外另濫用浮報三十二萬無貲二萬尙借譚君人鳳五萬陳督復來電索款均係不明用途有贓可據罪一 南北統一戰事告終振武由滬返鄂私立將校團遣方維往各營勾串募集六百餘人每名廿元勸軍屢次改編該團始終不受編制兵站總監兵六大隊已預備退伍伊復私收爲護衛隊擁兵自衛罪二 二月二十七串煽亂軍務部全行推倒伊復獨遣方維要挾留任復謀殺新舉正長曾廣大經元洪訪查得實始將三司長悉改顧問罪三 冒充軍統私殺橫行護衛隊常在百人以外沿途放槍居民惶恐每至都督府槍響實彈罪四 護衛隊屢遣解散抗不遵令復擅搶兵站槍枝糧米藐無法紀罪五 強佔鐵路立中小火輪勾串軍隊晝夜來往罪六 暗煽義勇團長梅占鰲增加營數誘令石龍川往聯領事團許事成任爲外交司長該員等不爲所動謀遂無成罪七 革命後廣納良女爲姬妾內嬖如夫人者將及十八葉某及魯某皆女學生復夥串某報爲鼓吹顛倒黑白破壞共和罪八 民國公校開校當衆演說革命非數次不成流血非萬人不止搖動國本贖人聽聞罪九 親率佩槍軍隊逼迫教育司勒索學款挾之以兵罪十 令逆黨方維勾串已革管帶李忠義及軍界祝制六滕亞綱姜國光謝玉山劉起沛朱振鵬江有貴黃翊生暨漢口土匪頭目王金標分設機關密謀起事並另舉總統八人伊爲原動大衆皆知雖名冊已焚祝據正法劉朱尙奇監可質罪十一 濺灑破

鑿移根孫武復密遣四十人分送暗殺罪十二 前次所購機關槍彈除湖北實收外近證藍都督報告接濟之賬向匿交機關槍二枝子彈三萬顆私藏利械圖謀不軌罪十三 此次電促赴京實望革心向善乃疊據偵探報告伊以委命未下復歸鄂密遣黨羽預歸布置復查悉函阻將校團不得退伍武漢一隅關係全局三摘已稀盡蕪四摘罪十四 此次索款鉅萬密濟黨援賸削公家擾害商庶種種不法不勝枚舉元洪薦充大總統高等軍事顧問並有蒙古調查員之命無非追錄前功冀挽將來猶復要索鉅款議設專局又在漢上私立屯墾事務所月索千餘元凡此諸端或稽案具在或實地可查揭其始末罪狀實屬無可再原諸公老成謀國保衛治安素爲元洪所趨嚮倘便元洪留此元懲貽害地方致礙全局諸公縱不見責如蒼生何顧或有謂殺非其地殺非其時殺非其道者責以法理夫復何辭然此中委屈尙有萬不獲已之衷爲諸公告者武昌當革命之餘丁裁兵之會地勢衝繁軍心浮動振武暗握重兵潛伏租界一經逮捕即召干戈旣痛生靈更難交涉操切債事誰尸其咎况北京爲民國首都萬流仰鏡初非鄰省更異敵邦明正典刑昭示天下揆諸名義似尙無妨此不獲已者一振武席軍務長之餘欲憑將校團之淫威取精用宏根深蒂固投鼠忌器人莫敢嚮捲土重來擁兵如敵狼子野心更無紀極前此以往殺既不敢後此以往殺更不能千里毫釐稍縱卽逝失此不圖噬臍何及况謀叛民國之犯果有確據隨時皆可掩捕此不獲已者二振武分遣黨羽密布機關屬奸謀敗露應命赴京更懷疑懼居則佩刀盈室出則荷槍載途京鄂之使不絕於道心機叵測消息靈通一電遙兼全國立發聯電請求舉兵要挾雖有國典亦無所施况振武現參軍政遙領兵權繩以軍法洵爲允當且北兼軍事裁判尙無完法南中軍法會議已非一次詢謀僉同始敢出此此不獲已者三元洪數月以來躊躇再四愛功憂亂五內交縈柔腸九迴憂心百結寧我負振武無振武負湖北寧取負振武罪無取負天下罪到臂兼身決踏衛命冒刑除患實所心甘夫漢高明武皆以自圖帝業遭際庸兒越踐吳差皆以誤信讒言戕殘善類廢弓烹狗有識同悲至若懷光就戮史不論其寡恩君集被擒書不原其戰績糾共和之國同屬編氓但當

錢全國奠金甌不當爲個人保鐵券乎第以念其前勞既未忍悉行宣暴安此反側復未敢稍事牽連遂致眞
鈺兩電詞多含蓄迹似虛誣又何怪諸公義憤之填膺而責言之交耳也伏念元洪素之寸功忝竊高位愛民
心切取將才疏武漢蠢動全楚騷然商民流離市廛凋瘵損失財產動逾鉅萬養癰貽患責在藐躬亡羊補牢
鑿將何及洪罪一也洪與張振武相從患難共守孤城推食解衣情同骨肉乃恩深法弛停道塞盟瘡口悶聞
削心難諒首義之士忍爲罪魁同室鬻弓幾釀鉅禍洪實涼德振武何尤追念前功能母愴涕洪罪二也國基
甫定法權未張凡屬國民應同維護乃險象環生禍機密切因加指失肩之懼爲枉尋直尺之謀快一隅黎庶
之心解天下勳庸之體反經行政貽人口實鼠思泣血不敢告哀洪罪三也有此三罪十死難辭縱諸公揆諸
事實鑒此苦衷曲予優容不加譴責猶當踴天踏地愧悔難容况區區寸心不爲諸公所見容乎溯自起義以
來戎馬倉皇軍書旁午忘餐廢寢忽忽半載南北爭議親歷危機蒙蔽凶頑頻驚噩耗重以驕兵四起伏莽潛
滋內謹防閑外圖排解戒嚴之令至再至三朽索奔駒幸逾絕險積勞成疾略血盈升俯仰世間了無生趣秋
荼尙甘凍雀猶樂願瞻前路如陷深淵自時厥後定當退避賢路佇待嚴譴倘有矜其微勞保此遲暮窮山絕
海尙可棲遲漢水不波方城無恙雖死之日猶生之年世有鬼神或容依庇百世之下庶知此心至張振武罪
名雖得勞動未彰除優加撫卹瞻其母使終年養其子使成立外特派專員迎柩歸籍乞飭沿途妥爲保護俟
靈柩到鄂元洪當親往奠祭開會追悼以安哀魂並擬將該員事略首藁成書請 大總統宣示天下俾昭然
於功罪之不掩賞罰之有公斗室之內稍免疚心泉臺之中或當瞑目臨風悲絕不暇擇言瞻望公門尙垂明
慈元洪叩個印(八月二十六日)

▲豫南總司令官李純呈大總統縷陳混成第四團剿辦鄭寶各匪業已肅清文
並批

大總統鈞座敬稟者竊於本年三月二十三日接奉電令據齊都督電稱汝屬學紳煽動土匪焚殺淫掠至爲

慘酷非以勦爲撫必釀第二次革命似應飭該混成四標專勦汝屬土匪等語俟該標到許望卽督飭往勦復於二十三日接奉電令據齊都督養電稱汝洲各屬無寨不匪陸軍馬步兩營防軍兩營攻勦程村匪聯數千竟爲所敗陣亡隊官一員兵十餘名請飭第四混成標于標統速率馬步礮隊赴汝痛勦以拯民命等語望卽飭第四混成標于統帶率隊迅往極力痛勦或另遣他隊往勦至要等因奉此嗣混成第四團由穎到許當飭整備三次於四月二十二日由許出發歷勦鄭寶各縣土匪業將勦辦大概情形隨時電稟在案伏查汝屬僻在豫省邊陲半多山境風氣閉塞民情强悍好勇鬪狠以家有刀客爲榮相習成風游惰之民羣從事於劫奪各州縣荒僻之區久爲盜賊淵藪平時賴官吏嚴捕防營協緝尙不敢公然爲患及至共和初成人心浮動匪黨乘機竊發時值戰事之後各處潰兵逃勇攙入其間遂至十百成羣揭竿起事且有地方劣紳爲之主謀編制隊伍設立官長佈置頗有條理所用半皆快槍迴非尋常土匪可比故得肆行無忌焚殺淫掠附近地方無不被其蹂躪村寨相率逃徙城垣時常被困而所在防營兵丁大半土著多與匪黨熟識兼以器械不利技術勿精與匪相遇要皆敷衍從事致匪勢日益猖獗幾成燎原汴督請派客軍轉勦蓋亦有見及此總司令比因匪勢蔓延非一支隊所能兼顧當與汴督往復電商派混成第四團任勦鄭寶兩縣之匪混成二十九旅分隊任勦魯山之匪混成十二新分隊於伊陽迎擊以防北竄南湯馬鎮分隊於南召堵截俾免西逃四面兜勦以朔一鼓蕩平庶伊屬匪亂早日肅清此當日勦辦之計畫也查混成二十九旅勦辦汝魯土匪情形業由汴督另案具報茲將混成第四團勦辦陝寶各匪情形縷晰陳之綜查該兩縣花名巨匪大別五枝鄭縣則有白狼李鳳朝等聚集千餘人盤踞高皇廟劉朝棟郭榮等聚集數百人盤踞大石橋朝建福王王大度等聚集千餘人盤踞任寨寶豐則有杜西賓聚集千餘人盤踞四山坡秦椒紅聚集千餘人盤踞梁窪漫流寨他若大營西大嶺大店頭觀音堂等處或爲匪黨久佔之區或爲匪黨集會之所各不下數百餘人該團以客軍任勦地勢匪俗均非熟悉諸多困難先後勦平鄭寶各匪中間復因汝州兵匪勾結經地方迭次告急分隊赴救勦平概子

山小屯街寨楊寨落寨周莊陳莊時屯街東大嶺等處土匪以渴亂萌數月之中往返奔命朝夕不遑各處土匪特有濠寨且慣習戰鬪悉出死力抵抗以固窩巢該團團長于有富每勦一處莫不悉心籌畫而於臨陣之時尤能奮勇直前身先士卒如攻高皇廟則躬冒槍彈首先登陣攻任寨則親涉深濠越水奪寨其餘各處或明攻暗襲或分進合圍或深宵而攻入穴巢或拂曉而襲取村突隨機內應悉能措置咸宜至勸諭頑類切之文投誠發給自新之券俘虜之衆仍分別首從不事株連隨營之礮僅藉壯聲威不輕施放其保全良善矜宥愚蒙亦皆辦理得法所全甚多此次該團勦匪該團長既謀勇悉具勦撫兼施而在事官兵亦屬奮勇異常雖炎夏奔馳鑿風宿露均能勞苦不辭始終無懈仰仗德威業於八月二十六日將鄭寶兩縣大股土匪一律肅清該兩縣人民均已各安生業是役也該團目兵陣亡四名受傷四十七名輜重毫無遺失計先後斃匪一千二百餘名奪獲槍礮子彈器械多件其善後事宜業飭隨時會同地方官妥爲辦理現將該團營隊分地駐紮俾資休養兼以鎮懾餘孽惟該官兵等馳驅數月艱苦備嘗冒暑從征迭平巨匪其勞績不無足取應如何獎勵尚祈出自鈞裁除將迭次傷亡目兵奪獲槍礮子彈器械斃匪暨虜獲各數目分別列表咨部備案外所有鄭寶兩縣大股土匪現已一律肅清情形理合稟請鑒核再查汝屬民情此次雖剿平匪亂但不過急治其標仍恐難免後患似宜急求治本之法以膺民智而清亂源庶期長保治安合併聲明肅稟恭叩福綏伏惟垂鑒總司令官純謹稟

批據呈已悉現在汝屬鄭寶兩縣大股土匪業已肅清辦理尙屬妥速仍由該司令隨時督飭駐紮該地軍隊搜捕餘孽勿令滋蔓至所請獎勵官兵等應俟汝屬全境肅清再行呈核給獎此批中華民國元年十月二十三日大總統蓋印趙秉鈞段祺瑞署名

▲貴州都督唐繼堯呈大總統報明勦辦威水土目安桂林等詳細情形文並批
 業查威水土目安桂林即安竹齋暨其伯安鶴翔其姑安三妹等積惡昭著形同流寇業將格斃安桂林各情

於八月麻電縷陳並請通緝安三妹等在案查該土目地方六七百里佃戶二千餘家田畝係均歸吞房屋悉由蠶食該目既經伏法家產例應充公繼堯出示曉諭並選正紳前往開導該土目佃戶人等各安生業勿爲煽惑雖該土目地土概行歸公而仍由原佃承領耕種所有該土目從前一切苛派盡行豁免至安三妹等倘能改過自新竭誠歸順自當貸其一死繼堯除暴安良源抱定鐵廠巨魁脅從罔治主義記安三妹怙惡不悛剽集外匪潛回報復當飭大定威水文武相機辦理旋據報稱女寇安三妹率帶匪黨執持利器拒斃兵團勢將陷城居民驚惶紛紛遷避復經選派安義總兵劉顯潛督飭軍隊馳往勦辦該女寇等猶敢扼要抗拒死不投誠各弁兵奮力抵敵屢戰兩旬始將匪巢攻破格斃匪黨二十餘人生擒女寇安三妹押解晉省發局審訊直供不諱實屬惡貫滿盈罪不容誅立飭處以死刑以伸國法而快人心一面飭令劉總兵解散脅從勸慰歸農並飭大定威水各地方官迅將善後事宜妥爲籌辦是役也幸託福威蕩平羣醜地方生民均獲安堵理合具文呈報 大總統俯賜查核此呈

批據呈已悉此次擒獲首要解散脅從辦理尙爲妥速所有善後事宜仍應認真籌辦以靖地方此批中華民國元年十一月二十四日國務總理趙秉鈞陸軍總長段祺瑞

▲會辦河南軍務統領雷震春呈報備補軍剿匪辦法及汝州大致肅清各情形 文並批

爲呈請事竊以河南土匪滋擾時已經年汝洛一帶尤爲猖獗地方蹂躪之狀人民痛哭之聲早已上達鈞聽重煩軫念震春忝預軍務撫心滋愧因與河南都督會商調集各路軍隊扼要防堵約期會勦前經呈報在案卽於十月十六號派備補軍第五營管帶劉啓域爲支隊長督同五七八營馳赴汝州會同各軍協力勦辦惟念汝州西接河洛南連宛鄂畿山峻嶺久爲匪窟自各省兵變叛勇潰卒麇集於茲迨派兵往勦則又藏匿深進貧困不出兵至則散兵退則聚幾成流寇而該處人民瀕於匪勢又不得不與交通聲氣相爲容隱積而久

之遂有無人不匪之勢其實多迫於事之無可如何非盡甘心從逆若不分別情節恩威並用則良民心懷疑懼不敢助兵以攻匪客軍初到路徑生疏或恐因而失利縱令得利而大兵所至玉石俱焚亦殊失除暴安良之意故當軍隊開拔之時即傳集各該將弁面授方略大要以廣購眼線殲魁解從分別良莠勦撫兼施爲惟一之宗旨當飭遵辦去後旋據該支隊長及各管帶稟稱此次勦辦汝匪除陸毅巡防各軍分駐嵩洛伊魯等處外我軍即以汝州爲駐紮地點與各軍互相犄角遙爲聲援查汝州土匪向以汝河南岸爲其根據當我軍前哨初到時賊竟沿山徧張燈火勢如連營大有藐視官軍旁若無人之概及觀各營陸續開到軍容整肅士馬跑騰伺隙不得求通無門始各相顧失色旋即拋槍棄馬匪迹銷聲而我軍已查地勢扼要設守七營駐紮時屯寨直逼檝子山及三山寨賊壘八營駐紮李家寨任勦周寨楊寨等處積匪五營駐紮小屯寨任勦瓦屋頭十字路等處積匪以爲七八兩營後援一面邀集紳耆廣爲勸導俾其各捐意見共保身家匪人無地可容遂改扮鄉民意圖逃竄我軍節節進勦嚴行搜捕旬日以來救獲被擄婦女三十餘名抄獲槍械七十餘桿驟馬六十餘匹捕獲匪犯一百七十餘名情節較輕者即令公正紳耆具結保釋重者即時會同地方官訊取確供就地正法人民不畏株連之苦無不樂爲鄉導故著名匪首秦椒紅刻下業經就擒我軍抵汝之始市廛多爲邱墟村落半付灰燼骸骨遍野餓殍載道令人目不忍觀耳不忍聞現在亡者已歸散者已聚人民城郭漸復舊觀且各處紛紛來營報告匪情細送匪徒風氣較昔大爲轉移查看情形大致已屬肅清各等因先後前來查此次會勦郭鎮殿邦以巡防右路由洛陽龍門寨子街一帶轉戰而南趙統領調以毅軍由嵩縣轉戰而東周旅長符麟以陸軍十二旅迎擊於伊陽王團長毓秀以陸軍五十八團夾攻於魯山匪人左衝右突東奔西馳莫不以汝境爲樞紐備補軍以三營之衆深入重地布置稍有不當勦捕即難爲功該支隊長等恪遵約束抱認宗旨不敢以屠戮爲事不敢以浪戰邀功抵汝以後即以殲魁解從爲入手辦法沿汝河南岸節節進攻分段勦捕一面不惜重資廣購眼線一面聯絡紳耆俾充鄉導緣山越嶺攀藤附葛自秋徂冬銜寒冒雪

雖至手足凍裂衣履盡穿而銳氣曾不稍減新募之兵能如此踴躍用命奮勉圖功實非意料所及現在大致情形已屬肅清刻正趕辦清鄉以期拔本塞源則經年來牢不可破之勢自此永絕根株除各軍勦辦情形應由河南都督彙案呈報外所有備補軍勦匪辦法及汝州大致肅清各緣由理合據實呈報應如何酌加獎敘以資鼓勵之處伏乞 大總統鈞裁須至呈者

批據呈已悉應候一律肅清後再行核辦此批中華民國元年十二月十五日國務總理 梁鈞陸軍總長段祺瑞

▲河南河北鎮總兵郭殿邦呈報會剿土匪督催洛南各屬守望社暨毀抄匪巢匪糧等情形文並批

爲呈明事竊維治民之道固貴教養兼施而治匪之方尤宜勦撫並用查洛南嵩宜永伊各屬重山疊嶺綿亘數百里匪盜充斥甲於全豫去歲軍興以來而矯矯著名之匪半假革命爲名嘯聚成羣縱橫鄉里其始不過搶掠騾馬逼勒銀錢以爲藉此庶可以濟軍需輾轉效尤遂令無識鄉愚奸猾惡少相率以搶劫爲榮甚至燒殺淫掠習爲故常迨其後聲勢薰天投軍入伍不數月間竟至竊膺顯位誇耀民間而嘯強不肖之徒轉生豔羨之心思欲步武愈無忌憚反謂近今時代非此不足以博取高官驟躋顯貴不知若輩之蹂躪鄉民慘無人理種種罪惡道路塞心前數月間洛南各屬路絕人稀盜賊橫行而小民幾幾乎斷絕生機者職此故耳職鎮前於六月間由通出防到洛查看洛南土匪熾猖日盛一日而揆其情由固盡爲飢寒所迫當將此等情形咨呈豫督嗣於十月十九號職鎮奉豫督之命會剿洛南土匪職鎮循伊河西岸親督毅防各營哨馳抵洛屬周村節節進剿二十二號移札嵩屬大莘店分隊扼堵要隘並探悉古城馬迴等寨匪最多害民尤甚方擬痛加剿洗掃蕩巢穴無使滋蔓不意該匪狡黠異常先期聞風逃竄雖經職鎮率隊四出躡緝曾於樓子溝前嶺黃龍廟等處突遇小股匪數十名擒斬殆盡而餘匪由此遠颺附近各村鎮搜查無踪計自出防五旬餘

先後懸賞購綫勒緝大小悍匪朱金標閻錫賓王漢祿張玉安張藩等五十六名夥匪劉德姓王世臣胡修等二百五十三名共計三百餘名均經訊明朱金標前在陳家寨與陸軍周協統打仗帶領一千餘人閻錫賓張藩均曾帶領三四百人遞次抗拒官兵擄人勒贖張玉安前在咸山與毅軍對壘帶領一百七十八人此次毅軍程幫帶陣亡的係爲該匪當場槍斃王漢祿在嵩縣北境私立大小寨局六十餘處抽收民間每畝制錢四十文按月繳送稍有抗違即行斃命此數人者尤爲元惡大愆形同叛逆燒殺搶掠無惡不爲其餘或係架桿或係勒訊屢次隨同搶劫等情不諱實屬罪不容誅死有餘辜業已先後咨報豫督即在防次按法懲辦并據各營及守望社首陸續送呈搜獲各式快槍五十餘桿來復槍手槍土槍一百一十餘桿驃馬四十餘匹除將所獲各式快槍擇其適用者發給各營留備緝捕之用其餘來復槍土槍手槍一百一十餘桿半多廢壞尙須修理前已咨請豫督飭令各州縣速辦守望社以清盜源而弭隱患當奉復准以守望清鄉條規業已編訂印就即行檄飭遵辦等因奉此并將所獲來復密槍分發各守望社以備擇禦均已請示核准在案惟查洛南各屬知名之匪不下數千人大小桿首亦不下百有數十名必請全數殲除不使一匪滯網藉恐剿之不可勝剿職鎮此次奉令剿匪沿途所到各村鎮即傳集紳耆父老詳細諮詢並探訪各情形細加考察雖各處伏莽甚多肆行擾害小民日在水火之中而無識愚民亦有被脅被誘爲勢所逼不得不附從以求苟免者如必盡行剿辦尤恐波及無辜株連善類未免有負 大總統軫念民瘼除秀安良之至意職鎮參諸輿論探厥民情務以剿撫兼施保衛地方治安爲宗旨凡到各村鎮無不諄諄勸諭俾令速立守望社互相保護以絕匪徒容身之所而冀民生旦夕之安目下洛宜嵩永以及汝伊各境人情憤激無一不爭先籌辦聯絡聲援誓掃匪氛以消巨患現在調查各處守望社均已成立該社首等以提倡有人尙能督飭社丁陸續四出鄰境搜獲餘黨送防懲治從茲實力奉行將不難淨絕根株廓清地面經此次大加懲創宵小潛蹤聞實解倒懸之苦近數日間職鎮親詣附近之各村鎮查看情形農民安業商旅載途即東西鹽路亦暢行無滯非復昔日市井蕭條路

絕人稀小民只閉戶自守之景象矣第查伊河以西之周村古城馬迴大辛店等處久爲渠魁淵藪洵屬一方巨害若以該匪等蹂躪情形而論似應將該數處痛加剿辦掃除巢穴方足以洩民冤憤惟詢之該處紳耆父老僉云該數村雖被匪盤踞已久究竟良善者多而其爲匪者不過十之二三自應分別重懲酌派委員會同公正紳董確查該數處匪房若干按戶扒毀并諭令只毀該匪一人之房其父子兄弟毫無株連至洛衛各屬本年秋收歉薄各鄉民被匪滋擾富者遷徙他鄉貧者無資餬口現時各村鎮十室九空其艱難窘迫實已不堪言狀而該匪等勒取各鄉民麥米雜糧倉廩俱實亦應確查按戶抄發以濟貧乏而充賞費計抄該匪等雜糧一百六十餘石酌量散放各村鎮被害貧民計有二千五百數十口共抄小麥一百一十八石三斗每斗半稱重二十四斤賞發穀防各營隊藉濟軍食以示鼓勵當此匪氛少靖民命稍蘇地方漸臻靜謐職鎮悉有地方之責實不能不統籌兼顧目下懷衛各郡屬正以冬防吃緊紛紛稟懇前來請兵彈壓自應暫行旋洛以顧全局但匪徒甫經斂迹而辛店又適爲嵩洛要衝尤宜酌留兵隊保衛地方職鎮於十二月六號由大辛店防次暫回洛陽統籌冬防料理一是仍留毅軍買營及右路巡防第三營步隊各一營駐防大辛店扼守要隘實力搜捕蕩蕩餘氛兼料理善後事宜並飭巡防第一營移紮伊河東岸之彭婆以資聯絡除將辦各情形隨時咨報豫督以備查核并會同河南府及所屬各州縣籌辦善後事宜外所有職鎮此次奉飭會剿土匪督催洛南各守望社一律成立以及毀除罪巢抄沒匪糧賑民糧軍以示體恤并出防各緣由爲此詳繕呈明 大總統請頒俯賜鑒核施行須至呈者

批據呈已悉所稱辦理情形具臻周妥深堪嘉許仍應隨時認真防緝以靖地方此批中華民國元年十二月二十日國務總理趙秉鈞陸軍總長段祺瑞

▲國務院致武昌黎副總統各省都督民政長電（查拳濬謀內亂以保商民）

奉 大總統令據上海總商會陽電稱前年武昌起義海內響應人民苦於專制急求改革不惜犧牲生命財

產克成共和元氣凋殘劇民以盾忍痛負創希圖幸福過渡之歷劫無用怨懟乃光復以來降經一載損失縱不可數計而秩序漸安人心漸定當此春夏之交正商業進行之際滿望國會成立選舉正式總統爲我商民造福詎意風波迭起謠譏頻興譏說訛言如沸如羹致人心靜而復動國家安而復危金融尚未流通貿易陡然阻滯各埠成交之貨物紛紛函電止退影響及於中外危殆情形難以言狀或者謂法蘭西過去時代恐慌倍蓰於今日商人所見者淺未能遠謀然師人者當以覆轍爲殷鑒毋寧舍短而用長近日紛紛爭議宋案也借款也選舉總統也竊謂宋案審判於法庭借款選舉取決於議院自有法律爲範圍豈尙血氣爲勝負商人在商言商不知附和若有破壞而無建設亂靡有定胡所底止迭據各業團體交相詬責殊難賦務祈大總統國務院參衆兩議院各省都督民政長以保衛商民維持秩序爲宗旨無使我商民喘息餘生再罹慘禍坐致大局淪胥貽革命豐功之玷不勝惶急待命之至等語又據上海皮毛雜貨商業公會商業聯合會皮商公會關東山東絲業公會絲繭公會蜀商公益會絲綢公所煙葉商會絲吐全業蛋廠全業南北報關公所書業公所轉運公所生計職業維持會旅滬全浙工藝團洋貨九業公會旅滬客幫商務聯合會等電稱自光復後商界元氣未復亟望大局安靖藉舒商艱近因宋案借款兩問題發生上海少數之人權利私見託名全國公民開會鼓吹措詞激烈有意破壞大局於是人心搖動謠譏蠱起全國商業大爲牽動惟上海商界人民各團體實未敢隨聲附和自取危亡特此聲明並乞嚴飭各省禁止訛言始末維持大局幸甚民國幸甚等情披覽之餘殊增感慨日前歲發難海內鼎沸商輟於途貨棄於野金融停滯產相望一年以來專事撫卹瘡痍漸復元氣未蘇現值夏初商業進行方冀收拾殘燼恢復故業豈料復有不逞之徒再行破壞市面一搖國基立墜印度前車可爲殷鑒本大總統受國民付託之重豈能坐聽暴徒苦我商民應由各省都督民政長轉令各地方長官遇有開會聚衆散布浮言潛謀內亂者立予查拿懲辦以保衛民而安市面等因相應電達遵照國務院佳印二年五月

▲交通部訓令各路郵電局毋爲亂黨利用文

近因李烈鈞竊據湖口圖謀作亂並勾煽沿江各省不肖軍隊遙爲響應藉作聲援中央已分路出兵剿撫兼施不難尅日救平蓋以前年之變含有種族革命與政治革命之意味出於人民心理之所同故不特上中社會均所贊成卽世界各國亦多協助今則國是大定人人方將急謀樂業乃該叛黨等以擁護一己地位之故不顧生民塗炭大局傾危甘心破壞此實我同胞之公敵目下政府已決定宗旨聲罪致討以拯倒懸外交團以其擾亂和平敗壞商務亦復同深憤激彼等藉政治革命爲題目誑誘愚民爲之効死殊不知此種舉動實爲民國法律之所不容共和國體萬不容有此項暴民專制發生以亂我苦心締造之民國所有暫部直轄各路局各電局郵局爲全國交通所係最關緊要在事員司人等均係爲國服務務當深明順逆利害恪遵中央命令竭力維持卽或地處要衝事出危急應設法保全公產或停止機關毋爲亂黨所利用乃風聞各省電局關於叛黨煽亂電文仍有不肖員生代爲收轉並將中央發出各電故意祕匿似此悖謬或未知此次亂黨舉動與前次革命性質迥乎不同者果有附和情形該管員司不僅予以行政上之處分並應受刑事上之懲罰查律文內亂罪附和隨行者處二等至四等有期徒刑若在軍事區域之中該管軍隊並得以軍法從事仰各該路總辦各該管理局監督各郵政局總辦嚴密防範如所屬員司有不避艱險馳從公卓著勳勞或行爲不正違抗命令者各卽迅行呈明本部分別認真賞罰不得徇隱其在軍事區域者並准就近呈明各官軍長官辦理至大小各該局所職務均屬緊要員司等倘有擅離職守者應卽立予罰辦並存記永不任用仰各凜遵此令中華民國二年七月十八日交通總長朱啓鈴

▲國務院致黎副總統等電(中央對於贛亂之辦法)

武昌黎副總統各省都督民政長各將軍都統各護軍鎮守使各軍長師長各省議會據江西贛民政長電陳各情閱之殊爲駭詫查湖口要塞司令官陳廷訓於七月二日電稱九江爲長江要衝匪黨往來如織近聞挾

持鉅金運動六台剋期起事台官中已有爲其所動者繼電副總統就近遣派軍隊及兵輪來潯鎮攝等語副總統以兼督責任就近飭第六師師長李純派兵赴潯 大總統並頒給訓條令其於沿江岸及近礮台地點擇要屯駐以防匪徒攻奪六台擾亂潯埠治安此爲軍隊保護地方之天職凡地方有警當然由中央設法護持李軍於六日抵潯副總統復勉徇江西護軍使歐陽武之請調李回鄂蓋以爲陳廷訓前電未必遽見諸事實乃李純正料理旋師忽於十日據陳廷訓電稱湖口台官報告李烈鈞帶同外人四名於八日晚乘小輪到湖口會同九十兩團調去輜重工程兩營勒令各台交出歸其佔據並以十營扼駐湖口分兵進逼金雞礮台其駐德安之混成隊業向沙鎮北進請添兵來潯以救危急等語此時李純之軍勢難遽退爲匪所乘副總統有電飭其暫留鎮攝劉世均並電請速飭李軍前進無事兼顧潯陽以分兵力中央猶持慎重以爲李烈鈞既卸贛督何至潛據湖口迭經電詰歐陽武及接復電稱李烈鈞到湖口確係實事九十兩團雖爲所用非武之命不能調動者似較兩團爲強現調集南昌附近軍隊竭力維持忝荷知遇以死圖報等語始知李烈鈞實圖回贛作亂猶冀歐陽武不與同情或可牽制乃於十二日湖口竟宣告獨立遣其亂黨林虎首先率兵進攻李軍連日鏖戰不退李軍兵祇兩團告急之電絡繹不絕不得不遣兵赴援幸李軍竭力維持林虎力盡潰退始保無事此李軍此次赴潯之大致情形也查李軍以六日甫行至潯甫經信宿李烈鈞即以八日由滬馳據湖口十二日即宣布獨立猛攻李軍謂非早蓄陰謀誰其信之且歐陽武文日通電猶謂開調兩團往攻湖口乃賀國昌則謂李烈鈞係由咨請回贛忽距迎又誰其信之中央前於十三日電致歐陽武有云李烈鈞尙有才略屢召不來乃受人慫恿回湖作亂縱使成功將來何以酬謝殊堪痛哭進取九江軍隊以足鎮防亂黨爲限但使地方果能平靜該護軍使力足鎮攝決不作勞師擾民之舉等語似此政府曲意俯從但以息事寧人爲宗旨並無大舉入贛之心已可概見乃任意誣譏謂將蹂躪全贛又誰其信之政府愛護贛民可質天日但決無聽任匪徒擾攘荼毒生靈反以爲能愛贛民之理即現在戰報日至驟幸匪勢就衰然南望傷心未嘗不

愀然垂涕現聞南昌亂黨已有獨立之說軍隊此時萬難遽撤至於李烈鈞率其徒黨背叛民國如肯束手來歸自赴法庭請罪即當酌予赦免或軍隊幡然悔禍服從中央命令取消獨立當令其各復故職如此則地方救平即中央軍隊不難立時撤退總之必須地方自銷其亂萌政府始有解決之方法如怙惡不悛或致擾亂全國秩序亡國瓜分之禍誰其尸之剖臆陳詞冀我父老子弟及凡有救國之責者敬聽勿忽民國幸甚國務院洽印

△黎副總統致國務院等電(報告李烈鈞歐陽武謀亂贛省情形)

國務院十部參議院衆議院亞細亞報轉各報館都督民政長省議會併轉各宣撫使經略使護軍使各鎮守使師長旅長各報館民強報轉各報館公鑒竊純於本月六號先後奉到電令以九江不靖飭派兵隊迅往鎮攝以期消患無形遇事與歐陽護軍使陳要塞司令接洽辦理等因遵於是日派隊陸續抵潯分駐官牌夾江岸及附近十里鋪沙河鎮一帶當經佈告軍民以親睦友軍保衛地方彈壓匪黨三事爲惟一之任務並分別通報贛省各機關自治團體各在案維時即查得李烈鈞帶日人多名住湖口鎮署調集九十兩團游擊工程各營佔領湖口砲台宣布獨立代理九江鎮守使俞毅及旅長方聲濤團長周璧階等同時潛往湖口而駐德安之旅長林虎亦即相率混成支隊直向沙河鎮前進適奉副總統宣布退師電令比以亂機已發未敢驟退比經飛電請示聞林軍突於十二日早八點進攻我軍宿營地前五百米達左右開槍猛擊我軍堅持戈操同室貽笑外人之大義一面借南潯鐵道電話與之理論一面向後稍退以示無他詎該軍不置辯論相逼愈近傷我多人勢不得已向前迎擊純得報當經飛電詰問歐陽使文曰連接文真兩電均悉惟日來情形驟變亂跡顯彰貴使故示安詳通告無事純愚且陋索解無由敢詰高明列款如左李烈鈞據有湖口佔領砲台利用之兵即麾下九十兩團游擊工程各營歸彼範圍失君權利忝在共守之列始終未聞一語此何事耶緘默可乎不解者一林虎一旅向駐德安近在營前當易覺察全旅出發得謂無聞不解者二統轄之軍抗命前進不

聞以背叛報中央而轉以安靖告各省不解者三撤軍奉命鎮亂執事偏請退師若非防範於先豈免伏禍於後不解者四林虎已先進攻來電轉言退避劉師長願作城守心跡共明貴護軍使調離潯地方不願且必道經湖口能信不有他虞不解者五前被林虎綁去官兵既允轉令釋放虞已見害乃置弗言既能轉令林虎當斷絕關係今早業施猛擊始來電讓入城本請君入甕之心示待客以禮之貌不解者六執事大局爲懷小嫌不泥故敢傾辭冀釋疑團冒昧申陳行盼答復等由去後曾將本日戰况電稟鈞座現據探報南昌隊伍已開多數赴湖口集合向我進攻純身當艱鉅誼共死生決不肯憂讒畏惠退縮顧慮致亂黨之逞肆陷國家於淪亡誠恐局外偏聽以僞亂真謹查此次辭自彼開之經過實在情形遞陳鑒核並懇轉電參衆兩院各部總次長全國都督民政長經路使護軍使鎮守使宣慰使各統兵官省議會自治團體各社會各報館公鑒曲直以定人心臨電倉皇無任感禱贛南總司令官李純叩元等語合行通達黎元洪叩齋

▲交通總長呈請飭鄂贛艦隊援釋江永固陵兩船并代聲明招商局在滬各船一律聽候政府調遣文

爲呈明事現聞南方叛軍往往扣留商船以供轉運餉械之用當經分飭招商各局不得裝載叛軍餉械在案茲據覆稱業經殷東公議商局効忠政府如有調船命令無不一致服從但江永固陵兩船已爲贛省扣留請飭鄂贛海艦設法釋放其餘在滬各船公議暫不開駛如政府調用須派兵輪保護倘有不測應照從前定章給還船本以恤商艱乞代呈明 大總統俯准等語查萬國通例國家遇有事故政府有直接管理商船之權該局深明大義効忠政府至可嘉佩所有來電所稱請飭鄂贛艦隊援釋江永兩船及在滬各船聽候政府調遣遇有不測應照定章償卸各節均可照准除函達海軍部外理合呈明 大總統鑒核施行謹呈 批據呈已悉應即照准此批中華民國二年八月一日國務總理段祺瑞交通總統朱啓鈴

▲浙江都督呈報平定縣紹匪亂各情形文並批

爲呈報事竊浙省自贛事發生寧皖閩等省相繼獨立風潮震盪人民驚疑復有叛黨屢謀內亂到處煽惑當即嚴飭軍隊及各地地方官廳切實防範力保治安嗣以滬南啓戰又卽區分警備地域宣布戒嚴均經瑞先後電陳在案查舊紹屬之嵎縣素稱匪藪自經辦清鄉後匪徒始稍散處斂跡前被叛黨勾引乘機思逞並與舊處屬後路右翼防營暗中結合一面由紹窺省一面假溫赴滬迭據探謀及地方官函電馳告當以紹屬爲浙東保障紹城又地當衝要密飭駐紹戒嚴司令官騎兵第六團團長徐樂堯嚴行準備並派陸軍步礮營連星夜馳紹以厚兵力旋據現七月二十二三等日紹屬上虞有匪徒四百餘人迫脅左路巡防隊第九營駐百官鎮等處弁兵同時譁變搶掠警署鹽局毀壞電桿取道曹江進撲紹城經徐司令官暨陸軍二十二團第二營營長葛振會同紹興縣知事陸鍾麟督同巡防縣警協力堵剿格斃匪首數名匪徒數十人生擒六十餘名餘匪盡散並奪槍械多件將著匪二十餘名訊明飭在軍前正法以昭炯戒此股雖經撲滅嵎匪仍圖大舉竟在該縣西鄉聚集千餘人假北軍名圖佔嵎城兼有叛黨迫該縣知事獨立復經嵎縣知事趙次勝駐嵎巡防隊管帶朱吉舜商承徐司令官率同營隊扼守要隘分隊迎頭截擊斃匪數十餘名擒匪十餘名奪獲槍械多件該匪紛紛潰散嵎地山嶺亘綿零星匪股甚多本難殲除惟經此大創又飭營隊嚴加搜剿自可指日肅清至駐紮舊處州府屬後路右翼巡防隊五營內有三營係前處軍分府呂東升討虜隊改編當時倉卒招募原屬良莠不齊一經叛黨勾結又聞嵎紹匪熾竟欲聯絡附近土匪蠢焉思動經瑞先以大義諄告該防官兵又飛飭鄰近營縣一體扼要防堵並將該防統領何知章先行撤差聽候查辦卽委該路左翼巡防隊統領梅占魁兼統藉資鎮懾該防幫統李茂青第三營管帶江文光均電呈力任維持地方尙稱安謐擬俟梅統領接統後勒限將該討虜隊改編之三營嚴加裁汰兩營以弭隱患此浙省近日平定匪亂之大概情形也此次嵎紹匪勢兇悍異常蓄謀甚大所幸相機剿辦尙屬迅速未貽燎原之患應將出力之陸軍巡防營隊由瑞先行撥款給賞以示鼓勵俟大局定後再行分別核獎用昭激勸除分咨參謀部陸軍部查照外理合具文呈報 大總

統察核施行謹呈

批據呈已悉交陸軍部查照此批中華民國二年八月二十五日國務總理陸軍總長段祺瑞

▲上海鎮守使鄭汝成呈大總統暨致國務院等電(報告滬亂情形)

大總統國務院各部總次長副總統各省都督民政長將軍都統各處鎮守使護軍使巡閱使查辦使宣慰使各師長旅長各報館鈞鑒滬局爲製造機關淞台扼長江門戶東南半壁與爲存亡匪首陳其美藉南京獨立餘焰在上海南市設立偽司令部號召淞鎮叛兵並運動原守製造局之六十一團三十七團暨滬防原有各軍希圖大舉視線全注於製造局一隅七月十八日風聲甚急我軍孤守危局幾成背水之勢十九日汝成飭海軍警衛隊臧團長致平下戒嚴令先逐首鼠兩端之人屏退疑貳兵隊查製造局規模甚大我兵祇千餘人若再兼顧龍華勢必兵力更減乃權其輕重注意總局並先將分局造存軍火提回免分兵力汝成卽至海籌兵艦並會同海軍李總司令鼎新策勵將士聯絡外交幸得各方鎮定雖此數日間上海保衛團長李平書開會提議請和平退讓製造局免啓爭端我軍惟有矢以死守並告以登非自我開雖誘說百端不顧也迨至七月二十三日丑正悍匪劉福彪鈕永建等親率敢死隊及淞鎮各軍暨六十一團三十七團滬防各營並上海向無規則之團體共約數千人包圍本局四五匝環架大礮數十尊同時猛攻槍如驟雨礮若走霆大有滅此朝食之勢我軍預築溝壘密布阻攔埋伏以待俟槍礮能及方連發而命中海軍各艦亦相率開礮助戰自丑至卯再接再厲直至辰初匪勢始衰相率敗退當戰鬥最烈之時局外砲隊營排列巨砲多尊直攻製造局側射海籌彈線所經勢甚猛烈若不先平此壘我勢終不可支臧團長親赴海籌計議以兵艦大砲封頂先擊該營計陸軍步伐之遲速定砲彈開花之密達礮火力表裏爲用冒險進攻不一時而該營竟爲我得搶獲大砲一十八尊礮彈一百七十八箱他物稱是是役也自丑至午大小數戰共擊斃悍匪五六百人我軍止陣亡一人受傷數人賊黨奪氣悉數潛逃我軍立卽函致南市商團勒令陳其美卽日取消司令部否則卽攻南市

陳其美膽裂逃至閩北復圖再舉是夜又率悍匪數千人來攻直至七月二十九日晝夜更番襲擊意在疲老我師乘間廣徵軍隊乃我軍晝夜防守露宿風殮歷一星期不爲稍懈而匪以大小十餘次屢戰皆敗傷亡衆多悚懼交并既不得志於我軍思於商民一逞乃橫加槍掠於塵市甚至回砲遙擊租界意在挑起外交藉爲牽制其設心險惡可知迨我援軍北至時淞台尙未下即在川沙九洞登陸馳赴來局聲勢漸振我軍復函致閩北勒令陳其美即日出境否則往攻乃陳其美率同餘匪逃竄寶山死守淞台以爲孤注我軍乘此肅清上海即會同海軍劉總長冠雄籌議規復淞台先令李旅長督隊潛渡江灣將近車站見敵四百餘人立即擊退又以步兵四人出哨乃即驚潰匪衆百餘人除擊死不計外仍復生擒官兵士多名當即佔領江灣車站以爲根據地匪首鈕永建率匪二千餘乘夜襲攻復爲李旅長擊敗斃匪三四百人生俘四十餘人餘衆悉潰祇一小部分逃回淞台八月十三日我陸海軍正會合攻台以口外各艦環列台前口內諸輪遙攻側面李旅長率步兵兩路襲取台後始以兵力攝其氣復以運動擾其心乘匪情惶恐之餘以遂我軍猛攻之計乃李旅長督率陸軍甫逼蘊藻濱該台叛兵護台營隊已悉數迎降道左肉袒歸誠鈕永建居正月初本守台至是乃率殘兵千餘人奔竄嘉定是日午後四時赤日流金人汗如雨我海陸軍相率蒞臨淞台同時光復國旗招展萬目共瞻商民鼓舞汝成等仰體我軍大總統弔民伐罪之心自拔來歸不咎既往再三撫諭准予自新現正搜率寶山進滬嘉定大股既已撲滅餘孽當易肅清茲仍謹慎進行以期仰副我大總統慎重戎行眷懷南服之至意查淞滬一役以力戰而存製局以聲威而復淞台鄰省聞名列邦喧傳雖安良除暴乃軍隊所應爲而同室操戈非仁人所忍道當血肉橫飛之際不覺淚眼飄流值河山再造之秋敢詡毛髮戰績祇有感憤交集全無勞動可言尙祈諸君子迅賜助陳俾策鷲鈍大局速定歸田有期不勝幸甚用特粗陳梗概慰台端言不盡意上海鎮守使鄭汝成叩

▲海軍總長兼南洋巡閱使劉冠雄呈大總統暨致國務院等電海軍會攻江甯

情形文

大總統國務院各部參衆兩議院副總統徐司令湯次長李總司令李要塞司令都督民政長各路專使各軍政長旅長各處報館均鑒寧匪負固寇雄奉命會攻並遵令先期派艦隊直趨浦口掩護馮軍渡江於八月二十四日全隊先後抵甯之卸甲甸於時馮張軍方占領烏龍幕府紫金各山砲台雷軍方由鎮江登陸馮軍則怕浦口與匪相持尙未竟渡而獅子山砲台高峙城隅截江而守不但會攻之策未能實行即掩護馮軍渡江怕未能達目的自下關上至蕪湖皆爲匪有因思非有奇兵無從制勝但特節次進攻未免曠日持久卽於二十五夜密派代理司令饒懷文李海琛應瑞楚有三艦暗渡上游砲台彈發如雨各艦不暇懸敵且戰且進直抵大勝關逾夕復派永驢奮勇前進與海琛等艦會合蓋至是掩護馮軍渡江之策始得實行而寧蕪之匪昔之首尾相應者亦因而中斷會攻之事乃大有把握矣於是下令排日攻台牽掣其勢既爲陸軍聲援更使台砲不能展其射擊之力大勝關艦隊分途游弋前失之湖鵬張字兩雷艇旋報捉回疊獲匪黨祥元小火輪一艘糧舸一隻裝運赴蕪軍火八百餘箱匪二十餘八嘉寧運船一隻至是寧蕪匪勢既分遂各形其窮蹙矣又下令上游艦隊不時攻清泉山儀鳳門暨城內西南部下游艦隊日夕攻獅子山東西岸暨城內東北部更在幕府山設立旗台以通消息使大軍不致誤擊而便策應三十一日各路大舉合攻我艦不分晝夜奮力猛擊陸軍附城進薄劇戰兩日遂於九月一日下午由陸軍攻開各門遂告完全克復寇雄不敏幸賴各路陸軍進薄而登之力艦隊諸將士不避艱險之勞然非大總統之威德無以致此城下之日由各陸軍駐守各國領署來請保護立派軍官率勇入城分守並派赴獅子山東西岸各台清理各砲以善其後謹聞劉冠雄叩冬二年九月

▲川邊經略使兼領川邊都督事尹昌衡呈報張煦前在鑪城肇亂及勘定情形請飭各省嚴緝以伸國法文並批

竊查本使冬日上呈 大總統一電文曰昌衡於陷日抵鎮歷查此次張煦作亂確實情形謹呈詳報如下亂事之起實由亂黨之運動當昌衡初到成都該黨人即百計千方聳動昌衡反對中央意圖大舉以行其志昌衡委婉警諭堅定自持幸以內不失守外不敗事本意多留月日冀定桑梓而中央命令嚴肅催促上道昌衡不敢違令刻日西行初至雅城熊師告變知大局之危後源將絕慘淡異常加以雨溢道崩遂致留滯數日該逆黨大肆蜚語謂昌衡觀望不前欲使得罪中央構怨胡督勢成騎虎墮彼術中昌衡立志離他問心無愧面東望北惟日歎歎仍復廣續起行趕急修道該黨運動新津駐兵卒然圖叛即假借昌衡名義號召軍隊實欲斷我川邊糧道使昌衡不復能前幸胡督調度有方撲滅迅速該黨計又不遂復在雅祕密運動駐雅軍隊於十五日武裝整隊強迫昌衡即時獨立昌衡仍懇切開導繼之以泣卒能消患無形起行赴邊先是昌衡奉命鎮邊即擬全眷赴鎮以絕東歸之志當到雅時隨行衛兵三連至是以一連護眷先行以一連一排分兩次押餉續發又因道塗不靖留兵一排駐雅督運昌衡左右僅餘衛兵四十人隨員數員而已該逆黨累計不遂偵知昌衡途中兵少鎮城守備各營及送餉眷赴鎮者又皆張煦所部遂決意於中取事陰聯張逆暗助軍火張逆時在丹巴遂不受命令兼程返鎮於二十五日擁兵獨立以應熊逆攻撲觀察使署擊斃衛兵並傷顏觀察譚頌角公私財產一掠無遺文武官員盡被脅迫張煦者與熊逆克武至厚前民政長張培爵之姪也其初充培爵副官薦之昌衡率領到邊尙謹飭諸軍事故由軍法局長兼任護衛團長昌衡在鎮之時尙謹守範圍不意其狼子野心蓄謀陰狠讓此巨變潛與趙城王明德謀招集亡命以其所部駐鎮舊兵兩營並渝中黨羽三千餘衆編成一混成旅張帖僞示張煦自稱川邊大都督北伐司令兼領全旅趙城稱副都督兼第一團團長王明德爲招討使兼第二團團長聲勢頗大人民驚懼全邊幾致糜爛種種罪惡擢擢難數該逆竟敢封鎮住宅扣留昌衡家眷使六十餘之老父老母一妹一妾均受軟禁遺文昌衡曰不抗中央全家戮矣並迫昌衡返雅調兵合熊昌衡心傷淚落婉言以諭該逆知昌衡不移竟敢率領大隊截紮澹定橋以劫昌衡由雅東下

追令佔據成都招集四川陸軍會師北伐一面竊用鎮撫府關防以昌衡名義加孫紹篤彭日昇顧占文劉成勳節度使令會師北伐昌衡時在泥頭聞變距鐘尙四日程欲回雅調兵進攻計往返調集必須半月以上緩不濟急誠恐邊軍不察真僞以懷歸之心聞風響應或因張逆阻險日久糧盡餉絕全邊撤防地空虛賊番伺隙蠢動則百戰之功千里之地盡成灰燼卽於泥頭死拒又恐該逆等由瀘定屬之嶺積順流而下直取嘉定再以昌衡名義煽動各師則川與邊必相繼淪陷昌衡欲以四十人決戰又慮該逆傷害父母兼之衆寡不敵徒死無益椎心洒涕五內如焚乃身懷匕首冒險赴敵意謂背國不忠背親不孝有一於此不如死也二十九日昌衡單騎前進距橋五里適與其管帶周明鏡相值昌衡呼與共語該管帶深明大義力任倒戈乃連騎馳入其軍匕首擬胸疾聲騰淚盡聲嘶衆軍聞之多至痛哭莫能仰視昌衡迺於軍中大呼欲歸尹者左欲附張者右精兵舊將爭先恐後悉數趨左亂夫逆黨膽裂心寒抱頭鼠竄張趙兩逆尙率死黨臨河督戰然該逆雖再三下令軍中無敢發槍昌衡當令其新募烏合之衆繳械遣散舊兵兩營一齊歸伍正欲編組稍定督兵過橋捕擒逆等時已昏黑降兵潰卒擁塞滿橋衆值大雨傾盆兵不得過擾攘之際該逆乘機拆毀橋梁木板與其死黨數人竊民船偷渡由上流乘間潛逃昌衡當卽分兵三路連夜追捉於次日清晨拿獲僞副都督兼僞團長趙城僞招討使兼僞團長王明德立即梟首軍前將士皆肅然聽命無敢攜貳並懸萬金之賞捕拿張逆卽星馳到鐘後又捕獲其死黨數人多係由渝中來助張遂作亂者皆一律正法並搜出僞造印信關防數顆文告多件存候另文繳呈隨撫慰遠近居民照常安業通令關外各軍加意防堵取銷所佈一切僞命鐘邊秩序始漸回復竊思昌衡對於該逆黨始終含容總期委曲求全以消隱患有恩無怨欲其自知悔悟以衛桑梓迺該逆等不辨邪正不顧大局必欲陷昌衡於不忠不孝喪失領土搖動國基並使昌衡父母妻孥同陷驚危之地私仇公憤不共戴天務懇 大總統飭下各省嚴拿張逆一面將其所得四等文虎章少將銜陸軍上校等軍秩一併削除仍由昌衡懸賞萬金無論生擒與割取首級務獲該逆明證其罪昭示天下以伸國

法至昌衡因遲遲數日致鑪城遭此慘變雖賴中央威靈旋即破滅而損失過鉅善後難艱實屬咎有應得並懇飭部嚴議處分調京歸案聽候懲罰但使大局得以維持國法得以張大死且不朽昌衡現既待罪惟有死守窮邊食紙食茶以身報國謹候鈞令除將細狀逆據口供另文陳明外所有張逆肇亂及勘定情形特此繕悉上情隨電悲慟不勝惶悚待命之至等語業經拍發誠恐路途有阻未能上達鈞鑒茲特照錄原電具文呈請大總統鑒核示遵此呈

批據呈已悉已通飭各省一體嚴緝矣此批中華民國二年九月三十日國務總理熊希齡陸軍總長段祺瑞

▲河南都督張鎮芳咨呈國務院報明拿獲破壞黨閻子固等審辦各情形文

為咨呈事前以實行武力反叛民國之河南重要匪犯閻子固即閻夢松在新蔡一帶勾結土匪希圖破壞當經飭隊往剿詎已聞風逃赴寧滬等處與張蓉芙等潛謀煽動仍欲回豫作亂業經電知各軍嚴行偵緝在案茲據第三混成旅王旅長毓秀報稱該旅工程營駐紮武勝關之官兵於十月二日在車站查獲閻子固張蓉芙二名即日解省當發戒嚴司令處研訊據閻子固供稱從前我是淮上軍總司令前次推袁項城為大總統那孫文李烈鈞柏文蔚黃克強張夢傑等心內都不贊成還要派人分赴各省運動職務即行二次革命黃興派我河南幹事因託前充都督府秘書李敏修即李時燦時常竭力保薦我亦欲借此利用政界今年五月間合朱丹陸同赴南京回來擔任聯絡土匪白狼起事並運動前新蔡縣知事王文同秘密交談事成舉王文同為民政長他亦應允一面運動新蔡內隊外隊用鹽隊槍礮從北連集岳城一帶起事先在新蔡獨立攻潢川息縣項城等處接應壽州再往北伐等語並稱黃興等逆在各處秘密計畫破壞大局情形甚晰足見該犯蓄意謀亂聯絡響應已非一日復經提訊先後拿獲其同黨之張蓉芙楊萬青劉玉徐懷友馬漢傑王龍韜楊榮彥龔萬倉李世魁等九名均供同謀不諱當飭按法一律槍斃以消隱患而靖地方一面仍飭嚴拿同謀未獲各犯務獲究辦除已電聞並呈 大總統外理合將各犯供詞鈔摺請鑒核施行此咨呈中華民國二年十月

十六日

▲署江蘇都督馮國璋呈報海軍陸戰團兵隊在江陰等處變亂審明擬結各情

形文並批

爲呈明事竊本年十一月十九等日迭准參謀陸軍兩部電傳 大總統令以駐紮江陰海軍陸戰團放火搶劫飭令分別剿撫各等因當經令委第二軍軍法處長殷鴻壽陸軍第五師第十九團長潘鴻鈞會同馳往該處懷遵電令查明嚴辦並委幫辦執法營務處孔慶塘會同民政長所派委員查看被災商民妥爲賑撫業將該處長等辦理情形隨時電陳仰蒙電傳訓示均經遵照辦理各在案茲據該處長等先後呈復前來查此次江陰肇事患不在變兵而在亂黨變兵意存搶掠亂黨志在攻城使辦理未合機宜亂黨或乘隙暴動使懲治少存姑息軍紀卽無術維持該處長等於江陰及沿途所過之青陽月城橋等處向各軍隊各機關詳細詢查並派員改裝密訪證以縣署案卷始悉此次變亂由於亂黨張壽榮等煽惑而成其收留亂黨縱使煽惑者則由於團長郭以廉衆證確鑿必須先與交涉十一月二十五日該處長到十九團部議事適郭以廉來卽與接洽詢問兵變緣由郭以廉變色謂係土匪焚搶而商戶誣指陸戰團實不甘心倘因此撤我差使恐長江上下游無安枕之日該處長等始與慰藉數語而散因恐當面不好直認復派員往見勸其交出爲亂官兵郭以廉堅不承認約其來議悍然不從適接參謀陸軍兩部電傳 大總統嚴拿郭以廉歸案治罪之令當與參謀馮家祐等密定計畫託人向郭以廉商議請親到縣署分晰案情事畢到團部手談預選捕勇伏夾壁中到時送茶爲號動手拿捕並預派教練官吳宏權等不動聲色整隊戒嚴次日下午郭以廉張壽榮果一同下山探明行至中途卽派差往迎之天晚不必到縣請速到團部手談郭以廉等帶弁護馳至由該處長殷鴻壽周旋送茶伏發就捕並所帶弁護悉數扣留一面飛函縣署憲兵警務公所水師砲船旗語江中軍艦一律警備並派官兵持令巡查四門把守電局防亂黨號召羽翼維時該團長潘鴻鈞卽派教練官邢裕墉帶隊馳赴茅山觀

率隊伍馳往黃山大小灣等處佔領要隘勸諭官兵呈繳槍械均各服從茅山江北官兵亦均繳械是夜第二營營長呂長順來處請罪遵電交出知情故縱之右哨哨官翁鳳瑞哨長張雲鵬指揮焚搶之前哨哨長張安祥右哨亂兵胡德祿等五名並呈查明茅山左後兩哨亂兵姓名手摺一扣計二十三名當由該處長督同法官趙增祺章寶毅逐一研訊緣郭以廉自幼嘯聚江陰多年亡命投入官軍歷在各處充當要差遞升團長今夏奉調開赴吳淞戰時不親督率戰後赴滬常不在營與下級官不相謀面且無故斥退舊人補以新收亂黨不見有人到差飭將餉銀原封交上頒到犒賞扣留不發溺斃兵夫毫無撫恤所統第一營在寶山搶興鋪洋五百元知情不究第一營前哨排長張保堂懷抱不平常憤言遇此等團長衆弟兄不如搶點財物回家一時憤激之詞遂致激成事變嗣聞調閩兵不願爲團長所用十四日下午兩營兵夫在舊工程營開議第二營長呂長順聞報即向本營演說並報知團部團部副官張壽榮置之不理十六日晚郭以廉由滬回防八時駐黃山第一營前哨哨槍中左右哨繼之該團長聞變派隊塔截乃各哨皆亂無隊可派遂在山上喝阻山下即開槍仰擊蜂擁出營該團長見勢不好自回公館哨長張保堂大哭力阻無一應者亂兵遂進街把守要路分投搶劫嗣有官長來指揮放火攻城猛撲十餘次是日該縣知事翁之銓因公赴靖江城內已有準備由憲兵營連長謝廷樹警務長錢廷枚等帶兵塔禦開槍還擊傷斃亂兵數名始分載財物整隊而去槍斃老婦一八次早該縣知事回城檢獲亂兵遺棄槍械軍裝多件查驗肩領確知爲陸戰團該亂兵路過第二營地點迫脅相從業已整隊第二營營長呂長順適感風寒請假聞變力疾率同前哨哨官吳樹禮哨長劉開泰跪在營門痛哭勸解中前兩哨悉數歸棚惟前哨哨長張安祥藉詞出營天明始歸右哨從亂者二十餘人除潛逃不計外有胡德祿等五名歸營即經拿獲交案越日晚駐茅山第二營左後兩哨鳴槍出營搶月城橋戶二十餘家武進縣屬焦溪數十家燒斃五命事後該團長聞滬寧均已派員查辦恐在營中搜出賊證飭向各兵追出所搶衣物盡行焚棄稱係土匪焚搶該團長會藉兵米爲詞向江陰商會借洋四千元業已允借因亂作未交此

訊明所供此次兵變之前後情形提訊郭以廉張壽榮始猶狡飾嗣提翁鳳瑞等當堂質對始俯首無詞并究出張壽榮於今夏曾在南京充僞參謀城破逃至上海會受黃興與函囑運動軍隊遂同鄭光達先後投入郭以廉團部先委幫帶後與鄭光達俱充副官質之鄭光達供亦相同矢口不移各具親供存案查郭以廉身充團長任性妄為無論其親吞犒賞不恤士卒頂名冒餉濫用匪人已屬法無可貸乃張壽榮鄭光達係著名亂黨曾受僞職該團長竟敢私自收留委充團部要差致使運動軍隊釀成鉅變核其情罪未便稽誅當該處長等初抵江陰時適聞亂黨胡姓入境藏匿江北防營章武由滬潛赴江陰及郭以廉等被獲舊日黨羽不時窺探未幾謠言四起謂亂黨欲乘機暴動青紅幫欲開會劫留且郭以廉曾有撤去伊差長江不能安枕之語人心惶懼風鶴頻驚萬一變出意外大局將不堪設想自應懷遵 大總統凡同亂之人不分首從一律槍斃縱容官弁按軍法懲治電令將郭以廉張壽榮即行正法以鎮人心當經據實電陳准國務院電傳 大總統令前經迭飭各軍隊服從命令遵守紀律以保民為天職郭以廉張壽榮釀成巨變荼毒商民實屬罪無可逭應褫革官職即行正法該商民何辜遭此蹂躪每一念及殊深矜憫應妥為撫恤等因當飭遵照辦理并持電令到商會宣讀該商民等向北鞠躬者三呼謝者再亂端消弭塵市無驚但禍首就誅從犯猶稽顯戮查此次變亂出營兵夫約二百餘人內多在營住閒之匪黨搶後率已脫逃回營者不及百人除第二營將為亂官兵悉數交出外第一營祇交出鄭光達一名至其倡亂之排長張保堂率兵焚搶之王錫鈞知情故縱之張相臣均尚在營該營亂兵姓名亦均未指出若帶隊往捕於數百人中將為亂者按名剔出懲辦深恐激成變故適鄭鎮守使派員解到餉洋一萬元當經密定藉點名放餉分別勸懲辦法由該處長殷鴻壽團長潘鴻鈞帶隊會同鄭鎮守使所派監放委員范毓靈先到第二營點名放餉查無頂冒情弊中前兩哨被亂兵迫脅時一經營哨長突勸即行歸棚尙知守法各哨賞洋四千元以昭激勸嗣點放第一營餉查其兵夫疲弱年貌不符前哨伙夫無一應點中哨親兵弁護亦多未到放畢將張保堂王錫鈞張相臣扣留並究出為首倡亂之中哨親兵張

虎臣劉蘭坡解景雲王玉魁司維勤張保成王蘭義張德銀張希陶胡文聚周振溪郝俊峯高守本伙夫韓印相逐一訊明供認不諱即日緝赴營外槍斃一面派法官趙增祺章寶毅前往茅山點名放餉派教練官邢裕墻督隊彈壓獎賞兩哨不肯從亂官兵各二十元將倡亂出營焚搶之正兵徐上臣劉博舉雲得勝劉全德石際田姜世昌唐朝京李全明高新雨陳海山苗志學孟藩宜楊得勝常作瑞林勉學程連五張樹欽徐克城樊歧山楊得興扣獲訊明槍斃其押候倡亂之第一營副官鄭光達第二營哨官長翁鳳瑞張雲鵬張安祥正兵胡德祿王憲芳孫林有李大才王萬興及憲兵營解送點名後攜賊潛逃被獲之第一營中哨親兵解廣德均一律綁赴市曹槍斃連同郭以廉張壽榮計前後法辦共四十九名在逃之團部軍需張日新第一營幫帶郭元鳳哨長劉松林軍需郭文德第二營哨官鞏長貴顏景隨杜顯揚哨長賈長峻均請令褫革軍官與什長正兵王得勝等一百二十二名造具年貌籍貫清冊咨部通緝獲日另結第二營營長呂長順所帶右哨官兵從亂者二十餘名茅山兩哨相率變亂實風咎無可辭惟念該營中前兩哨從亂時該營長跪哭勸阻兵夫悉數歸棚是其平日尙服軍心應請從寬與防範不力之團部團附王炳麒副官邵士洲第一營哨官陳盡忠趙以元吳長齡哨長陶自立李占魁宋榮德楊錦文陳安泰穆崇孝第二營幫帶王冠勳哨官李好義陶長榮哨長李晉忠王發永滕錫玉姚來德排長韓德功一併褫革軍官其有勳章者應併撤銷以示懲儆應行遣送之官兵八百餘名籍隸山東皖直等省經按名發給口糧僱輪裝運抵浦換車派員押送回籍分別遣散第二營哨官吳樹禮哨長劉開泰隨同該營長勸諭兵夫歸棚應請與力保危城之江陰縣知事翁之銓憲兵營連長謝庭樹警務長錢廷枚一併飭部優予獎勵以昭激勸江陰靖江武進等縣猝遭兵災迭奉電令撫恤當由國璋籌撥洋三萬五千元交該營務處孔慶塘會同印委各員分赴災區妥爲賑撫經與各該處商會紳董逐一履勘張貼布告議分甲乙丙三級辦法以房屋盡毀財物搶空家本極貧者爲甲級房屋焚搶而家道稍裕者爲乙級其損失雖多而家道差擾或家本貧寒而損失不多者爲丙級撫恤之款甲級者百分之十五乙級者百

分之十二丙級者百分之七釐有零均分別支配完全核實散放計江陰及月城橋賑洋三萬一千元武進焦溪賑洋三千元靖江八圩港十圩巷賑洋一千元統計三萬五千元由該營務處等宣布 大總統憫念商民至意該商民等歡呼載道謂此次懲治亂兵已極感佩復蒙厚恤實非意料所及等語此籌款賑撫之情形也查此次江陰兵變適當戰事初平裁兵節餉之時南昌軍心正虞反側又加以近年各師旅賞重罰輕玩成風問知所戒誠恐一方發難全局爲之動搖非令下如摧敗籟無以振我軍威而奉行苟束濕薪亦可激成巨變所派之第二軍軍法處處長殷鴻壽密籌應付深合機宜聽斷公平不稍瞻徇獨能力顧大局消弭亂端實屬異常得力前因該處長於克復金陵案內出力曾呈明請補少將奉部核給陸軍少將銜此次委辦江陰兵變事宜勞勩尤著自非予以破格之賞無以鼓勵軍心合無仰懇鴻施俯准照擬授爲陸軍中將以示優異第五師第十九團長陸軍少將勳五位潘鴻鈞司令部高級參謀陸軍少將馮家祐策畫防維應機敏速應請給予三等文虎章幫辦執法營務處陸軍中將孔慶塘履勘災區撫恤周至應請給予三等文虎章其餘出力人員容查明開單另行請給獎叙除咨部外所有查明海軍陸戰團兵隊在江陰等處變亂審明擬結緣由理合備文呈明伏乞鑒核批示祇遵謹呈

批據呈已悉所請將殷鴻壽補授中將並潘鴻鈞等給予勳章各節已另有令餘由陸軍部查核辦理此批中華民國三年一月十九日國務總理熊希齡陸軍總長周自齊

▲昌武將軍督理江西軍務李純呈江西進賢餘江臨川等處會匪謀亂業經分別派隊剿辦一律肅清地方安全呈請鈞鑒文並批令

爲江西進賢餘江臨川等處會匪謀亂業經分別派隊剿辦一律肅清地方安全仰祈鈞鑒事竊於本年五月二十六日據進賢知事徐履中急報該縣與餘干東鄉兩縣交界之杏墩地方有匪甚多意圖起事並探明匪首吳振山攜帶票布在該縣池溪市散賣其票布上書飛龍寶帳今封北平王蓋有飛龍硃砂寶印背面有方

形黑印請撥軍隊搜剿拿辦二十八日復據餘江知事黃大進電報本月二十三日探得縣屬馬祖巖係金黃餘三縣交界之區林密山深懸崖絕壁有匪徒趙武文高金南等在該處挾雷李氏十一齡幼童雷保福稱有異相雙目重瞳假名天子煽惑鄉愚散賣布票集衆至千餘人之多日散夜聚並聞已聯合九江匪徒約期舉事先搶附近富戶再行來縣劫獄殺官各等情先後到署據此當即分別派隊剿辦一飭駐省補充第五旅派步兵第十團第九連連長王克勤率所部一連星夜馳往杏墩會同進賢知事相機剿辦比拿獲江獻圖一名一飭駐餘江憲兵連長劉彝鼎率所部一連會同餘江知事馳赴馬祖巖兜拿比拿獲雷保福之母李氏兄百福及周與忠張興堂等四名餘匪均經擊散兩方隊伍當即跟蹤追捕以清餘孽旋據探報杏墩及馬祖巖之匪復窺集臨川縣屬之雲山鄉並聞該鄉有近由上海返里數人意圖暴動開台演說自稱能閉砲火以及其他種種荒誕之詞比經駐臨川憲兵營長崔朝俊率憲兵一連馳抵該處圍捕當獲匪犯九名正擬帶縣訊辦詎該匪愍不畏死忽糾集黨羽數百人持械反抗奪去匪犯五名傷我兵士一名於是開槍還擊匪乃退却該憲兵營長見匪勢猖獗遂一面將所獲之梅登先徐世奉萬福生胡玉興等四名問明當場槍斃以寒匪膽而免他虞一面督飭所部憲兵前進追剿比將楊僞元帥擊斃於河中匪始潰散時將山臨川至進賢電綫砍斷純得報後深恐憲兵兵力單薄而匪有數百人之多設使散而復聚逐漸增多必致衆寡難敵因加派補充第五旅步兵第十團第三營營長苗珍祥督率連長孫茂山帶步兵一連前往臨川協力剿辦以期早日撲滅免致蔓延現在杏墩馬祖巖及雲山等處之匪業已剿捕淨盡進賢餘江臨川等縣一律肅清查此次會匪謀亂一則假名天子一則由上海返里開台演說搖惑人心愚民無知多被煽動難保非亂黨狡謀想逞暗中勾結幸仗德威逆謀早破尙未大肆披猖各部隊復能迅速赴機勇於剿捕遂使匪氛早熄地方安全除獲匪業飭該各縣知事訊明分別懲辦併飭各隊會同該各知事加意偵緝餘匪以免死灰復燃外所有剿辦進賢餘江臨川等縣會匪緣由理合呈報 大總統鈞鑒訓示施行謹呈

批令此次進賢餘江臨川等處會匪煽亂經該將軍派隊分剿一律肅清辦理迅速殊堪嘉慰著將所獲各匪訊明嚴懲并偵緝餘匪以弭後患交陸軍部查照此批中華民國二年八月十六日國務卿徐世昌

▲新疆巡按使楊增新呈南疆會匪充斥派隊前往和闐及懲辦匪首情形文並

批令

爲南疆會匪充斥派隊駐紮和闐會辦要犯以資攝鎮呈請鑒核事竊新疆自民國成立以來特別人物在於南疆喀什一帶極力提倡哥老會並於喀什各屬到處設立碼頭而和闐于闐洛浦等屬之哥老會又與塔羌縣及甘肅敦煌安西一帶之會匪勾結聯爲一氣查塔羌縣地方係赴甘肅敦煌要道即古陽關通西域之路去年于闐屬下牆會匪越境至塔羌滋亂並戕殺地方官該會匪之意本欲俟塔羌事成各處會匪即乘機響應幸官兵剿辦迅速未至蔓延惟和闐于闐一帶常有風潮各該屬爲英俄通商之地萬一匪黨煽動致外商稍有損失又必讓成交涉不能不派隊前往藉資鎮攝當經派參將童明才營長趙榮福將駐紮卡牆之馬隊兩營以童明才所帶一營開赴和闐以趙榮福所帶一營開赴于闐並飭將著名哥老會匪首孛辦去後茲據參將童明才和闐知事王昶濬詳稱參將童明才於八月初十日帶隊抵和闐會商知事王昶濬查孛著名哥老會匪首劉鏞李恩成張志春邵雲山張蘭尙得昌六名訊明照以軍法槍斃現在該會匪碼頭業已取消等情前來增新查和闐于闐距新疆省城七十餘站電報不通有鞭長莫及之勢故會匪盤踞地方官受其挾制仰匪黨之鼻息無可如何自派隊前往鎮攝將著名匪首孛辦可期懲一儆百使地方官之勢力能增一分即匪黨之勢力可減一分現在首要既誅餘黨解散地方尙稱安靜所有派隊前赴和闐及懲辦匪首情形謹乞大總統鈞鑒訓示施行謹呈

批令據呈已悉交內務陸軍兩部查照此批中華民國三年十一月十一日國務卿徐世昌

▲貴州巡按使戴戡護軍使劉顯世呈報勦辦股匪李雲波並越境追勦始末情

形文並批令

爲剿辦股匪李雲波並越境追剿始末情形呈祈鑒核事竊查黔省辦理清鄉業經具文呈報在案出防以來迭與匪戰因非極大股匪故未專案呈報惟綏陽正安桐梓松坎仁懷赤水一帶崑連川境爲匪徒巢穴所聚各匪又分爲兩大股正安附近一股以李雲波爲首赤水附近一股以陳昉珍爲首該匪等因清鄉軍既經出發圖謀抵抗分踞要隘互結聲援當飭清鄉督辦劉顯潛相度程途遠近分別緩急嚴飭赤水一帶軍隊防堵陳匪一面先行馳抵正安剿辦李匪並咨商川邊軍隊扼要截攻以免此擊彼竄庶幾一鼓聚殲不留餘孽當將匪首李雲波匪軍師楊以實廖叔昆等先後擒獲於八月儉日先行撮要電呈 大總統鑒核藉紓屢念旋於三十日承准統率辦事處電開奉 大元帥訓令儉電悉所呈正安潰匪入川等情已電令該省遵飭剿辦仍仰督飭各軍隊加意防剿並將陳昉珍等務獲究辦勿任竄逸等因當經轉飭清鄉督辦劉顯潛遵辦並將匪首李雲波匪軍師楊以實廖叔昆等立予正法出示宣布罪狀以寒匪膽而快人心一面酌撥軍隊搜剿餘黨一面督飭各軍分赴赤水仁懷設法剿辦以期永靖地方茲據該督辦將剿辦李匪雲波始末情形暨分隊越境搜剿餘黨並率隊開赴赤水日期詳報前來據稱督辦行抵正安探確該匪等分股扼踞放牛坪大岸小岸等處特險負隅勢極猖獗當即飭派西防七營管帶鄧忠傑統率所部於八月八日由正安縣屬三江經甕溪至轉竄場再分爲兩路一由大田坎直抵苴亞一由新場直抵放牛坪進攻該匪右路同日飭派西防四營管帶張雲漢率所部由正安出發經安順場楊新灘新洲鄧家壩至大礮壩仍分爲兩路一由土橋子向新場前進一由迴龍場直抵放牛坪攻擊該匪左路另派四營左哨由桐子了直進助剿並咨請四川陸軍第一師預備團劉營長興夔涪陵南川彭水各營縣扼堵羊角溪水花桐箬子坪龍洞尖王寨以期一網打盡又飛調東防二營管帶鄭德馨由黎川逕趨放牛坪橫擊該匪另飭濯水東防管帶黃鳳鳴扼堵接官坪丁家壩箬子坪龍洞等處以杜竄颺一面飭知松坎北防管帶熊其斌選派得力軍隊堵截廟堂一面飛調派赴松坎清鄉

軍西防八營管帶胡世蕃率隊兼程馳赴新洲應援部署既定督辦於十號親率所屬各員及衛隊馳抵新洲居中策應傳令前敵各軍定於十一日黎明進攻又探得黃泥洞三元場素爲匪人出沒要地當派北防七營右哨官馬驥前往堵截去訖十一日敵各軍節節剽捕均抵放牛坪匪首李雲波湯子謨何子謙劉青雲劉耀武吳炳臣張銀祥楊定邦等聞我軍驟至各率悍匪分頭抵抗正遇張管帶迎頭痛擊李雲波一股卽由放牛坪潰出我軍陣斃匪首楊定邦一名匪黨獲十餘名奪甚各種快槍九枝匪首湯子謨何子謙兩股見我軍四面包圍卽由川屬南川之木言溝潰出經水江石竄入涪陵南川內地此八月十一日戰事之情形也督辦馳抵新洲時胡營帶率軍亦至卽飭親率所部兼程應援酌留一哨另添調團丁分伏緊要關口以防匪黨竄匿該匪首李雲波匪軍師楊以實廖叔昆等於十一日被我軍攻散後探悉前途大軍雲集隘口均被我軍紮斷改易服裝分率死黨夤夜各自竄逸十三日夜廖叔昆由距新洲十五里之米糧壩經過被游擊軍截獲解赴督辦行營再三研訊始知匪首李雲波暨匪軍師楊以實等均尙伏聚鄧家壩愛子窩一帶督辦卽派隊星夜馳赴該處圍擊當於十四日三更時將該匪首李雲波匪軍師楊以實從匪石老么周德貴次第擒獲奪獲手槍一枝搜獲匪黨票據多件訊出該匪軍師主謀叛逆及該匪等勢窮分竄各圖糾結餘黨圖謀再舉各情督辦卽將該匪首李雲波匪軍師楊以實廖叔昆等拘禁行營委員看管一面督飭前軍追剿湯子謨何子謙二匪適准川軍預備團營長劉興文稱此次川軍所防隘口均十分緊要一可當百因涪陵警隊長項穆奉飭防堵木言溝隘口出發延遲未至防地卽遇匪等潰出該警隊長不爲迎敵反率所屬兵士六十人均執五子快槍退入深林使匪遁去匪等見無兵阻擋卽由水江石道出適本營一連二排排長劉崇陞率兵赴水江石中途與匪相遇兩下對敵我軍因子彈打盡被匪擊斃士兵三名捉去十一名奪去快槍二十枝該排長正在危急幸本營開紮水江石防堵之一連劉排長率兵開至聞該軍隊有失卽率兵馳救時至黃昏匪等不知底細恐大軍開至卽向冷水關遁去已將此次失利暫涪陵警隊長項穆玩誤事機放匪通過顯有通匪各

情形詳報師長轉電將軍並請不分畛域率兵進攻等語督辦卽飭張管帶飭部越境由木花洞左路經新路坡馬鞍橋抵九里槽鄧管帶飭部越境由木花洞右路出上保梯耳巖均至水江石集合另胡飭管帶越境由小河場魚全河逕逐水江石並飭東防鄭管帶率所部一哨尾赴前敵應援去後嗣據張管帶先後報稱十七日行抵水江石沿途探聞股匪已竄聚南川屬冷水關聚寶場鳳來場等處互爲犄角之勢管帶等分兵三路鄧管帶率隊由左路出橋堂攻冷水關管帶率隊由中路出松子溪經南山坪攻鳳來場胡管帶率隊由右路出紅合關鴨子塘攻聚寶場並約會川軍劉營長派隊堵擊二十一日管帶行至距鳳來場四十五里之官梯子地方匪先於此設伏我軍甫至匪遂開槍向我軍轟擊哨官李國彬黎先甲卽率兵抵禦一時鳳來場聚寶場冷水關之匪聞信糾衆出迎合力抗拒砲聲隆隆管帶見賊衆勢大卽分派哨官陳百川率隊攻其左教習張端芬率隊攻其後我軍奮勇直前冒死當先約戰二小時陣斃匪徒多人匪首張銀祥被什長魏玉青陣斃奪獲蓋板無煙槍一枝逼礮九十三顆餘匪譁潰我軍乘勢追擊復斃二十餘名受傷者十餘名奪獲雜槍七枝什長何真雲奪獲刺刀一把並在張銀祥身上搜獲湯子謨致李雲波信一封張端芬率隊截住該匪後隊與匪對敵奪獲洋土拾礮共三枝陣斃匪八人是役我軍帶傷兵士什長劉登榜正兵陳國樑楊樹清陳發祥均被子彈穿入腿股腕腋各部該匪等潰敗後竄入太和場子耳壩意欲糾合餘匪重張旗鼓管帶探悉未敢喘息立即率兵前進派八營哨官趙榮慶教習曾星率隊由大小壩進攻派哨官呂聲贊扼堵宋坪飛雨胡管帶扼堵鴨子塘鄧管帶扼堵聚寶場是夜三更時匪黨聚衆來迎趙榮慶督令軍士奮勇抵敵陣斃匪將劉耀武一名匪徒二十餘名傷十餘名潰敗我軍乘勝追捕生擒匪要二人一名任其清一名文蠻當經訊明正法因川軍並未堵截餘匪遂得乘虛由南川路徑自由潰去致未能悉數殲除實爲可惜是役也計奪獲有機柄之無煙槍三枝無機柄之無煙槍及獨响毛瑟共二十枝土槍五枝共二十八枝九响子彈七百顆蓋板子彈二百四十三顆刺刀五把洋號一枝我軍被傷兵士計四營二名八營三名七營二名各等情具報前

來當仍飭龍管帶等繼續追捕餘黨務將全數殄滅去後適據赤水縣王知事督辦劉元堂管帶吳文彬北防代統熊其勳先後詳報陳匪舫珍糾匪千餘直撲赤城危在旦夕並奉鈞使飭令開帶赤水進剿督辦以此股匪徒既經大受懲創且已竄匿川省內地我軍雖越境剿辦而邊川各營隊或則袖手旁觀或則遇匪即敗甚或望而卻走若必深入川境滯礙實多且赤水防務吃緊自不能不移緩就急當一面咨明川邊營縣認真清緝一面傳知前敵各軍分道由川境開回便道搜索深山窟洞查緝逸匪均至正安集合督辦隨於八月二十六日由新洲馳返正官各軍亦於三十日三十一日先後抵正據胡管帶報稱本營哨長耿仁品擒索川屬五家山一帶擒獲匪黨任六康甫廷二名哨官吳永和搜索川屬魚全河一帶擒獲僧笏潘妻與發二名并獲任康兩匪槍二桿九龍帶十二柯刀四把叉一把公口名片通匪信件等物獲僧表二匪手槍步槍各一枝九响子彈四顆刀一把公口東單各物一包訊據該匪等供係湯子謨黨羽隨同搶劫不諱當予正法報請查核又據教練官魯頌呈報在川屬魚全河據獲匪團楊建之一名取獲快槍二枝子彈百二十顆土槍一枝搜出通匪信據及公口票片多起訊據供稱勾結湯子謨搶劫不虛隨即就地懲辦又據西防七營管帶鄧忠傑報稱在各口河通天崗搜獲搶匪評邦得何五二名訊據供認附從搶劫周雲五左龍山等當在南川涪陵兩屬地方攔劫客商各等供不諱立即將該匪許邦得何五二名就地正法各等情前來督辦覆查屬實即予批准立案一面督飭正安縣知事暨駐防管帶王擊英認真清緝逸匪妥籌善後一面調集各軍剋日開赴遵義會同省防統帶和繼聖赴攻赤水剿陳匪舫珍以杜邊患從匪周得貴石匪么一併予以正法用昭炯戒正擬將匪首李雲波等解省訊辦適奉鈞使飭遵將該匪首李雲波僞軍師楊以實廖叔昆等一律就地正法出示宣布罪狀以彰國法而警戒尤竊查黔川接壤之放牛坪大小岸木花洞以及川地水江石冷水關鳳來場一帶跬步皆山原隰險阻羊腸鳥道地勢崎嶇該匪等伏處其間熟習地利便於竄逃服裝混雜既難辨認零星散伏緝捕不易甚至槍械暗藏山洞深林尤難搜獲即臨陣奪獲者多將機柄撤棄狡猾築窠更甚洪匪附近屬

民下焉者勾匪以漁利上焉者亦藉匪保身家以致荆棘滿地匪焰日張此次勞師襲遠步步爲營跋履山川師不宿飽仰托鈞威三軍用命幸能殲彼羣醜稍靖匪氛然使川邊軍隊能以偏師切實會剿何難一鼓聚殲卽不然而我軍越剿之時川軍認真截堵力與匪抗該匪等當殘敗之餘亦何從安間潰去目前李匪雖已授首而餘孽未盡竄伏川中恐誤黔邊正安附近一帶亦只能得暫時之安日後仍將有事且赤水仁懷一帶緊接永叙迭得偵報及商家函件陳匪有亂黨扶助一切舉動具做行式之行軍組織將來剿辦時若仍如此大結果聽其暢行無阻自由奔潰則川黔邊境安能有一勞永逸之日言念及此殊深焦慮督辦惟有不分畛域力遏匪氛以期上答 大總統及鈞使知遇之隆下拯黔川兩省邊民塗炭之苦願汲長綆短亦只能竭其力之所至而已所有剿辦股匪李雲波先後擒獲匪魁陣斃匪要暨餘匪竄入川省內地越境追剿并剋期開赴赤水仁懷各情形理合具文詳報查核等情據此查李匪雲波陳匪昉珍素號兇悍加以褻脅能逆潰匪人多械利聲勢浩大且有亂黨潛伏其間勾結煽惑曾經查獲證據川黔交界二千餘里均被其分頭滋擾商路不通居民受害劫殺之案幾於無日無之曾由戡顯世電呈 大總統并咨川會剿有案乃近月以來赤水仁懷一帶因黔軍剿辦李匪未能全力兼顧陳匪在川乃愈猖獗探聞該匪現聚衆數千盤踞薄刀嶺并肆掠永川古宋三灣子及老君驛附近各處抗拒官軍勒繳食米劫搶公私款項黔邊岌岌警報紛來日來該匪竟僞造川省地方官及軍官印文驅謊黔邊文武過川會哨幸均查覺未受其欺并聞日前陳匪昉珍部下悍匪吳子清被川軍獲拘禁古宋縣匪等竟以巨脅股圍放出此事詳情如何雖未深知然其匪餓之熾亦可想見現在該督辦劉顯潛既由正安趨赴赤水戡顯世已一面再電川省協力防剿一面懸賞緝拏仰遵 大總統電令務獲該匪究辦惟將來剿辦之時能否不至如此次剿辦李雲波現象殊不敢必此則私心竊慮不能不剴切呈明者也所有此次在事出力人員除俟清鄉事竣再行彙案呈請給獎以資鼓勵外理合先將剿辦情形具文呈明謹祈 大總統鈞鑒訓示施行再此呈係由戡主稿合併呈明謹呈

批令呈悉應仍督飭軍隊嚴拏逸匪務獲究辦并責成川軍協力防剿毋令縱弛交內務陸軍兩部分別轉行遵照此批中華民國三年十一月二日國務卿徐世昌

▲督理江蘇軍務馮國璋江蘇巡按使齊耀林兩淮鹽運使姚煜會呈遵諭會核陸軍少將長江下游總稽查米占元條陳剿辦江蘇土匪辦法乞鑒核文並

批令

為遵諭核議會同呈覆事竊准統率辦事處函開據陸軍少將長江下游總稽查米占元條陳剿辦江蘇土匪節略詳加查核所陳不為無見奉諭鈔交會同核議辦理等因鈔錄節略函達前來原呈節略內稱江蘇之匪大半皆係鹽梟以太湖及淮徐海各屬為窟宅防不勝防各地董事地甲之徒往往與匪通氣舉辦清鄉有名無實派兵搜剿則客軍深入地勢人情均非所諳頗難奏效宜將太湖水警內河水警兩淮緝私營清江浦軍痛加整頓統以熟悉地方情形之將領江蘇匪患庶有已時等語伏查蘇省原有長江內河太湖飛划各水師前經呈明裁改為水上警察兩廳第一廳駐防沿江第二廳駐防內河另編淮揚游緝水師駐揚鎮運河一帶此外復有鹽捕各營分巡長江下游各屬緝私各營駐紮兩淮南北一帶地方現駐清江浦之第十九師係屬陸軍自護軍使蔣雁行移交國璋接管以來正在設法通籌整頓該軍警等分防要害各有責成而每遇警報無論土匪鹽梟向均協力緝拿不分畛域自上年國璋到任後以江北匪氛正熾迭經派撥軍隊分投剿捕著名股匪懲創已多其報獲搶劫盜犯案牘業尤難縷計近復調撥陸軍第五旅暨責成十九師各軍隊分任淮屬一帶地方大舉搜剿體察目前情勢似不難漸就肅清惟水陸地段總長兵力不敷分布又值徐淮海揚通各屬清鄉甫經停辦江北各縣警備隊尙未能一律編成是以零星搶劫之案仍有所聞已迭由國璋耀琳嚴飭軍警及地方官竭力巡防互相策應一面分飭江北各縣將警備隊剋期成立當不致虛糜公帑徒託空言並經煜督同緝私各營籌畫分巡仍注重於淮北地方藉資鎮懾原呈節略辦法無論軍警編制不同緝私

向隸鹽務統以一人控制爲難且水陸千餘里之遙亦恐鞭長莫及應請毋庸置議所有遵諭核議緣由理合會同呈覆伏乞 大總統鈞鑒核示祇遵再此呈係國璋主稿會同耀琳焜辦理合併聲明謹呈
此令呈悉交內務財政陸軍三部查照此批中華民國三年十二月七日國務卿徐世昌

▲徐州一帶檢察使蔣雁行呈大總統轉呈參謀劉文翰調查徐州土匪情形暨善後籌計事宜清摺請鈞鑒文並批(附清摺)

爲呈請事竊據參謀劉文翰調查徐州土匪情形暨善後籌計四策呈請前來查該參謀劉文翰所陳各節可爲軍事上參考之資理應粘呈恭請 大總統鈞鑒

謹將調查徐州土匪情形暨善後籌計事宜繕具清摺恭呈鈞鑒

竊謂治標必先治本正本尤須清源參謀隨侍來徐將及兩旬參閱各項報告概稱徐州土匪兵到則散兵去則起大股雖經痛剿而遠遁小股仍復時起而搶掠徐屬一帶殘破搶掠幾無完土參謀聞此不禁由憫生恨由恨生憤遂於公餘之後乘馬四出或微服祕行考究土匪詳情并調查各處風俗一般地勢茲綜合日記觀之始知軍隊此剿彼竄彼剿此竄治標未治本正本未清源也謹舉徐州前後情形地勢利害試略陳之徐州古名彭城環圍皆山地勢險要人性强悍扼津浦之要衝爲南北之屏障稱四戰之地界三省之邊本地土匪易於出沒鄰省客匪亦視徐州爲藏匿之良好地點數十年來民匪雜處桀黠者均習而爲匪即善良者亦漸入而俱化素稱匪藪良不枉也故前清世代徐州有道台鎮台及徐淮統領等大官統帶防營數十專爲緝捕匪類防範盜賊而設其法固知至善然日久弊生兵官不事教育久駐一地養成游惰不獨不能捕匪而反漸與匪習風氣相沿貽害匪淺詢諸往事歷歷可指所以徐州窮民失業之徒均以劫掠爲謀生之路軍械子彈百計購求年復一年日甚一日當客歲光復前後所有叛兵及遣散各軍無所歸著暨桀黠不馴之徒携槍帶械大半聚匿於此與原有著名土匪相勾結焚燒搶掠無所不至此今日土匪所以猖獗之原因也由是觀之

只顧一味痛剿疲勞兵力而匪之根株難期盡絕是非清理匪源不爲功其清理之法有四端試列如左一添駐軍隊以藉資鎮攝也徐州地勢乾燥交通又稱利便物產豐美給養尤非困難城之周圍地形半山宜於步馬各隊操演更宜山野兩砲運動如由蘇省陸軍中簡軍紀嚴肅訓練精良之二師駐紮徐州多行野外演習遠路行軍借表威嚴匪徒畏而潛伏不剿自靖（兩師同駐一地須設有總機關事權方能統一爲節省經費計卽以江北護軍使移駐徐州爲善）二清查戶口以別良莠也徐州數十年來戶口未經清查軍械子彈家家俱備孰匪孰民皂白莫辨若有精良軍隊編一混成團會同民政長議事會選派公正廉明威望素著之紳董數人隨同軍隊挨戶查驗爲匪有確證者斃之嚴搜軍火有敢藏匿不獻者加等治罪匪徒空手無恃勢焰自斂三興辦警察以相助守望也各國治內政策莫不注重警察徐州各屬警察廢弛已達極端若各處同時并與固屬非易應先由土匪最多之銅沛兩縣及十八團地方倡行以爲各屬之模範漸次推廣較易著手以該兩縣之地面計之每縣約分爲十區每區步巡三十名馬巡十名（巡士先由陸軍遣散之兵士挑選）予以厚餉（一切經費均由兩屬之湖田收入項下動用不敷由民間攤派或由省庫撥給）給以利器實行遊巡嚴加警衛匪徒藏身無所根株自絕四廣興商農學以化莠爲良也徐府自去年至今公學私塾概行停止大小商業亦皆歇辦富者逃避貧者失業耳聞目覩無非土匪人心放蕩不可收拾應於大股土匪剿平之後地方喘息稍安之餘責成民政長省議會就原有學校一律重開未立學校者亦一律創設一面勸導一面強迫并設法籌款整頓市面農民無力播種者設法借以資本俾人人業有專務盜賊自消以上四條當徐州現勢誠爲刻不容緩之舉若能於豫之歸德皖之穎毫魯之曹兗酌合情形揆度時勢仿照各條與徐州之銅沛同時舉辦則四省匪源一時廓清四省幸甚民國幸甚謹舉管見所呈以備參考參謀劉文翰謹呈

批據呈已悉該參謀於從公之暇旁查土俗備悉匪情深堪嘉許所陳辦法不爲無見應卽留備參考此批中
華民國元年十一月初四日大總統蓋印趙秉鈞署名

▲四川都督及民政長呈報川省上年十月至年底各屬懲辦匪徒姓名事實撮要列表文並批

爲呈報事竊維爲政莫先於安民安民莫急於除暴川省地廣民稠素多伏莽哥老會匪尤爲盜源前年反正哥會囂張省垣構變軍械復失由是亂兵會匪互爲結合快砲精槍特爲利器流毒既廣爲害實深繼以渝亂發生匪黨乘機響應爲股數十聚衆數萬攻城據地所至騷然仰託德威以此戡定而逃兵潰匪皆攜利械或仍糾集大股盤踞山林或則裹脅游民竄擾鄉鎮焚殺擄掠時有所聞景伊有整軍保民之責廷傑受任於大亂之餘竊以川事善後經緯萬端治匪安民實爲急務茲經嚴飭各駐防軍隊各屬知事督同軍團相機剿撫數月以來各路匪徒幸已次第撲滅其餘各屬搶劫拉擄之案亦復逐漸減少謹將分道辦理情形觀縷陳之川東之匪以毗連湘黔之綦江南川涪陵酉陽各縣爲最次則永川榮昌璧山江津銅梁大足等縣亦稱多盜熊逆嘯聚招匪自助著名巨慝悉被勾結各擁徒黨絡繹成軍自該逆敗逃匪亦望風潰散還聚山谷景伊廷傑早經分飭出征軍隊及各屬知事設法搜剿近據各處呈報如江津之戴家溝永川之三層岩及涪陵之木花洞等處大股匪徒悉經軍團先後擊散均各斬匪數百其永榮璧各縣傍東大路一帶盜風最熾之地亦經節節疏通商旅暢行無阻他如萬縣梁山忠縣銅梁大足等縣則已安靜如昔南川綦江接連黔省諸地亦頗寧謐惟酉陽與湘黔交界地方尙有匪跡出沒已約會兩省嚴加搜緝當不難指日廓清川南之匪素以高琪慶符長寧與文筠連及叙永江安合江納谿古宋古爾等縣爲害最甚尤以貴州仁懷連界大洞場及土地城地方匪首唐芳胡麻三胡國良梁煥庭多子超劉世榮等爲最凶悍該匪首等各糾黨羽數百挾持快鎗時出沒於永合各縣擄劫境鎮拉擄良民景伊廷傑以該匪一日不去川南之民一日難安歷飭地方文武設法擒拿祇以界連鄰省籌密山深此擊彼竄久未弋獲復飭叙合納宋爾五縣知事合力兜捕追至貴州大洞場及赤永廳等處幸將該匪首唐芳胡麻三及匪黨李五魏四黃牛一併擒獲懲辦其劉世榮一股因所持快鎗甚多

且負嶠自固未便逕行剿辦或致四竄擾民經飭納谿叙永知事會同招撫該匪等亦鑒於唐胡各匪覆轍自願散黨繳械具結投誠特寬既往予以自新胡國良梁煥庭多子超各股亦經廷傑飭由川南觀察使會昭琪督同叙永長寧各知事先後招撫收鎗刻已辦理完結此外尚有匪首蔣矮子刁矮子等不時糾匪數十搶撲人民亦屬川南巨盜現幸獲案處決餘黨就擒者各按情節分別釋辦查川南大股匪徒經此次剿撫兼施實已一律斂迹刻下各地秩序漸復人民樂業雖偏僻小道有餘匪尚伏已飭各該文武實力巡緝自可剋日掃定至如資內一帶地當衝要久經駐軍鎮懾實無匪跡邛蒲大邑向稱匪藪近皆安靜名山之黑竹關夙爲巨匪卯育之區現亦雀苻悉靖行旅無驚川西各屬匪風熾於他道自同志軍興或屬哥老游民強半入伍遣散以後無業可歸勾結土匪遂爲民患又成屬團練多屬舊時同志軍改組團匪混淆弊害尤深經飭川西觀察使倪煥奎率領警隊分道出巡并飭將不法團練一律勒令解散迭據呈報已遵令從新整頓內如溫江灌縣團練夙爲哥老把持歷任知事皆未敢一擾其鋒現亦悉行遣散並就地懲辦多匪敗類因之斂跡正氣由是大伸上年冬防較之前清尤覺安靜其由灌縣越茂縣理番懋功各廳縣地屬邊僻劫掠時聞經飭軍隊節節搜剿商旅亦通不虞梗塞至龍綿匪案向不如成屬之多上年張逆百祥首陷綿城江彰安石相繼失守大軍進討諸逆潰逃匪風遂以大盛嗣令游擊清鄉司令龔達舒澤吾等會同各知事先就股匪設法剿撫數月以來地方秩序悉已回復匪首何鼎成等並經投誠先後繳呈快鎗數百支卽以分配龍綿各屬知事以資緝捕總計川西全道刻均安堵如常至於川北各屬民風淳樸匪徒素少上年張尊莊嚴各逆勾結叛兵外匪擾亂閬中東安廣安各屬相繼告變益以熊逆潰兵紛紛竄入於是民俗純厚之地亦爲匪黨嘯聚之區前飭各軍營團擇要駐紮隨時搜擒並飭由川北觀察使高培德認真查拏近據呈報自將積惡首要周定邦等誘出正法地方卽已異常安靖竊查川省匪患始成於上年改革之初繼盛於成渝兵變以後今雖逐加蒐彌漸就寧謐而追原禍始自非迅籌治本之法不足以課久永之安廷傑現已迭令所屬將各處哥會先行勒令解散並

查明各該首魁嚴加取締一面查提各公口碼頭底金興辦工廠以安游惰而絕亂源並飭實行編聯保甲清查戶口俾內奸無處藏身外匪不易混入復由景伊通令各軍再行設法收集鎗支勿任以尺鐵再握匪手致長兇餓凡此諸端尤爲目前要務景伊廷傑同膺疆寄責有專歸自當嚴督軍吏逐次進行俾收一勞永逸之功正副 大總統除暴安良之意斷不敢稍涉疏懈致蹈愆尤查以上各節業經電呈在案茲再將川省自上年十月一日起至十二月底止各屬懲辦匪徒姓名事實撮要列表呈祈 大總統俯賜鑒核令遵除分別函呈國務院陸軍部參謀部內務部查核外謹呈

批呈表均悉所有未清餘匪應仍由該都督民政長督率各該縣知事及駐防各軍隊嚴密查拏務期盡絕根株以安良善此批表存中華民國三年三月二十三日國務總理孫寶琦內務總長朱啓鈴陸軍總長周自齊

▲湖南都督兼民政長湯薌銘呈報湘省匪徒滋擾及辦理情形文並批

爲呈報事竊查湘省迤南一帶民氣剽悍嗜殺尙鬪相習成風而道縣永明江華寧遠各屬地接兩粵尤爲匪盜出沒之藪在前清時迭經湘粵疆吏派兵剿捕此擎彼竄沿爲故常湘中經上年暴徒蹂躪網紀蕩然各該縣匪盜以懲創未加燎原益熾鄉鎗蒞湘之後迭經飭令該地方文武協力痛治務絕根株茲據各該知事等將剿辦情形陸續呈報前來竊銘綜核所呈該處飄匪橫行劫殺無忌或捉人以勒錢財或縱火以逞威勢如匪首鄧富恩卽馬師爺等糾合黨羽前在道縣洪塘營地方焚燒至三十餘村劫掠至三百餘戶傷斃良民爲數甚衆閭里爲墟情形至酷經道縣永明各知事會營剿捕一面妥爲安撫被難人民該匪黨等尤復據守道永界之大江源地方負隅抗命幸經該文武奮勇進攻始各潰散計是役陣斃悍匪數十名復由各該文武先後獲匪訊供確實就地懲辦者亦數十人而該匪黨惑不畏死又以廣東佛山江道共和館總督名色在江華縣屬之東山地方遍貼僞示藉口劫富濟貧肆行焚掠該江華縣知事會營馳剿旋復分道竄逃正在窮追寧遠地方亦有股匪出沒雖經弋獲多名先後正法然匪蹤飄忽聚散無常薌銘竊以治匪之通不外剿撫兩端

湘省道軍各屬此次發現匪案大率以本地土匪勾結外來粵匪營巢轉械互為聲援散則為民聚則為寇窮追則鄰省易竄招撫則野性難馴自非會合兩粵協力痛剿不足以收掃盪廓清之功除由甯銘嚴督各該屬文武極力擊剿並分函廣東廣西都督民政長飭屬協同相機防剿仍一面責成道縣江華寧遠永明各知事將各該縣清鄉事宜趕緊分別舉辦以清亂源而弭隱患外所有湘省道縣各屬匪徒滋擾及辦理情形理合先行具文呈請 大總統俯賜鑒核訓示祇遵謹呈

批據呈已悉該省餘匪務宜清查嚴辦以絕根株而弭隱患並分交院部查照此批中華民國三年四月二日 國務總理孫寶琦內務總長朱啓鈴陸軍總長周自齊

▲奉天巡按使張錫鑾呈省城陸軍擊獲盜犯請免經審判程序支由軍法課訊辦以期捷便文並批令

為省城陸軍拿獲盜犯請免經審判程序交由軍法課訊辦以期捷便仰乞鈞鑒事竊查奉頒懲治盜匪條例及司法部通行管轄權限規定軍隊駐在地如合於第五條所列之款情形得由軍隊長官審判其餘則均歸縣知事或審判廳管理詳釋例意原為權衡緩急區別輕重立法至為完密自應遵照辦理惟奉省盜風素熾巡緝搜捕端賴軍隊為之補助駐省陸軍本由巡防改編近省各縣凡遇股匪為正預警力所不逮者向由軍隊協剿在前清時代雖審判廳已經成立而省城防營獲盜尚設特別審判廳為之判決猶天津之有北洋發審處以其辦理迅速免生意外也自特別審判廳裁撤後獲匪則送軍署軍法課訊辦一鞠成讞立予正法年餘以來辦理極為迅捷今治盜條例係歸巡按使主政若另設特別審判機關須另籌款若改照法部通電送交法院非手續煩瑣易誤事機且該法院地處省會訟案較繁僅理尋常民刑事件已多積壓以現時情狀實難擔任定案即令提前審判而程序既難省路辦事亦多延誤錫鑾為治盜嚴速起見擬請嗣後凡駐省陸軍拿獲盜匪仍照向辦成案徑送將軍行署軍法課審理以昭捷便而寒匪膽結案後仍以條例分別案情錄

報陸軍部及咨由巡按使轉飭高等審判廳備案至省外陸防各軍拿獲盜犯仍照條例及部電辦理以清界限理合具呈謹乞 大總統鈞鑒訓示施行謹呈

批令准如所擬辦理交陸軍司法兩部查照此批中華民國三年八月十四日國務卿徐世昌

▲署察哈爾都統何宗蓮呈擬懸重賞購緝口外著名積匪請飭下部處分別備案文並批令

為擬懸重賞購緝口外著名積匪以期速獲而靜地方仰祈鈞鑒事竊據騎兵第三旅旅長張九卿詳據駐防察哈爾西路第六團團長劉德掄詳稱現查口外西路一帶有著名匪酋趙有祿張五十四等十三名橫行鄉里惡愆久著良善者被其擾害榮驚者漸多附從者不及時捕治竊恐貽患方長惟查該匪酋等行蹤詭秘耳目衆多遂以兵力相加勢必聞風潛匿就獲無期再四思維惟有重懸賞格密募機警兵士或土著人民素悉匪情而忠誠可用者委以祕捕之任重賞之下必有勇夫激勵有方易收奇效現該匪酋等出沒無常團長除飭各營認真搜剿外仍懇詳請中央分別懸賞緝拿俾獲早日就緒藉安良善實為公便開具姓名單詳由該旅長轉請核辦前來宗蓮覆查該匪首趙有祿張五十四及白大雙喜馬有才蒙古三等均係口外著名積匪向在右翼一帶盤踞各有黨羽忽合忽分此拿彼竄口外不法之徒率多歸之宗蓮到任之始即聞其名當前清宣統三年冬間及民國元年正值地方紊亂之際膽敢率衆騷擾豐鎮陶林各縣前任陶林縣知事亦被其戕害前者宗蓮屢次派兵往拿均皆聞風逃匿日久不除不但為地方之害且恐養癰貽患滋蔓難圖茲據該團長劉德掄所陳擬懸重賞嚴密募捕誠為治匪要策應即准如所擬辦理以期速獲而靜地方除批示外理合開具匪首姓名並賞格數目一併隨文呈請謹乞 大元帥鈞鑒飭下統率辦事處及陸軍部分別備案施行謹呈

批令交統率辦事處暨陸軍部查照備案單併發此批中華民國三年八月十五日國務卿徐世昌

▲山西巡按使金永呈省城警備隊擊獲盜犯擬請免經審判程序交由警備執
法營務處訊辦以期捷便文並批令

爲省城警備隊擊獲盜犯請免經審判程序交由警備執法營務處訊辦以期捷便仰乞鈞鑒事竊查奉頒懲治盜匪條例第二條凡犯第一條各款之犯由縣知事審實後逕詳巡按使按照軍法核辦俟得回報後卽行執行等因仰見 大總統保安地方辟以止辟之意欽佩莫名晉省近來盜匪充斥各縣詳報搶劫之案層見迭出爲地方治安計不得不從嚴懲辦以遏盜氛惟懲辦固應從嚴而手續尤期迅捷晉省警備隊已經完全成立現派赴各屬擇要駐紮擊獲盜匪指不勝屈若必悉提交司法衙門辦理非特手續煩瑣且誤事機且該法廳地處省會訟案繁多尋常民刑訴訟辦理已多積壓倘再委任審理盜案就現時情狀實多窒礙且按之懲匪條例亦不符合查前於呈報組織警備隊立案內曾經聲明於省城設立總機關名曰警備執法營務處專司核發餉糈審辦積匪亂黨等事當經呈奉批令交部查照在案擬請嗣後由駐紮警備隊擊獲盜匪請免經審判程序逕發省城執法營務處審理以昭捷便而寒匪膽其或由軍法改遣以及連帶輕罪人犯應如何執行懲匪條例未有明文惟查八月二十七日政府公報登載陸軍部呈擬將軍法改遣人犯歸普通司法衙門遞解請示由奉批令事關軍法人犯未便由普通司法衙門遞解仍歸該部自行辦理等因執行與遞解事同一律以彼例此盜匪案件應處徒刑人犯不能歸司法衙門執行可知擬請嗣後凡此項人犯若由省外發生者則發交該原縣執行其於省城發生之犯則逕由該處執行以歸簡易而免混淆並請援照陸軍懲治盜匪報由陸記部查核之例按季彙報內務部查核是否有當理合具呈謹乞 大總統鈞鑒訓示施行謹呈

批令准如所擬辦理交內務陸軍司法三部查照此批中華民國三年十月六日國務卿徐世昌

▲江西巡按使戚揚呈遵奉懲治盜匪條例擬設承審處提犯覆審以昭慎重文

並批令

爲遵奉懲治盜匪條例擬設承審處提犯覆審以昭慎重仰祈鈞鑒事伏讀本年七月二日 大總統申令
茲制定懲治盜匪條例公布之此令並奉條例十條逐條恭釋本除暴安良之微旨爲用刑弼教之始基莫名
欽感當卽飭屬一體遵照在案查贛省民情本尙馴良乃自改革以來洪江會匪句結於前各處亂黨雜沓於
後閭閻多被騷擾風俗遂亦驚陵重案徒事遷延刁徒益無忌憚今既奉令制定條例自應切實奉行按條例
所載第二第六第七之規定巡按使有監督執行之責有提審覆判之責此後凡遇盜匪各案自當詳取確供
以條例爲標準判罪定案惟各縣知事及軍隊辦理此等案件往往不能明晰具報或以單簡電文率請執行
疑竇既多爰書難定往返駁詰殊需時日雖第七條載有巡按使認爲疑誤時得飭令再審或派員覆審及提
交高等審判廳審理明文但飭令再審何慮膠執成見語焉不詳派員覆審贛省交通不便遠隔千餘或數百
里不但經費無出亦患瞻徇扶同敷衍塞責至提省發交審判廳審理廳務紛繁諸多轉折且案關亂黨事機
間不容髮訊供應速應密有難遽爾宣布者思維再四查照條例既得以覆審與其派員前往覆審尙虞隔膜
何如於政務廳另設承審處就近覆審細鞫案情更爲明確查十月十三日政府公報載四川巡按使陳廷傑
以奉頒懲治盜匪條例後卽在公署政務廳暫設承審處提審盜匪備述應設之必要與十月九日公報所登
山西巡按使金永擬請將盜匪發交警備執法營務處訊辦名稱雖殊用意相類該兩省均呈奉批令准如所
擬辦理在案揚愚昧之見擬卽援請照辦卽在本署政務廳設立承審處派審有經驗精通法律之員爲承審
員以政務廳長總其成嗣後各屬盜匪等案如詳報未能妥協必須提省覆審者卽發交該處乘公覆審由揚
監督判決執行以昭慎重似此辦理按之法理並無牴觸而隔閡與枉縱之弊不禁自絕藉以重民命裨吏治
而辦法敏捷盜匪庶聞風斂迹所有遵奉懲治盜匪條例擬具委員覆審辦法緣由除陳內務司法部外是否
有當理合具文呈請 大總統鈞鑒訓示施行謹呈

批令准如所擬辦理維提審盜匪案件如係查照懲治盜匪條例應處死刑之犯准由該巡按使監督判決執行其餘仍交法庭審辦以清權限交司法部轉行遵照此批中華民國三年十一月九日國務卿徐世昌

▲**暫署陝西巡按使鈕傳善呈請設警備執法處專司審理省城拏獲盜匪亂黨**

文並批令

爲請設警備執法處專司審辦省城拏獲盜匪亂黨重犯以期捷速而靖地方仰乞鈞鑒事竊查前奉 大總統令各省盜匪充斥非除暴無以安良著於凡有盜匪地方籌設警備隊以資保衛等因傳善隨將陝右全省招募警隊情形通盤籌畫酌定在省編練五營操演爛熟分派各縣巡緝鎮撫以收指臂之效遴委知兵可靠之員分營管帶即以巡按使兼任總司令統制各營曾經詳晰具呈在案自成軍以來派出偵捕迭獲白狼黨羽金得寅長安劫場之張老五楊松山楊春生柏西貴等均係著名要匪一經就獲即發長安縣知事訊取確供按之懲治盜匪條例情罪相符即由傳善批飭提營處決此等積惡大盜既已就擒即須訊辦捷速方足以塞匪膽而遏亂萌查十月九日政府公報登載山西巡按使金永呈請於省城設立警備執法營務處審辦積匪亂黨亦即是意已蒙 大總統批令准如所擬辦理交內務陸軍司法三部查照此批等因素晉情形大致相同而在關中一帶經白匪竄擾之餘餘孽潰散防捕尤關緊要務期有匪必獲獲匪必辦倘逐案交法應審理亦如晉省原呈所云諸多窒礙且與懲治盜匪條例亦不符合則執法機關尤宜速設傳善前呈業經請以巡按使兼任警備隊總司令自可不必再設營務處擬就總司令部設一警備執法處除省外各縣拏獲盜匪仍由各該知事照章巡詳巡按使俟得回報即行執行外凡在附省各處拏獲積匪亂黨即由警備執法處審究如依懲治盜匪條例罪難寬減即請總司令照軍法核辦批飭執行案內盜匪如有應處徒刑人犯亦照山西請准之案由該處執行按季彙報內務部查核俾歸簡捷而免遲誤所有請設警備執法處專司審辦省會拏獲盜匪亂黨緣由是否有當理合具呈謹乞 大總統鈞鑒訓示遵行謹呈

批令准如所擬辦理惟拿獲盜匪如係查照懲治盜匪條例應處死刑之犯卽由該巡按使核飭執行餘仍交法庭審判以清權限交司法部轉行遵照此批中華民國三年十一月十二日國務卿徐世昌

▲廣東巡按使李國筠呈遵行懲治盜匪條例設立執法處派員審理文並批令
爲遵行懲治盜匪條例設立執法處派員審理以期便捷仰祈鈞鑒事竊查奉頒懲治盜匪條例凡犯第一條各款之犯由縣知事審實後逕詳巡按使按照軍法核辦俟得回報後卽行執行等因遵照在案粵省警衛軍於本年九月劃歸巡按使署接管所有各營獲解匪犯多屬軍法範圍若無一督審機關殊於執法明刑諸多妨礙且粵省盜風素熾劫擄橫行審辦尤貴嚴速庶足以戢盜匪而靖地方近政府公報載有署四川巡按使陳廷傑呈准查照前督撫臬司設立營務處發審之例就巡按使署暫設承審處酌派人員分司其事凡遇各屬詳報匪盜及關於作亂案件情節較重認爲必須提審者卽提交該處復審詳轉由巡按使隨時監督核實以昭慎重又山西巡按使金永呈報省城警備隊拿獲盜犯擬請免經審判程序交由警備執法營務處訊辦以期便捷各等因均蒙 大總統批令准如所擬辦理各在案今粵省事同一律而匪風猖獗盜案繁多尤有甚於川晉兩省亟應設立執法處以專責成當經國筠於省城設立執法處查有前清江蘇補用道龍耀樞歷任繁缺州縣多年才具優長法律精審卽經委充該處處長遴用明晰法理精勤幹練之員分司其事凡遇各屬詳報匪盜及關於軍法案件情節較重認爲必須提審者暨近省各營獲犯均飭發交該處復審詳轉由國筠隨時核飭懲辦以昭慎重而期便捷庶於治匪明刑均有裨益除分咨內務陸軍司法等部查照外合將設立執法處情形具文呈報伏乞 大總統鑒核訓示遵行謹呈

批令准如所擬辦理惟提審盜匪如係查照懲治盜匪條例應處死刑之犯卽由該使核飭執行餘仍交法庭審辦以清權限交司法部轉行遵照此批中華民國三年十一月十八日國務卿徐世昌

▲署浙江巡按使屈映光呈審理盜匪案件援案設立承審處文並批令

爲審理盜匪案件關係重要擬請援案設立承審處以資慎密恭呈懇請鑒核事竊查奉頒懲治盜匪條例第二條凡犯第一條各款之犯由縣知事審實後逕詳巡按使按照軍法核辦俟得回報後卽行執行等因仰見大總統明罰勅法之至意莫名欽佩惟盜匪案件稍有出入動關生命故手續應歸於簡捷而聽斷不厭其求詳浙省於各屬判決盜匪詳請執行之案遇有供證不符及其他可疑之點率皆飭委復訊一俟訊明無異再予飭照原判執行原以期周密而免枉縱惟所獲盜匪亂黨往往犯事之地不止一區關連之案不止一起在復訊者非詳請本署轉飭有案縣署移送案據卽無以爲研鞫根究之地文書往復輾轉需時物證既以日久而湮沒人證又以牽連而久累而該犯久稽顯戮反不足以收懲一儆百之效而墜被害事主之心欲求慎重而適致濡延殊非所以仰體 大總統除暴安良之本意再三籌度正苦爲難伏讀本月九日政府公報署四川巡按使陳廷傑呈請暫設承審處一案奉批令准如所擬辦理交內務司法兩部查照卽由該部轉行知照等因映光尋繹之餘滋深感愜竊以爲調劑法律之用而平亭利罰之中良法美意無過於此浙督事同一律合無仰懇 大總統准予援案辦理就公署內設立承審處凡遇各屬詳報情節較重之案認爲情節不合有關出入者一概提交該處復審藉成信讞庶於以殺止殺之中仍寓刑期無刑之意其承審各員卽由映光隨時酌派署內深明法律之員兼充仿合議庭辦法其津貼暨雜項一切開支亦歸入本公署經費範圍不另支銷俟地方秩序大定卽行酌察情形呈明裁撤再浙省所轄內河外海警察及警備隊均由防營改編犯事官警適用軍法由來已舊陸警多招募退伍兵士充當亦含有軍隊性質以後除尋常事件仍由各該管官長處分外其重大案件及牽連盜劫者擬請一併飭交該處審理適用軍法以期迅結而昭畫一愚昧之見是否 有當理合具呈謹乞 大總統鈞鑒訓示謹呈

批令准如所擬辦理惟提審盜匪案件如係查照懲治盜匪條例應處死刑之犯准由該巡按使核飭執行餘仍交法庭訊辦以清權限交司法部轉行遵照此批中華民國三年十一月二十日國務卿徐世昌

▲湖南巡按使劉心源呈聲明拏獲盜匪擬請訊取確供仍准據電辦理以期迅速文並批令

速文並批令

為聲明拿獲盜匪擬請訊取確供仍准用電辦理以期迅速恭呈仰乞鑒核事竊維政治進化貴乎因地因時刑法要端期在毋枉毋縱湘省民俗强悍盜賊橫行改革以來紀綱廢弛退伍軍人失業浪游亂黨利用暗相勾結黨羽四布出沒無常重以毗連川黔粵桂等省山深箐密緝捕維艱以致不軌之徒動輒嘯聚為患歷經督飭各屬遵照 大總統公布懲治盜匪條例切實執行凡獲犯擬辦但能適合條例規定用電請示察核情罪相符無不立予覆准蓋盜風猖獗若非迅起時機必致釀成事變本年八月承准政事堂沁電解釋疑義復經通飭遵辦各在案茲准司法部咨內開辦理盜匪案件第一須依照明文處斷第二須詳細正式具報嗣後遇有確與條例及通電各規定相當案件依各規定處斷否則不得牽強援用又依條例第二條及第六條第二款詳報案件務各錄具全案供證用正式詳文備核其僅用電稟者應仍俟補錄供證正式詳報後再行覆准等因查懲治盜匪條例本為補偏救弊之術範圍既廣則限制宜嚴心原縮領疆符自應共體國家明慎用刑之旨切實奉行惟湘省民氣囂張伏莽遍地情形與他省不同各屬獲匪動輒數十若必一一正式詳辦文牘往還動稽時日不特無以鎮靜地方且恐劫獄奪犯之變將層出而不窮查本年湘省南路不靖業經靖武將軍湯蕓銘擬定戒嚴區域捕治盜匪簡章呈報施行合無仰懇 大總統俯念湘省秩序未復圖治不易除現定戒嚴區域內懲治盜匪隨時以軍法便宜從事外其餘各屬一經拿獲盜匪均經訊據確供先行電陳請示核辦錄供補報以免貽誤事機一面仍由心源嚴飭各屬於獲犯擬辦用電請示時務須根據規定條文不得牽強援用以昭慎重似此變通辦理於行政收敏治之效於條例無出入之嫌除暴安良裨益匪淺心源亦知清盜之本原非敘養不為功而治國之方應合標本以兼顧辟以止辟理有固然誠不忍以護持人道之盛心貽擾害閭閻之實禍除咨陳司去部咨外所有聲明拿獲盜匪擬請訊取確供據電辦理各緣由是否有

當理合呈請 大總統鈞鑒訓示施行謹呈

批令准如所擬辦理惟仍須根據規定條文不得牽強援用以昭鄭重交司法部轉行知照此批中華民國三年十一月十三日國務卿徐世昌

▲京兆尹沈金鑑呈體察地方現辦盜匪情形適用懲治盜匪法施行法變通辦理

理文文並批令

爲體察京兆地方現辦盜匪情形應請適用懲治盜匪法施行法辦理恭呈仰祈鈞鑒事本年十二月六日奉大總統申令參政院議決懲治盜匪法施行法茲公布之此令同日又奉申令各省各地方應否按照懲盜匪情形迅速切實呈報聽候命令遵行此令各等因奉此仰見 大總統明慎用刑因地制宜之至意欽佩莫名查京兆地方向稱多盜改革以來視前加厲金鑑本年三月到府尹任後奉前國務院盜匪案件劃歸軍事範圍之通令旋奉公布懲治盜匪條例均飭屬謹慎遵辦計先後由各縣知事審實及由各部警備隊查獲詳送審實核准執行槍斃之案約達一百餘起斃盜近二百名按月呈報有案供證均係確鑿審核極爲慎重既不敢稍有冤濫亦不敢偶涉稽延著匪僻天佑趙純昇白連各案均於獲案後三數日間辦結人心爲之稱快數月以來居者行者漸少戒心報劫之案逐漸減少蓋見有案必破破案必辦辦結必速此中機緘消息全在上下一致呼應靈通寬猛適當乎人心法律遂神其效用現在各屬清鄉甫竣保衛團粗具規模似地方漸有治安之望然盜匪之出沒恆視乎法令之寬嚴現屆冬防宵少伺隙思逞京兆屬縣二十不敢謂轄境之內決無股匪發生設當事機急迫之時亦復拘牽文法輾轉延滯貽誤必多此懲治盜匪法不能不施行於京兆區域以期經權互用者也惟查懲治盜匪法施行法第四條遇有成股盜匪發或盜匪持械拒捕除由防剿之軍警各隊臨陣格殺者外其當場拿獲盜匪各犯由防剿之軍警各隊首領長官立即審判執行得不適用第二條報請核辦之程序等語竊維條文凡遇股匪發經警備隊拿獲亦得由長官逕自審判執行

原因懲辦盜匪理宜迅速故有此規定之明文惟查京兆警備隊直隸於京兆尹而以副司令爲其統率其分駐於各屬者則應受隊司令之指揮所有各縣警備隊拿獲此項盜匪如概令解由京兆尹發交執法科審辦則沿途有疏脫之虞如徑由隊司令審判執行則辦案有草率之慮兇犯固不可稽誅而生命亦宜慎重轉思維此項盜匪警備隊拿獲後擬請概交縣知事審判一經審實巡報京兆尹覆准報行如認爲有疑誤時得提交警備隊總司令處執法科審辦其尋常盜匪仍遵照懲治盜匪法辦理務期寬猛相濟輕重得平毋枉毋縱以副 大總統嚴勦奸暴矜慎庶獄之至意所有體察京兆地方現辦盜匪情形懇請適用懲治盜匪法施行法并變通辦理各緣由理合具文呈乞 大總統鑒核批示祇遵謹呈

批令應如所擬辦理交陸軍部司法部查照此批中華民國三年十二月二十二日國務卿徐世昌

▲河南南陽鎮守使吳慶桐呈擬請各營拿獲盜匪查照現行懲治盜匪法律辦理文並批令

爲南陽防務重要擬請嗣後各營拿獲盜匪應處死刑人犯仍由慶桐查照現行懲治法律辦理以資鎮攝具呈仰祈鈞鑒事竊按懲治盜匪法第二條內開強盜犯刑律第三百七十三條之罪者得處死刑又第四條內開匪徒犯左列各款之罪者處死刑一意圖擾害公安而製造收藏或攜帶爆裂物者二聚衆掠奪公署之兵器彈藥船艦錢糧及其他軍需品或公然佔據都市城寨及其他軍用之地者又第七條內開有高級軍官率之軍隊於其駐在地查獲第二條至第四條之罪犯時以具備左列各款情形者爲限得由該高級軍官審判之一駐在地與審判廳或兼理司法事務之縣知事之所在地相距百里外而交通不便者二事機緊急恐釀重大變亂或有劫囚及脫逃之虞者各等語網舉目張限制甚嚴理當遵行曷敢冒瀆惟職權所在卽責任所歸有不能已於言者謹將南陽現在防務情形暨歷辦成案請爲 大元帥縷晰陳之查南陽因上年匪亂經田前鎮會縣創設守望社兼辦清鄉遇有盜匪案件向係解送鎮署訊辦各處出有搶劫重案亦來鎮署報

告飭隊嚴拿其各營隊分駐在外歷獲匪犯均由慶桐核飭懲辦自慶桐到任以來每月訊明正法者至少數十名甚或百餘名歷經按月列表具報在案然雖如此懲辦而架人拉票之風迄未少減良以白匪餘孽尚多潛伏心理一時斷難向化加之災重年荒民情亦素稱強悍迥與他處情形不同且豫南防線西首秦境南接鄂邊籌備或疎則外匪亦虞闖入自非嚴辦不足以靖地方尤非速懲更無以寒匪膽慶桐再四思維當此多防緊要正在嚴辦清鄉之時各營分紮多處捕務方殷擬請嗣後各營捕獲盜匪訊明查照懲治法律凡應處死刑之犯卽由慶桐核飭按律執行其供情稍涉游移或罪不至死者悉令概過縣知事核辦以昭慎重期無枉縱慶桐爲因地制宜起見是否可行除分詳外理合具呈謹乞 大元帥鈞鑒訓示遵行謹 呈 批令已據河南將軍巡按使所請適用懲治盜匪施行法電令照准矣交陸軍司法郵部查照此批

▲宣武將軍馮國璋江蘇巡按使齊耀琳呈遵令查明蘇省地方現辦盜匪情形請明降命令准照懲治盜匪法施行定法爲施行區域文並批令

爲遵令查明蘇省地方現辦盜匪情形據實呈報仰祈鈞鑒事竊於本年十二月六日奉 大總統申令參政院議決懲治盜匪法施行法茲公布之此令同日又奉申令此項施行法公布以後所有施行區域原以地方情形爲衡各省各地方應否按照懲治盜匪法施行法施行及該管區域之處應責成各該將軍巡按使暨各該高級軍官體察現辦盜匪情形切實呈報聽候命令遵行等因奉此遵查蘇省地方近年軍隊屢裁災形疊告游民散勇往往流爲盜匪且長江太湖一帶素稱匪徒出沒之區江北各屬伏莽尤多搶掠擄贖橫行無忌甚有結隊成羣連劫焚殺拒敵官兵之事地方受其蹂躪商民至爲痛苦節經察酌地勢派隊駐防合力剿捕並飭各縣切實籌辦審備隊及保衛團認真巡緝以期有犯必獲獲必重懲故自實行懲治盜匪條例以來峻法嚴刑匪類稍知斂跡地方賴以粗平成效既著自當一致進行况今秋江北巨災窮黎四出廣集爲患加以歐戰風雲人民失業者衆良莠不齊黨匪潛伏日夕窺伺乘機思逞治盜治匪之法倘或迂迴程序久稽顯

戮體查現狀實非所宜所有江蘇全省地方應請明降命令准照懲治盜匪施行法定爲施行區域庶幾經權互用除暴卽以安良仍當嚴加考核不使營縣濫用職權枉殺無辜以期仰副大總統鋤惡務盡視民如傷之至意謹將查明蘇省地方現辦盜匪情形會同呈請 大總統鑒核訓示施行謹呈

批令江蘇地方應准照懲治盜匪法施行法定爲施行區域交內務陸軍司法三部查照此批中華民國二年十二月二十三日國務卿徐世昌

▲同武將軍閻錫山巡按使金永呈山西地處邊要盜匪橫行請照懲治盜匪法
施行政辦理以資懲罰而保治安文並批令

爲山西地處邊要盜匪橫行請照懲治盜匪法施行法辦理以資懲創而保治安遵令呈明仰祈鑒核批令事竊於本年十二月六日奉 大總統命令前據參政院議決懲治盜匪法業經公布施行旋卽提出懲治盜匪法施行法復經參政院議決咨由本大總統公布在案前頒懲治盜匪法所以示立法之準現頒懲治盜匪法施行法所以濟立法之窮張弛異宜經權互用此因時立制之道也慨自改革以來盜匪充斥民不聊生將欲除暴安良非峻法不足以資懲艾故刑亂不嫌用重縱惡適以長奸設當事機緊迫之時亦復拘執成規迂迴程序將盜匪以輾轉而久稽顯戮官吏以推卸而罔顧考成大之貽誤地方小之爲害黎庶安危治亂關係匪輕該管文武詎能辭咎然使誤會意旨濫用職權枉殺無辜玩視人命斷者不可復續死者不可復生上干天和下違人道怨氣所積釀爲亂階在法律本有治罪之條卽上官亦有失察之咎設被言路糾彈或由人民告發一經查實定卽重懲本大總統本鋤惡務盡之懷寓視民如傷之隱寬嚴不容稍假輕重務得其平各該文武長官其各善體此意至此項施行法公布以後所有施行區域原以地方情形爲衡除京師及特別要塞地方關係重要應責成軍政執法長官依法辦理外所有各省各地方應否按照懲治盜匪法施行法於該管區域之處應責成各該將軍巡按使都統京兆尹暨各該高級軍官體察現辦盜匪情形迅速切實呈報聽候

命令遵行此令等因仰見我 大總統審顧周詳寬猛並濟之至意欽佩莫名伏查山西萬山重疊環繞黃河本爲馬賊會匪出沒之區改革以來土匪蜂起燒殺搶擄慘不忍聞而逆匪續桐溪弓富奎陳采章等又復先後變志句裏黨衆謀爲不軌肆行搶劫到處爲害今年夏縣金鐘教匪起事若非軍隊得力幾至不可收拾現幸地方平靖而省南陳逆采章省北續逆桐溪弓富奎均未就獲終爲心腹之患其晉西鎮守使所轄區域尤爲要塞救時之策惟有嚴密搜剿應機懲辦庶幾盜匪肅清地方安堵若必拘執成規迂迴程序不特顯戮久稽難期鎮攝且羈押監獄劫奪堪虞審時度勢山西全省地方非實行懲治盜匪法施行法無以收立法之效濟立法之窮錫山等爲除暴安良起見合無仰懇 大總統俯察山西地處邊要匪盜橫行懲治盜匪准予援照懲治盜匪法施行法辦理再未奉核准之先仍照懲治盜匪條例核辦至此件係永主稿合併聲明謹呈

批令山西地方應准照懲治盜匪法施行法定爲施行區域交內務陸軍司法三部查照此批中華民國三年十二月二十三日國務卿徐世昌

▲冀南鎮守使王懷慶呈冀南地方重要依懲治盜匪法應定爲施行法區域文
並批令

爲冀南地方緊要依懲治盜匪法應定爲施行法區域仰祈鈞鑒事竊鎮守使恭讀十二月七號政府公報登載 大總統申令前據參政院議決懲治盜匪法業經公布施行旋即提出懲治盜匪法施行法復經參政院議決咨由本大總統公布在案前頒懲治盜匪法所以示立法之準現頒懲治盜匪法施行法所以濟立法之窮張弛異宜經權互用此因時立制之道也慨自改革以來盜匪充斥民不聊生將欲除暴安良非峻法不足以資懲艾故刑亂不嫌用重縱惡適以長奸設當事機緊迫之時亦復拘執成規迂迴程序將盜匪以輾轉而久稽顯戮官吏以推卸而罔顧考成大之貽誤地方小之爲害黎庶安危治亂關係匪輕該管文武詎能辭咎

然使誤會意旨濫用職權枉殺無辜玩視人命斷者不可復續死者不可復生上干天和下違人道怨氣所積釀爲亂階在法律本有治罪之條卽上官亦有失察之咎設被言路糾彈或由人民告發一經查實定卽重懲本大總統本除惡務盡之懷寓視民如傷之隱寬嚴不容稍假輕重務得其平各該文武長官其各善體此意至此項施行法公布以後所有施行區域原以地方情形爲衡除京師及特別要塞地方關係重要應責成軍政執法長官依法辦理外所有各省各地方應否按照懲治盜匪法施行法於該管區域之處應責成各該將軍巡按使都統京兆尹暨各該高級軍官體察現辦盜匪情形迅速切實呈報聽候命令遵行此令等因奉此查冀南地方遼闊管轄二十七縣毗連齊豫向爲盜匪出沒之區將欲誅鋤奸宄非峻法不足以資懲儆而當事機緊迫之際尤不宜拘執成見致匪人久稽顯戮按照現時地方情形自應依懲治盜匪法定爲施行區域除分詳外理合備文呈請 大總統鈞鑒施行謹呈

批令呈悉冀南地方應准照懲治盜匪法施行法定爲施行區域交內務陸軍司法三部查照並轉行該管巡按使知照此批中華民國三年十二月二十三日國務卿徐世昌

▲黑龍江巡按使朱慶瀾呈遵令體察江省情形擬請作爲懲治盜匪法施行法施行區域以戢盜風文並批令

爲遵令體察江省情形擬請作爲懲治盜匪法施行法施行區域以戢盜風而靖地面仰祈鈞鑒事竊查懲治盜匪法施行法已奉公布並奉 大總統申令所有各省各地方應否按照懲治盜匪法施行法施行於該管區域之處應責成各該將軍巡按使都統京兆尹及各該高級軍官體察現辦盜匪情形迅速切實呈報聽候命令遵行等因奉此仰見 大總統用刑惟慎因地制宜之至意莫名欽佩伏查江省地方遼闊交通不便各屬距省城遠或千餘里近亦數百里審遞公文動輒經旬匝月盜匪案情類皆重要若令照例詳辦無論往返需時有稽顯戮而此輩兇悍性成久囿固圉亦處在在堪慮當經變通辦法飭屬遇緊急情形摘叙犯罪事實

先行電請核辦仍錄供詳報備核數月以來辦理尙稱妥速現在盜匪雖減餘孽未除綁掠之案仍不免時有發見正在嚴飭各屬及清鄉人員會同分防營隊認真搜捕實與懲治盜匪法施行法規定辦法相符擬請明發命令將江省作爲懲治盜匪法施行法施行區域以戢盜風而靖地面是否有當理合呈乞 大總統鑒核訓示施行謹呈

批令黑龍江地方應准依照懲治盜匪法施行法作爲施行區域交內務司法兩部查照此批中華民國三年十二月二十七日國務卿徐世昌

▲署四川巡按使陳廷傑呈遵奉懲治盜匪條例擬具委員覆審辦法文並批令爲遵奉懲治盜匪條例擬具委員覆審辦法恭呈仰祈鑒核事竊查政府公報內載七月二日 大總統申令茲制定懲治盜匪條例公布之又敕令第八十九號開懲治盜匪條例十條等因奉此查川省自改革以來懲辦盜匪係適用本省呈奉批准之軍法條例茲奉前因自應遵照改用始符通章當經咨商成武將軍胡景伊將原用軍法條例於九月十號廢止嗣後遇有盜匪案件均卽一律按照新章核辦用昭劃一查該條例第二第六第七各條之規定各省巡按使實爲監督執行之主體第七條所載巡按使不特有監督執行之責且兼有提審覆判之責此後對於知事及軍隊之報告認爲有疑誤時除飭令再審及提交高等審判廳覆審外尚應適用委員覆審之制始足以昭慎重而期敏活惟是川省幅員遼闊盜案紛繁若一一委員出省會訊往返勞費必屬不貲使署經費拮据何從挹注委任鄰封則瞻徇情面時虞敷衍况歐戰發生亂黨乘機思逞所在勾結迭據各處報告其中應就地處結之案固屬不尠而情節詭奇關係重要者尤多發見於省城附近比鄰離道志藏善炸彈及餘逆之厚堂之徒勾結謀亂屢經破獲卽可概想當祕密訊理者尤不宜事事宣揚審此類案件軍法條例未廢之先均由將軍署嚴密鞫訊治匪條例既布之後使署卽不能不酌設機關以資承審籌思再四惟有查照前清督撫臬司設立營務處發審局之例就本署政務廳暫設承審處酌派該廳長員中

明晰法理幹練精勤之員分司其事凡遇各屬詳報匪盜及關於作亂案件情節較重認爲必須提審者即提交該處提審詳鞠由廷傑隨時監督核定以昭慎重而利進行似此辦法既無繁費枉縱之慮亦無抵觸法理之嫌如蒙允允必於民命地方治盜大有裨益一俟時局平靜再當酌量併裁所有遵奉懲治盜匪條例擬具委員覆審辦法各緣由是否有當除分別咨陳外理合具文呈請 大總統鈞鑒訓示遵行謹呈

批令准如所擬辦理交內務司法兩部查照即由各該部轉行知照此批中華民國三年十月八日國務卿徐世昌

▲興武將軍督理浙江軍務朱瑞呈報懲治盜匪事宜已劃歸巡按使署管理文並批令

爲具報懲治盜匪事宜現已劃歸巡按使署管理仰祈鈞鑒事竊於本年七月二日奉 大總統申令茲制定懲治盜匪條例公布之此令等因同日奉 大總統第八十九號教令公布懲治盜匪條例登載第七百七十五號政府公報頒行到浙查浙省自光復以來懲辦盜匪適用軍法案件迭奉 大總統明令暨陸軍部通電向歸前都督府管轄辦理除情節重大各案隨時專案呈報外其餘均經按月列表彙報陸軍部查核歷次遵辦在案現在奉頒懲治盜匪條例及司法部通行管轄權限規定軍隊駐在地如合於第五條所列各款情形得由軍隊長官審判其餘均歸縣知事審判應審訊後逕詳巡按使核辦具見權衡綏急區別輕重之至意欽佩莫名嗣後懲治盜匪事宜除屬於軍隊長官審判案件應仍遵照懲治盜匪條例中各條規定隨時督率辦理照章咨報外其餘屬於巡按使應管盜匪案件已於本年七月十四日咨行巡按使接續辦理以清權限而符定章除咨陳陸軍部查照外理合具文呈報謹乞 大總統鑒核謹呈

▲浙江都督朱瑞呈浙省盜案迭出劃定清鄉特別區域酌訂章程及辦事條例

頭 亂

並遴員辦理等情文並批

案查浙江自光復以來地方秩序漸將規復迺以黨會分歧盜匪遂乘間而起小則聚衆搶掠大則糾黨拒捕日事剽除害終未止其尤甚者爲青紅各幫匪所憑藉之共進會雖已妥爲解散而根株未絕後患堪虞於此而不速清其源力遏其流終慮有橫決之一日欲圖標本兼治惟有舉辦清鄉庶良莠可分奸宄無從溷跡弭盜之方無逾於此惟查各屬情形不同其非繁難重要者即由各縣知事查明應否舉辦清鄉分別呈報民政司核辦至舊杭嘉湖屬土客雜處素爲浙西梟匪淵藪舊金衢嚴祕密結會之案前亦屢見迭出與各屬情形有別應卽定爲清鄉特別區域業經訂定浙江清鄉章程並清鄉辦事條例編查冊式特派前陸軍第五軍參謀長陸軍少將周鳳歧爲該區清鄉督辦浙省水陸巡防營總稽查劉鳳威爲該區清鄉會辦分別前往清查以期易收效果而安地方除分咨外理合將章程條例具文呈請 大總統鑒核謹呈

祺瑞

▲浙江都督朱瑞呈報杭嘉湖等處清鄉事宜完畢並撤消督辦公署日期請指

令施文行文並批

爲呈報事竊於元年十月三十一日承准國務院感電開 大總統令杭嘉湖等處梟匪充斥久爲地方之患自宜派員督飭剿辦以冀肅清應准任命周鳳歧督辦舊杭嘉湖金衢嚴各屬清鄉事宜水陸軍准予隨限調遣並會同地方文武籌議清鄉善後辦法稟承該督切實舉行該督辦權責既多現屆冬防必須迅速認真籌辦以湖匪蹤淨絕地面又安毋得敷衍塞責等因合電遵照等因奉此當經轉周鳳歧遵照督飭所派各縣清鄉委員並會同地方文武妥籌辦法切實進行所各縣清鄉局卽於二年元月先後成立該督辦復親率軍隊隨時巡視各屬數月以來匪風斂迹地方得以安靖茲屆清鄉預定期限限告終各縣編查皆已完畢縣清鄉

局亦均陸續撤局於五月三十一日據該督辦呈報前來並以督辦公署定於五月三十一日撤消呈請辦報銷差等情理合備文呈報 大總統鑒核准予銷差指令施行謹呈

批據呈已悉應卽照准交內務部陸軍部查照此批中華民國二年六月十四日國務總理陸軍總長段祺瑞內務總長假

▲內務部呈大總統報明修正江蘇徐淮海清鄉章程文並批(附章程)

爲呈報事據江蘇徐淮海清鄉督辦段書雲會辦王爲毅李駿管雲臣等會同該省都督張勳民政長韓國鈞報稱書雲等前在內務部呈遞清鄉暫行章程大綱十三條已遵批會同江蘇都督民政長協商妥洽並商同遵依清鄉暫行章程大綱另擬辦事詳細章程四十五條呈由內務部核准施行並請轉呈 大總統察覈等因前來查該督會辦所擬詳細章程既據聲明呈由內務部核准施行等語現經本部詳加查核酌予修正除行知該都督民政長暨該督會辦等遵照並函達國務院財政部陸軍部查照外理合據情並鈔黏修正詳細章程呈請鑒覈備案謹呈

批據呈已悉此批中華民國二年十二月二日國務總理熊希齡內務總長朱啓鈴

修正徐淮海清鄉詳細章程

第一條 本章程遵依部令會同都督民政長擬定清鄉詳細章程應與前奉核准之清鄉大綱十三條同生效力

第二條 在清鄉區域內剿匪軍隊應由督會辦隨時咨商都督護軍使各師長隨時調遣兼任清鄉坐辦之各縣知事應受督會辦指揮

第三條 剿匪期內軍隊捕獲盜匪應分別送由軍事執法委員或普通司法衙門訊辦至各縣知事本兼有軍事執法職務者緝獲盜匪時應查照前項辦理

(查此條原文係「剿匪期內軍隊捕獲盜匪即由軍事執法委員訊明懲辦至各縣知事本兼有軍事執法職務緝獲盜匪應仍查照向章訊明懲辦」本部修正之如前)

第四條 各縣分局經費練勇餉需及市鄉公所公費概歸各該縣就本地籌捐或按地畝附加由縣知事代收或按物貨附加由商會代收均聽酌辦但須由各該分局會同縣議事會議定呈報督會辦轉咨民政長核准後並咨明觀察使方能徵收仍分別呈報內務部立案

(查此條原文係「各縣分局經費練勇餉需及市鄉公所公費概歸各該縣就本地籌捐或按地畝附加由縣知事代收或按貨物附加由商會代收均聽酌辦仍由分局會同縣議會議定呈報督會辦轉咨民政長立案並咨明觀察使」本部修正之如前)

第五條 各分局及市鄉公所公費出入款項按月冊報總支局並榜示通衢俾衆周知

第六條 各分局清鄉公費專備清鄉之用不得挪移分文由會計員負責任

第七條 會計員由殷實紳商保薦另舉稽核二員負責查賬之責如有侵蝕挪移情事照例懲罰本人無力措繳由保人認賠

(查此條原文係「會計員由殷實紳商保薦另舉稽核二員負責查賬之責如有侵蝕挪移情事照罰無力措繳由保人認賠」本部修正之如前)

第八條 清鄉練勇或專駐縣城或分駐外鎮均聽坐副辦指揮並服從教練員訓練專備游擊土匪捕拿盜賊之用免予徵調

第九條 清鄉練勇名額按各縣區域廣狹財力厚薄酌定但至少以一百名爲限至多以四百名爲限均就土著良民選充

第十條 清鄉總支四局各設偵緝隊八十名由督會辦自行招募(大綱原稱衛隊現改今名)

第十一條 按照各縣原定若干市鄉於該市鄉公舉市鄉董一員市鄉佐一員每市鄉分若干莊公舉莊董

一員莊佐一員小莊得聯合數莊公舉莊董莊佐各一員均由坐副辦核准委任冊報會辦轉咨督辦彙咨民政長立案並咨明觀察使(大綱分區現依市鄉制改正)

第十二條 按照各莊戶口多寡議派清鄉壯丁若干名在本莊輪班值宿守望相助遇有匪警聯絡數莊合力捍衛壯丁名冊由各該莊董佐造報分局彙報支局總局備查

(查此條原文係「按照各莊戶口多寡議派清鄉壯丁若干名在本莊輪班值宿守望相助遇有匪警聯絡數莊合力捍衛壯丁名冊造報分局彙報支局總局備查」本部修正之如前)

第十三條 教練清鄉壯丁應由坐副辦在教練各勇中選拔操法嫻熟之人呈請督會辦核准派往各市鄉於農隙時次第教練俟各市鄉教練完畢再舉行數市鄉合操一縣合操之法

第十四條 調查戶口為清鄉入手辦法應由分局督促各市鄉莊董佐會同市鄉議事會董事會按照表冊逐項列入以後每三個月調查一次不得蹈前敷衍草率之弊

第十五條 莊董佐如因本莊戶口繁盛得按十戶舉一排長分任調查亦須報明分局立案

第十六條 調查完畢由各分局報總支局督會辦應隨時派員抽查以昭核實

第十七條 各市鄉莊董佐於清查時須將各戶士農工商各職業均詳悉註明表冊其為無業游民則書無業二字以便隨時稽查

(查此條原文係「各莊董佐於清查時須將各戶士農工商各職業均詳悉註明表冊其為無業游民則書無業二字以便隨時稽查」本部修正之如前)

第十八條 清查時如有被匪脅從之民痛改前非由親族隣右出具切實保結准其附編冊內

第十九條 從前在幫在會之人只論匪不匪不論幫會不幫會但須於此次清查戶口之時親赴分局聲明

出幫出會有票布符號者繳局銷燬即不究既往此後不得再有開堂招待情事犯者重懲

第二十條 各市鄉莊董佐查有匪人可集壯丁拘送分局或密報分局派練勇捕拿由縣知事訊明查照第三條分別辦理如有挾嫌誣陷亦即訊明照例反坐

(查此條原文係(各市鄉莊董佐查有匪人可集壯丁拘送分局或密報分局派練勇捕拿由縣知事訊速懲辦如有挾嫌誣陷亦即訊明照例反坐)本部修正之如前)

第二十一條 清鄉練勇壯丁搜捕盜匪見盜匪持有槍械拒捕非用相當之武力不能抵禦或逮捕時得用相當之武力如已就捕應即送由該管官廳訊辦不得自由處分

查此條原文係(清鄉練勇壯丁於搜捕時見盜匪持有槍械拒捕可依正當防衛法律格斃勿論如已就獲應即送縣訊明懲辦不得擅殺)本部修正之如前

第二十二條 土豪貪賄庇匪保匪或被告發或經訪聞由清鄉坐副辦查實提訊照章嚴辦但良民被匪迫脅勒交保釋費者不在此例

第二十三條 各董佐拘送匪徒或密報匪情如未備公牘可由分局書記憑其口述代敘當面朗讀無訛即由該董佐簽字或加蓋圖章存卷

第二十四條 本鄉如有外來游民查無生業形迹可疑者即由各該清鄉全所派壯丁遞送出境不服遞送立即報明分局押解出境

第二十五條 搜打盜匪時不得焚燒匪屋以免延及良民匪如佔據圩地抗拒軍隊須用炮攻者不在此例惟亦須預令良民遷徙以免殃及無辜

第二十六條 本縣盜匪竄入鄉境及鄰縣盜匪竄入本境均由各分局立咨隣封一體協拿

第二十七條 清鄉要點宜先清窩戶地方無窩匪之人則匪無容身之地鄉市耳目接近匪窩所在無不知

悉特懼禍不敢舉發應責成分局就近密訪確實立即嚴抄窩匪之人並即嚴辦以清匪源

第二十八條 莊董佐查有窩匪之戶立即密報市鄉董佐集壯丁拘捕解送分局訊辦如畏匪勢重即密報分局巡派練勇捕拿

第二十九條 市鄉公所及各鄉守望所原有槍械均須具報分局烙印編號註冊並發給執照爲憑前辦清鄉會經烙印者亦一律補請加印

第三十條 前項槍械烙印編號註冊須由各分局督率各市鄉董佐每三個月查驗一次並由督會辦隨時派員抽查如與冊報不符即嚴行根究懲罰

第三十一條 前項槍械如有遺失應隨時報明分局派員親往查驗方准註銷存案倘事前並未報明遺失一經查出即以盜賣軍火治罪

第三十二條 凡無恆產恆業之住戶不得託名守望自置槍械冒請編號烙印註冊

第三十三條 凡經此次烙印之槍械如嗣後家道中落無力保守應准呈繳分局秉公給價

第三十四條 敗匪埋藏之槍械經民人查知起獲准送分局秉公給價如匪人投誠繳械亦一律給價

第三十五條 人民有願領槍械者如由市鄉董佐查明確係防匪之用准其查照原收之價備價領取報分局備案

第三十六條 有代匪私藏槍械者一經查出即以私藏軍火治罪

第三十七條 城鎮繁盛之區應由巡警練勇壯丁留心盤查私運槍械之人遇有推運大件箱篋席包形迹可疑者得報明分局或市鄉公所當衆開驗惟不得無故留難致擾行旅

第三十八條 清鄉戶口表冊由各分局按照總局頒發式樣刷印發給各董佐照寫以昭劃一

第三十九條 在清鄉區域之內軍隊如有擾民之事督會辦得隨時咨明該管長官查辦其有名譽優美成

績昭著者亦隨時咨請獎勵

第四十條 各知事辦理清鄉如有不力之處督會辦應即咨請民政長處分並咨明觀察使其有辦事認真勤勞自奮者亦隨時咨請獎勵

第四十一條 坐副辦隨時酌派稽察員分往各市鄉稽查市鄉董佐辦事勤惰聲名優劣報支局派員復查分別獎勵更換

第四十二條 每市鄉各舉稽查二員分往各鄉稽查鄉董佐辦事勤惰聲名優劣報分局派員復查分別獎勵更換

第四十三條 練勇壯丁捕獲首要盜匪應由督辦優予獎賞或因捕匪傷亡亦分別從優撫卹

第四十四條 人民掘送盜匪或協助緝捕或偵知匪蹤眼同拿獲或指明窩戶及通匪之人因而拿獲實有證據者從優獎賞以示鼓勵如因辦匪致有傷亡亦分別從優撫卹（本條與前條獎賞撫卹之款均在該縣籌捐款內支給）

第四十五條 此項詳章以內務部核准之日施行如有未盡事宜得隨時由督會辦會同都督民政長修改咨呈內務部核准更正

△內務總長呈蘇松常各屬清鄉事後蘇州清鄉公所照章裁撤並懋陳辦理結束情形據情轉呈文並批令

為蘇松常各屬清鄉事竣蘇州清鄉公所照章裁撤懋陳辦理結束情形據情轉呈事准江蘇都督馮國璋江蘇民政長韓國鈞咨稱案查上年九月三日奉令任命盧世儀督辦蘇省長江下游一帶清鄉事宜宗能述會辦蘇松常清鄉事宜張晉會辦通如崇海清鄉事宜旋以張會辦電請辭職復於九月十日奉任命章亮元會辦江蘇通如崇海清鄉事宜各等因奉此當經該督辦盧世儀該會辦宗能述章亮元等先後報明設立請

鄉公所於蘇州並以通如崇海地方篤遠策應爲難設立分公所於南通蘇公所由盧督辦宗會辦常駐辦事於上年九月二十六日開辦通公所由章會辦常駐辦事於上年十月五日開辦均以六個月爲期滿擬具修正條例施行細則執法章程編查規則偵探服務規則經會同轉報大部核准照辦在案茲值六個月期滿除通如崇海一帶地方重要業經電奉核准展緩三個月以竟全功外其蘇松常一帶清鄉事宜應卽如期取消現據該督辦盧世儀會辦宗能述呈稱自上年奉命以後卽經酌擬大綱呈請咨部立案一面刊刻關防在蘇州設立清鄉公所於九月二十六日呈報開辦並因通如崇海距蘇遠另在南通縣分設公所派撥經費三分之二由會辦在南通就近辦理嗣據太倉嘉定寶山泰興靖江五縣之請又呈奉核准將太嘉寶三縣加入能述清鄉範圍之內靖江劃歸章會辦範圍之內並加入泰興一縣均經先後呈准委任各縣知事兼清鄉長職務將清鄉應辦事宜一律進行計自開辦日起至本年三月二十六日六個月限滿除通如崇海靖江泰興六縣已由章會辦呈准展限限滿之日由章會辦自行結報外蘇公所現已如期撤銷所有辦理及結束情形謹爲都督詳細陳之查蘇屬各縣濱海臨湖風稱盜藪自滬寧亂後敗逃梟盜勾結爲患聚衆數百擄掠全村及連劫二三十家拒敵官軍焚殺巡警之案無日不有亂黨又潛匿租界四處煽動因此匪氛日張人心惶惶不安寢饋世儀等自奉命之後因思大亂初平匪踪遍地清鄉之要自宜先從緝捕入手冀蘇民困一面編查戶口區別良莠以清內奸惟地鄰皖浙水陸交通匪類此擎彼竄出沒無定非水陸兩軍剿防並舉緝捕難期得力其時世儀尙在水警總廳任內兼任蘇防步隊事務處處長卽經呈請酌調蘇防扼要堵截嗣奉前都督張以蘇防正在整理未便分調責成水警分任剿防終以不敷分布呈蒙改派陸軍第二師轉令第四團酌派軍士六連擇要分註卽經密派偵探分飭水警四路探緝當在蘇城內外破獲亂黨機關二處擊獲亂黨梁保山羅壽田朱七張洪軒臧炳炳南五名訊據供認來蘇運動欲圖起事不諱由世儀呈請將梁保山等四名一律正法滅炳炳處以監禁又在無錫石唐溥探獲亂黨周老九張寶清二名並由嘉定清鄉長擊獲前在吳淞焚

機廣艇之亂黨劉元俊一名解由公所訊明供詞轉解上海鎮守使覆審懲治此外盜賊幫梟各項匪類先後共獲顧小和尚李三元等二百數十名或解由各縣清鄉長歸案訊辦或由公所訊明擬議呈請嚴懲一面派員酌帶師船分赴各處往來巡緝以資鎮攝自冬至春地方稍覺平靜第兵力既單不免顧此失彼積匪巨盜竄逸良多此則世儀等所深自負疚者也至編查戶口由公所分委清鄉員會同各縣清鄉長督率市鄉公所各就自治區域凡陸路之鄉鎮村莊水路之大小船隻以及民間所藏防衛槍枝均經按照規則分別清查編烙遇有外來匪棍隨時驅逐其本地游民形跡可疑與庵觀寺院易於藏奸者各加記號另編一冊俾便稽考已據委員按區抽查由縣彙造總冊陸續送所惟尚有數縣因取消自治以後董事咸存觀望進行不免阻滯經竭力督催編查雖已竣事總冊尚未造齊而公所現須裁撤不便因此延長虛糜公費擬請將清鄉員一律取消責成各縣清鄉長趕造總冊逕解吳縣由能逃隨時接收其已到各冊亦暫送吳縣收存俟各縣一律送齊再行彙案呈送至清鄉用款蘇通兩公所原定額支活支六個月預算及追加太倉嘉定寶山三縣編查各費共計洋八萬四千一百三十四元內通公所應分撥洋二萬六千三百八十八元蘇公所應分撥洋五萬七千八百二十六元又原定預備金一萬八千元聲明俟事實發生再行請領蘇通並未劃分又開辦之前由應前省長撥發開辦費二千元嗣通公所先後撥去洋二萬七千五百三十七元又華亭縣奉飭撥解款內短解洋三百元蘇公所實領洋五萬八千二百九十七元續又支領預備金五千元計蘇公所共實領洋六萬三千二百九十七元自開辦至今實用洋五萬七千三百九十九元九釐收支相抵淨存洋六千二百九十三元九角八分一釐已解交江蘇銀行取具收據隨文呈繳其限外辦理結束酌留人員係各盡義務僅支役食雜用不支薪水現於四月十五日一體取消公所完全裁撤開辦時置備各物開單移交吳縣點收聽候撥用所有蘇省清鄉公所結束緣由理合造具決算及獲犯審辦各項表冊並移交置備各物暨南通公所撥去款項開列清摺連同文卷關防呈請核收咨銷等情前來除分飭驗收並將收支經費清冊彙造支出計算書轉送審計分處查

核外相應會同咨報等因到部查蘇省長江下游一帶清鄉事宜原分兩路辦理設公所於蘇州清理蘇松常及太倉嘉定寶山三縣設分所於南通縣清理通如崇海及泰興靖江兩縣除南通清鄉分所業經展限三個月外其蘇州公所因清鄉事竣遵限裁撤茲准咨報裁撤日期並懇陳辦理結束情形暨聲明戶口總冊已責成各縣清鄉長趕編造送收支經費已將計算書造送審計分處等語除由部咨復江蘇都督巡按使查照外理合據情轉呈謹乞 大總統鈞鑒謹呈

批令據呈已悉此批中華民國三年六月四日國務卿徐世昌

▲內務部呈蘇省通如崇海各屬清鄉事竣撤銷公所文並批令

爲蘇省通如崇海各屬清鄉事竣撤銷公所遞陳辦理結束情形並請免去會辦章亮元職務據情轉呈事准宣武上將軍督理江蘇軍務馮國璋江蘇巡按使韓國鈞咨陳稱案准通如崇海清鄉會辦章亮元咨稱會辦自上年九月十日奉 大總統令會辦通如崇海清鄉事宜遵即會同盧督辦世儀宗會辦能述於蘇州設立公所外並於南通分設公所由亮元就近辦理其清鄉範圍除通如崇海四縣外加入靖江泰興兩縣節將應辦事項籌畫進行查蘇通兩公所期限均原定六個月嗣於本年三月蘇公所期滿撤銷通公所奉文展緩三個月計自開辦日起現屆九個月期滿應即撤銷敬將辦理及結束情形詳細陳之查通如等六縣濱江臨海汛港紛歧時值滬寧亂後潰兵勾結梟匪風鶴頻驚當即調派軍隊扼要分防飭探將巨匪萬鵬等拿獲正法餘黨解體地方得以無事總計前後獲匪百名破案數十起現屆期滿一律結清至編查戶口爲清查匪類之根本辦法經派委員分赴各鄉妥速辦理槍械一項當經訂定簡章特別取締爲各縣先後詳報編查戶口槍枝各冊到所業已備文彙送其所屬清鄉營偵探隊亦經商准管鎮守使雲臣將營隊人員卷宗一併移送接管至公所經費共收洋三萬四千零四十七元共支洋三萬三千一百八十八元八角九分一釐收支兩抵淨餘洋八百五十八元一角零九釐匯由南通江蘇分銀行連同支出計算書另文咨送所有各項案卷分別將

徒刑人犯等卷發交南通縣存查其營餉編制及處罰兵士各卷均送通海鎮守使署接管茲於七月二十五日結束事竣公所完全撤銷會辦職務應請轉呈准予免去理合將關防卷宗隨文咨送等因除函復外相應會同咨請轉呈 大總統准予免去章亮元通如崇海清鄉會辦職務等因到部查蘇省通如崇海清鄉事宜前於民國二年九月十日奉任命章亮元爲會辦嗣於本年三二期滿復蒙允准展限三個月先後遵辦各在案茲准宣武上將軍雲江蘇巡按使咨報清鄉事竣撤銷公所日期並遞陳辦理成效及移交營隊結束案卷各情形本部查核無異理合據情呈請准予免去章亮元會辦通如崇海清鄉事宜職務謹乞 大總統訓示施行謹呈

批令呈悉章亮元已有令准予免職矣卽由該部轉行知照此批中華民國三年八月二十六日國務卿徐世昌

▲署理湖北都督段芝貴民政長呂調元呈釐訂湖北清鄉章程繕摺呈請核示

文並批

爲呈請睿鑒訓示事竊照湖北省地方自軍興以來盜賊繁滋亂黨紛起各處匪徒又復乘間嘯聚現雖漸次粗平而伏莽尤多必須實行清鄉方爲正本清源之計前因擬訂收槍章程呈奉 大總統電令核准其原呈並聲明清鄉章程再行呈核等情茲謹按照湖北省之現狀及參考各省已辦之章程悉心釐訂湖北省清鄉章程十五條往復會商業已定稿除咨部外理合繕摺呈請 大總統俯賜察核訓示祇遵再清鄉由都督民政長督同辦理以一事權而昭鄭重其總會辦各一員擬遴選一官一紳之有聲望而又幹練者充當俟章程奉准後再行遴員呈報合先陳明謹呈

中華民國三年五月九日國務卿徐世昌

謹將湖北省清鄉章程擬稿繕摺呈請鈞鑒

第一章 綱要

第一條 清鄉宗旨以除暴安良消弭匪患爲範圍由都督民政長督同辦理在省城設立清鄉公所委總辦一員會辦一員各道觀察使均兼充會辦各縣署附設清鄉分所以縣知事兼充坐辦或加派清鄉委員爲副辦其警察署長亦兼充副辦此外每鄉設清鄉一區名曰某某縣清鄉第幾區舉鄉董一員名曰區長再分村名曰區佐

第二條 鄂省輪軌交通五方雜處襄河上下伏莽最多山鄉各縣尤多匪窟此次清鄉之程序先注重荆襄流域其次爲山鄉各縣其次爲繁劇各縣

第三條 鄂省毗連數省有互相維持之關係此次清鄉應由都督民政長咨請鄰省協助在兩省交界地點必請鄰省派兵扼要堵紮俾免匪竄以鄰爲壑鄰省清鄉時鄂省亦於交界處派兵嚴防俾兩省兜拏匪無去路

第二章 編查

第四條 調查戶籍編發門牌爲清鄉入手之辦法由總會辦負其專責分令各縣坐辦認真辦理所有編查細則及冊式牌式結式由公所另訂頒發

第五條 此次清鄉全在守望相助雖每鄉各舉區長每鄉各舉區佐但城鎮鄉各董亦有應盡之義務所有編查填冊均應責成商團或鄉團及各董會同辦理由區長委託編查後呈送分所由坐辦或副辦復加抽查

第六條 關於編查事項費用每分所及每縣每鄉應由公所酌量每月撥給津貼錢若干由坐辦支配不足者由縣署另籌商會亦得協助無論何種費用不得勒索民間分文其情願捐助者聽如捐助巨款得由坐辦呈請給獎

第三章 剿防

第七條 凡關於水陸要害處所必須調派兵警防守時水道呈由都督民政長飭令水警總廳分飭扼要防守陸呈由都督察酌情形派兵駐紮防堵

第八條 公所得酌設衛隊若干名另設偵探隊得隨時馳赴各處偵查以發給印文爲憑遇有匪蹤一面馳報公所一面知會該縣坐辦或副辦或附近駐防水陸軍警相機協拿以期迅速仍由該營縣電呈備案

第九條 各清鄉區長區佐於編查戶籍之時發覺窩藏匪類及妨害地方治安情事應隨時飛報團防及分所派警察或衛隊立時查拏如遇大幫盜匪必須臨以兵力者報由坐辦或副辦就近商由軍隊搜捕仍呈明公所轉報其附近省會各縣卽由公所呈請都督核飭施行

第四章 裁判

第十條 各區長於清鄉範圍內報護尋常竊盜匪犯應依法送縣審辦如遇有搶劫巨匪積案甚多勾通叛黨擾害地方等情重大之犯卽遵照辦匪通令由縣知事呈請都督民政長核准就地懲辦仍分呈公所及觀察使備案

第五章 經費

第十一條 清鄉經費由公所分別額支活支預備三項以六個月計編制概算書呈請都督民政長覆核卽由民政長咨部追加預算按月撥給濟用造報核銷事竣仍由公所編造決算冊呈核

第六章 賞罰

第十二條 各分所坐辦副辦及水陸警察如有編查疏忽緝捕弛懈協助不力者由總會辦酌量輕重呈請懲罰其協助不力之軍隊由總會辦呈請都督懲式各戒區區長區佐等編查苦率者由各該縣坐辦罰辦至以上人等如能勤奮從事著有成績者俟事竣由總會辦呈請獎勵特別破獲盜匪要案及亂黨機關者得

隨時議獎請獎最重要者呈請中央給予勳章或過升官階

第十三條 購緝著名首匪由公所酌懸賞格其有與匪開仗擒獲匪徒或奪匪獲械者由總會辦隨時酌量賞犒呈明辦理倘有因匪拒敵致有死傷者呈請優加撫卹

第七章 時期

第十四條 清鄉事宜自開辦日起定期六個月一律辦理完竣倘能早日結束由總會辦察酌呈請隨時停止

第八章 附則

第十五條 本章程由都督民政長呈請 大總統察覈批准施行並咨部立案如有應行變通之處時隨時修正之仍呈明 大總統並咨部備查其未盡事宜另由公所編訂各項細則呈候轉報

▲順天府尹張廣建呈擬訂緝捕賞罰章程請鑒核立案飭部遵照文並批（附章程）

爲整頓捕務擬寬籌經費明定賞罰請准予立案事竊以爲政之道貴在安民察吏之條首嚴緝捕自古三輔近畿盜賊常多於他郡故往代循吏仕於長安及扶風馮翊者率皆以治盜勤能課績稱最順天府拱衛畿疆屬境二十四州縣盜風素熾軍興以後伏莽徧地近日最甚者如東南兩路蘄香寶武永東等處常有匪徒騎馬持槍結黨數十人公行劫掠偶遇官兵竟敢列陣對抗儼同勁敵府尹蒞任伊始目擊情形極爲焦屢屢次晉謁均面奉諭令注重捕匪等因仰見燭照闔外軫念民依聞命以來無日不謹懷訓詞力圖振作惟是緝捕之方責在牧令順屬吏治廢弛各知事中固不乏賢能而闕茸者亦復不少敷衍因循沿成習慣積玩之後振之以猛自非嚴申功令不足以儆將來然論捕務於今日其種種困難有不能不爲各知事原諒者盜賊人多械利既非捕役所能擒制而城鎮鄉巡警人數寥寥素乏訓練用以捕盜不啻驅羊禦狼各知事欲自募縣隊

款不應手雖有幹吏徒奮空拳其困難一也有司治盜全仗財力懸賞有費購綫有費遣解有費不幸拒捕而兵役遭傷亡之慘則撫恤又有費目下各縣缺乏情況終日患貧糜多金而破一案賠墊之款無法取償其困難又一也有此困難使長官不加體恤徒責知事以不能弭盜雖日言彈劾終莫由收毫髮之效揆諸情理亦未持平必先洞明其困難狀況設法籌畫補助不逮乃可施策勵而責以成功憶昔 大總統督直時爲民除害凡各屬著名大盜嚴飭有司勒限擒拿每獲一名常頒發數千金分充犒賞地方官又加不次之擢爲酬勞之舉苟有罷懷參撤隨之用能鼓舞羣僚綏安百姓典型具在可法可師府尹現經通令各屬將境內著名巨匪查明開單具報分別重輕定立賞格密飭各知事剋期嚴拿如能弋獲由府尹衙門撥款照格頒賞至於每辦一案無名用費尙難悉數該知事果能發姦擒伏鋤暴安良凡因辦案花費之款府尹應代爲擔任准其據實開報核明酌發俾免虧累此項緝捕費就目前而論盜風滋熾將欲按名購獲需用甚鉅府尹衙門行政費已萬分竭蹶無可騰挪擬請於中華民國二年預算案內從少數准支緝捕費銀三萬兩向財政部請領核實動用如再不敷自行籌墊如有餘剩儘數節存按季詳繕造報不使稍涉浮濫俟一年以後盜賊果能斂跡再行酌量刪減明知都庫奇窘第念羣盜如毛搜捕匪易設不爲籌款是猶縛手足而欲行動勢必不能順天地當首善根本所臨但糜有限之財藉療養癰之患爲國家一方面設想需費極微保全實大至於各知事皆有緝捕之責既由上級官廳資助財力不至掣肘倘於捕務再不認真是直自甘暴棄用人之道懲勸兼施蘭芷與蕭艾同科騏驥與鶩駘並蓄無怪賢才短氣庸懦偷安府尹考察屬吏應先視獲盜多寡捕務勤惰判分殿最茲經暫定緝捕賞罰章程徐圖淬勵嗣後各知事或奮迅圖功或疲庸溺職惟有照章舉劾不稍瞻徇蘇明允謂千金在前猛虎在後卽是此意所擬章程半沿舊例第念緝捕一事關係民生禍福至爲密切現在新頒法制於盜案處分尙未規定有司視捕務爲兒戲寇盜充斥民不聊生值此過渡時期不得不嚴訂考程稍資猿刷府尹忝任畿疆保衛治安是其專職觀萑苻之在野寢饋難安企張趙之前規臆臯學步因奉諭整頓捕

務反覆籌思既非空妙手所可圖成尤非甄別屬吏驅策羣材不能收効於萬一除擬添兵安設電話另案呈請交議外所有寬籌經費明定賞罰緣由理合另摺繕具章程呈請 大總統鑒核俯賜批准立案並飭下財政部照辦再由府尹通令施行俾資遵守而昭鄭重實爲公便此呈

計呈緝捕賞罰章程清摺一扣

批據呈已悉交內務財政兩部查核辦理此批中華民國二年二月十七日國務總理內務總長趙秉鈞財政

總長周學熙

謹擬順天府屬緝捕賞罰章程開摺呈請鑒核

計開

第一條 順天府尹署於中華民國二年預算案內請支緝捕費銀三萬兩由財政部按季具領專供懸賞贖

線撫卹及一切關於捕務之用

第二條 各縣知事應將境內著名大盜開單呈報由尹署分別首從按名立定賞格密令各知事及駐防軍

軍隊尅期嚴捕

第三條 各知事各軍隊於尹署指拿之盜果能弋獲應需銀由知事照格如數具領立刻批發決不食言

第四條 各屬地面如有重大劫案隨時發生尹署接據報告後照案懸立賞格至獲盜給賞訊明後准照第

三條辦理但尋常盜案不在此例

第五條 破獲盜案自賞銀以外種種費用准各知事據實開報由尹署審查果係因辦案必需之款認爲正

當支給卽行照發

第六條 尹署支發緝捕費取各知事或督捕局等各該機關印領爲憑按季詳細逐款造冊專案報部以昭

核實

第七條 緝捕賞銀須計功酬報如支配不當或濫賞事外之人及有乾沒情事一經查出或被告發定予該承領官以應得之咎

第八條 捕盜最貴神速現擬籌款安設電話如出有盜案立刻電達本境各警局各防軍及尹署及鄰封州縣四面兜拿在電話未設以前遇有盜案須將盜賊人數及所持器械劫去財物逃逸方向詳細訊明立即分別呈報移會不准含糊其詞至遲亦不得逾三日之限

第九條 地方官諱盜例干參革現在此項處分未奉明文規定人多玩視仍應適用舊例嗣後各知事遇有盜案或隱匿不報或雖報而就輕避重任意遷期定從嚴分別懲處不貸

第十條 尹署指捕之犯分爲最要重要次要三等各知事於奉文後能將境內要犯悉數拿獲無一漏網者定呈請破格獎敘

第十一條 各知事拿獲最要犯一名應予專案請獎拿獲重要犯一名記大功二次拿獲次要犯一名記大功一次

第十二條 地方重大劫案各知事如於出案之時督率兵役立刻破案人犯贓證全獲者記大功二次即人贓不能全獲但能登時破案不至拖延訊明確實應予記大功一次

第十三條 甲縣出有盜案乙縣知事協力兜拿能將賊贓破獲者記大功二次拿獲鄰封盜案積至三起由尹署專案呈請予以相當之獎勵

第十四條 地方盜案多寡全視防範疏密各知事如能認真設防三個月不出盜案記功一次半年不出盜案記大功一次一年不出盜案記大功二次

第十五條 尹署懸賞購拿皆係著名積匪貽害閭閻各知事於奉文後倘漠不經意延至三四個月一名無獲記大過一次再予展限如始終不能獲案貽害地方應即專案彈劾

第十六條 各知事管轄境內一個月出盜案兩起而盜賊一無破獲者記大過二次一個月出盜案三起而盜賊一無破獲者記大過三次

第十七條 各縣呈報盜案由尹署每三個月查明結算如出案三起以上而一案不破記大過一次出案四起以上而一案不破記大過二次出案五起以上而一案不破記大過三次

第十八條 功過准其相抵凡記大功至三次而並未記過者彙案請獎記大過至三次而並未記功者立予免任

第十九條 各知事如因境內迭出劫案無法破獲乃藉真盜假案呈報獲犯爲抵搪處分之計查明加重嚴懲

第二十條 盜犯獲案後須依定限訊明勘解倘無故遲延仍照舊懲處

第二十一條 尹署派往各屬駐防軍隊該軍官於管轄地段與知事同負責任本章程自十一條至十八條各軍官皆適用之但應行黜陟自管帶以下員弁由尹署核辦毋庸呈請

第二十二條 各縣典史本管監獄不能兼顧捕盜現既正名爲典獄官盜案處分應予轉免至警長負完全緝捕之責嗣後地方盜案各警務長應與知事一律同擔處分

第二十三條 盜賊拒捕格殺勿論新刑律無此條文第兵役如遇拒捕之盜賊不能束手待斃嗣後盜賊果因拒捕格斃由地方官驗明確係殺應准勿論

第二十四條 本章程一切規定係因順天多盜暫行維持治安起見將來中央法規頒布實行如有牴觸之處及其餘未盡事宜容俟隨時修正以期適合

第二十五條 本章程自奉准公布之日各屬一體遵行

▲熱河都統呈明擬定軍警緝捕章程援案支給賞項嚴定功過考成請鈞示遵

行文並批

爲呈明事竊照安民以除暴爲急察吏以緝捕爲先熱河地雜蒙旗北控沙漠轄境遼闊馬賊夙多東則朝阜綏開四處毗連奉吉兩省往來竄擾劇易藏奸南則圍場屯墾又素稱逋逃之藪值茲蒙氛不靖地方戒嚴非先靖內匪無以杜外來覬覦之漸非保衛匪密無以堅蒙人內向之心疊經函達各旗並嚴飭軍隊暨地方官聯合蒙漢辦理團警實行清鄉各事平時爲緝捕盜賊計有事爲捍禦外侮計但非嚴定勸懲兼施賞罰賢者旣無所奮勉不肖者更莫如倣畏除根據懲戒法草案另定文官臨時懲戒章程及記功章程責令各屬整頓捕務並另文咨送國務院備案轉呈 大總統核示外茲將擬訂軍警緝捕章程備文呈請 大總統查核俯賜批示施行抑希齡尤有陳者向例州縣承緝盜案處分甚嚴現地方官暫兼司法而保衛治安並係內務行政範圍卽各有承緝專責然論捕務於今日各屬缺况清苦無餘資以充賞購線警政不備無實力以兜緝逆剿徒責各知事以弭盜縱日加懲戒而形格勢禁仍難見諸實行故規定各項章程於緝捕盜賊一項擬定地方官之懲戒獨輕而責成於軍警者獨重惟來日方長恐各知事視懲戒爲具文轉可放棄職務泄沓自由轉失核實循名之意應否援照順天捕盜章程凡地方官緝獲捕盜賞項悉由公帑支給仍嚴定功過考成俾知懲勸之處伏候鈞示遵行實爲公便謹呈

批據呈已悉所擬章程尙屬妥協應卽照准至所請將緝捕賞項悉由公帑支給並嚴定功過考成之處事屬可行交院部查照備案此批中華民國二年五月七日國務總理趙秉鈞陸軍總長段祺瑞內務總長假財政總長假

57
t 70642